

CRIMINALIVM IVRIVM
CIVITATIS GENVENSIS
LIBRI DVO.

Cum additione plurium Decretorum.

Et Privilegio.



GENVAE.

Apud Christophorum Bellonum, Ant. F.

DVCALEM TYPOGRAPHVM.

MDLXXIII.

B. S.



mo
ILLVSTRISS. DVCI
MAGNIFICISQVE GVBERNATORIB.
AC PROCVRATORIBVS.

Nicolaus Iacob. F. Gentilis Senarega Iureconsultus.
Stephanus Ang. F. Cattanus. Petrus Ioannes
B. F. Cibo Clauica.



VRIS prudentiam Illustrissime Princeps:
Patresque Clarissimi diuinarum: humana-
rumque rerum omnium cum præstantissi-
mam: tum inter cæteras arteis: quas mortali-
um genus hætenus coluit: antiquissimam
esse; sapientes tradiderunt. Et quidem: si
antiquitas quæritur: hæc vetustate cæteras
adeò antecellit: vt néqua prorsus occurrat antiquior. Hæc enim
est illa: quæ in ipso rerum primordio priusquàm de cæteris arti-
bus: & disciplinis ne cogitatio quidem inter homines esset: illos
adhuc rudeis; palantes: passimque in agris dispersos: ac in tectis
syluestribus abditos ratione quadam in vnum locum compulit:
& congregauit. Hæc item illa; quæ in vnamquaque rem vti-
lem: & honestam eos inducens: primò propter insolentiam re-
clamantes: deindè propter rationem. & orationem studiosius
audientes: ex immanibus mites reddidit: & mansuetos. Rursus
illa: quæ vrbibus constitutis: vbi fidem colere: ac institutum re-
tinere homines didicissent: & alijs parere sua sponte consuevit-
sent: tranquillitate dein ocioque; ciuili per leges alias pulchrè con-
stitutis: firmatisque: tum demum ad artium: cæterarumque re-
rum pulcherrimarum inquisitionem accingi docuit. Sin præstan-
tia attenditur: nonne hæc vniuersas parteis Philosophiæ: singu-
las quasque de more apum obeundo: quæ ex omni florum gene-
re suauissimos decerpunt: ita perstringit: vt ne vllam quidem:
quam non attigerit: præterisse videatur? Cùm igitur Philoso-
phia

phia animæ sit consummatio; animæ autem duplex vis habeatur: appetendi vna: altera cognoscendi: planè quemadmodum eius: quæ in sola rerum cōtemplatione & æstimatione versatur: finis est veritas: ita quoquē alterius appetitum perficientis finis est virtus: quæ intellectu sordibus defœcato circa negocia: & actiones tora constituitur. E quo genere ciuilem disciplinam primam esse: præter rationem autoritas quoquē liquidò confirmat: quando Aristoteles æthicen solam: tanquam vniuersalem totius huiusce generis præceptorum disputationem: pro more Peripateticæ doctrinæ primo loco statuens: reliquis partibus omnibus politicen anteposuit. Sed quid multa? quasi verò nunc id agamus: vt tantum portio: & nō potius totius moralis Philosophiæ perfectio & consummatio ciuilis prudentia sit. Quæ enim: hac explosa: esse potest vlla ex parte rectè stabilita Oeconomix ratio? Nam cū rei familiaris (vt rectè idem Aristoteles tradit) partes primæ sint homo: & possessio: quorum alterum ad victū pertinet: alterum ad liberos: nonne ijs legibus: quibus de nuptijs & successionibus tractatur: ita ordine & ratione hæc affatim sunt constituta: vt vel partem non exiguam occupent iuris ciuilis? Ad componendos quoquē animi mores: qui vnus totius moralis Philosophiæ finis est præcipuus: non parū præstat legum autoritas. Nam cū Philosophia solis exemplis: & admiratione pulchri: quæ nequē omnes audiunt: nec si audiāt: ijs capiuntur: mortaleis ad virtutem alliciat: hæc bonis præmia tribuens: malis item pœnas statuens: bonos confirmat: malos verò coercens: ne bonorum studia: & societatem sua queant improbitate turbare: ad resipiscendum inuitat. Accedunt in præcipiendo elegantes formulæ: ac regulæ maxime illustres: vnicuique generi plurimum accommodatæ. Et primum quidem ad lustritiam adipiscendam magnum habet momentum: dum sublato more hominem barbarico: & planè ferino: per quem potentissimus quisquē quàm plurimum potest: sibi inuicem cedere hominem: & suum amare quemquē ordinem: æqualitatemque seruare planè geometricam docet: absterrens nos ab avaritia: turpique possidendi libidine: quando non solūm alienis abstinendum: sed & nostris

nostris rectè: ac liberaliter vtendum iubet. Proficit hæc item
admodum ad temperantiam: & continentiam: docemur enim
ea: voluptatum genera varia: quæ vel maxime mortales appe-
tunt: vitare: libidines domitas habere: cupiditatem coercere: &
consilio regere: quò fida societate socijs iuncti: quæ copijs: ac
opibus terre vix possumus: ea mansuetudine: & continetia no-
stra: sociorum fidelitate tueamur. Exsuscitat etiam ad fortitu-
dinem animos: & maiores aduersus metum mortis facit: ijs præ-
sertim: qui civilem societatem non in hominum numero: sed in
animorum coniunctione nouerint cōsistere: & ex multis vnum
veluti corpus effici: tandiu superfuturum: quàm nexus ille ani-
morum durauerit: ac societas: & is: qui eam seruarit: se ipsum
quoque (quando illius corporis pars sit vnusquisque) seruallè
existimauerit. Sic enim fiet: néquis huius amans dubitet mor-
tem prius oppetere: quam perpeti quidpiam calamitatis illi con-
tingere. Prudentiam verò ita complectitur: vt vel sola eam
perficiat. Si quidem ad eas res hæc facultas tota versatur: quæ
sub nostram consultationem cadunt: quales in actionibus consi-
stunt: cuiusmodi sunt negocia: cæteraquè id genus: quorum per-
fectio: & consummatio profectò civilis negociatio est. Et quod
vel maximè omnium censeatur optimum: id genus est utilitatis:
quòd nostram in Deum obseruantiam: & pietatem hæud vulga-
riter promouet: & auget huius disciplinæ studium: dum per ip-
sum: in tranquillam constitutionem redactis vrbibus & prouin-
cijs locum habet omnis bona institutio: cum cæterarum discipli-
narum: tum diuinæ quoque Philosophiæ: vox cuius: non per in-
de belli tempore: ac pacis audiri solet. Ac primò quidem sic na-
ta: deinde longius prægressa civilis prudentia: postremò sic om-
nibus in rebus pacis: belli quæ summò cum bonorum omnium ap-
plausu: & utilitate versata est: atque aucta: donec eam in mo-
lem excreuerit legum vis. vt rationem aliquam nouam postula-
re videretur, Quod cum à vobis (quæ vestra est prudentia) Pa-
tres conscripti animaduersum esset: & compertum abhinc tri-
bus: & quadraginta annis supra centum (tot enim effluerunt:
ex quo Damianus Pallauicinus: Ianotus Lumelinus: Nicolaus
Tomas

Tomas Squarciaficus: Vbertus Spinola: Antonius Sergianus
Nicolaus Saulius: Ioannes Pinus: Iacobus Picus Senatusconsulto ad id muneris delecti; leges Ciuitatis pro temporis conditione in meliorem formam redegerunt) nihil: quod ad reparationem spectet: actum fuisse: Necessariumque admodum videtur litibus dirimendis: quæ ex nouis: ac varijs negociorum generibus emerferunt: tanto transacto tempore, tot mutatis rebus: nouis legibus subsidium ferre. Quod quæ prius in speciem: dum sancirentur: æqua videbantur: ea: postmodum vsus comprobavit: non satis commodè fieri posse. Atque illis sublati alia essent subroganda. Nonnulla item alijs quibusdam modis inter se differenteribus ad artem vniuersam admittenda. Ne diutius hoc protraheretur: DEI OPT. MAX. munere exactis tyrannis: sedatis partibus: concordia ciuium ciuitate coalescente: placuit publica autoritate: tres constitui viros: qui leges ciuitatis recognoscerent: ius commune scrutarentur: iura moresque ciuitatum Italix explorarent: atque ex ijs: & patrijs consuetudinibus nouas leges conderent; & scriberent. Cumque id munus nobis decreto Senatus esset demandatum: Nos exploratis moribus exteris: legibusque discussis omnibus: antiquata priscorum imperfectione: quod bonum, faustum, felix Reip. sit, vobisque, & ciuibus omnibus: criminalia iura: quibus vel maximè ciuitas laborabat: hæc primum scripsimus: quæ nunc vobis legenda proponimus: Iuri quidem communi magna ex parte conformia, ac nostris consuetudinibus propria. In quibus: quantum trium hominum ingenijs provideri potuit: omnibus summis: infimisque iura æquauimus. Plus pollent tamen multorum ingenia, consiliaque; & amplius vident oculi, quam oculus. Proinde, versate animis vnamquamque rem, & inter vos deinde agitate sermonibus, atque in medium: quid in quaque plus, minusve sit, conferre. Si quid enim emendari, suppleri, minuiue opus erit: id à nobis perindè ac statuetur: æquo animo fiet. Accipite igitur Patres Optimi lucubrationum nostrarum: demandati que nobis muneris primitias: Reliquum, quod sub incude est: propediem accepturi. Genuæ anno Sefquimileximo, Quinquagesimo sexto, Quinto decimo Calend. Septembris.

PRIVILEGII SVMMA.



ENATVS Genuensis Priuilegio vetitum est
ne quis præter Christophorum Bellonum Ant.F.
hoc opus Iurium Criminalium Genuæ excudat,
néve alibi excussum vendat in ditione Genuensi
publicationis librorum omnium decemque scu-
torum auri illi qui aduersus horum quidpiam fecerit multa in-
dicta.

Ad Lectorem.



PERSARVM Regi non plures arcula gemmas
Clusit, quam varias hoc breue cludit opus.
Lex datur hoc cunctis, sua quæque & facta sequuntur,
Dantur iura bonis, & sua iura malis.
Principibus fortuna solet concedere Regna,
Sed non, qua fuerint lege regenda, docet.
Supra fortunam est sanctissima pagina legum,
Qua bene regnandi pandit ad astra viam.
Hoc opus ergo omnes discant luueneſq̃, Senesq̃,
Quiq̃ domi cupiunt viuere, quiq̃ foris.
Discant, nam frugi est, & diuite maxima culmo
Cuiusque implebit horrea culta seges.

Aliud.

*Cedite furta, doli, cades, incendia, rixa,
Pæna manet, nulli spes sit in arc suo.*

Ad librum, vt exeat.



LXI iam liber, ocyus recede,
Terræ iura daturus, Oppidūq̃,
A Macra ad Monichum: iugumq̃, & ultra,
Clara quæ vrbs Ligurum regit potenti.
Sceptro, ac iudicijs, pijsq̃ iussu.
Prodi audentius omnibus libelli,
Quos olim ediderit sagax Senatus,
Eius auspicijs, ope, & fauore,
Sospite Imperio ipse & vsque sospes,
Terræ iura daturus, Oppidūq̃.

CRIMINALIVM

LIBER PRIMVS.

DE MODO PROCEDENDI.

De iurisdictione, & arbitrio Prætoris, ac
Iudicum in Criminalibus.

Cap. 1.



VRBS Genuæ Prætor, maleficiorumq; Iudex cognoscendi de omnibus criminibus, & delictis publicis, ac priuatis, ordinarijs, & extraordinarijs, quæ in vrbe Genua, & in tribus Prætorijs curijs, Bisanienſi, Porciferana, & Vulturenſi, quas vulgus Potestatis appellat, dicerentur commiſſa, potestatem habeant, siue per accusationem agatur, siue per inquisitionem, siue ex officio, nulla præeunte denuntiatione, aut alio quouis modo. Itidem quicumque alius Magistratus, ac Iudex tam in vrbe Genua, quam in ditione Genuenſi, ad quos de criminibus, aut de aliquo eorum pertinet cognoscere, vel iurisdictione est demandata. Et eorum quilibet citatis reis, atque, si opuserit, in carcerem trufis: ius dicat plectendo quos inuenerit fontes: quemadmodum ad eorum iurisdictionem pertinebit, & nostris legibus cautum erit. Habeantque in his omnibus, & ab eis dependentibus, & connexis plenum arbitrium: statutorum tamen forma semper seruata, & salua, aduersus quam nihil à quoquam attentari, nec iniuste grauari quispian queat. Omnibus autem diebus tam Prætor, quam cæteri Magistratus suas curias adeant, inibi que ius reddant à mane vsque ad horam tertiam, & rursus ab hora nona vsque ad versperum. Adſtatque sedulo scriba Magistratui: quem sortitus fuerit, acta curiæ coram eo perscripturus: nisi quid intercedat adeo graue, quò minus ipse, vel Magistratus, aut neuter eorum iure adesse possit, exceptis diebus

A Domi-

Dominicis, Natiuitatis Domini, & duobus sequentibus, Ascensionis, Pentecostes, & duobus sequentibus, Solemnitate Corporis Christi, Festiuitatibus Natiuitatis, Annunciationis, Purificationis, & Assumptionis Beatæ Virginis, ac Natiuitatis Diui Ioannis Baptistæ, Apostolorumque omnium, & Euangelistarum: in quibus tamen fas sit accusationes, & denunciationes porrigere, ac iudici ex officio inquirere, & ad inquisitiones procedere: alijsque in casibus omnibus agere: quemadmodum vel vrgens necessitas exegerit, vel admissi facinoris atrocitas postulauerit.

De denuntiationibus à Rectoribus villarum, & locorum faciendis. Cap. 11.



Mnia delicta, quæ in Bisaniensi, Porciferano, & Vulturensi territorijs committentur: qualiacunque sint: Rectores locorum nota faciant suo Prætori intra biduū à cōmisso delicto. Apud acta verò vrbicæ Prætoris curiæ: ea dūtaxat nota faciant intra idem tempus: propter quæ vel capite, vel corpore, aut exilio quis plectendus foret: bona fide, & citra fraudem, delicti tempus, & locum exprimendo, itémque delinquentis, & offensi nomen & cognomen, ac testium, qui adfuerint, vel scierint, aliasque circumstantias omnes: quas de ijs acceperint. Cæteris autem in locis Rectoribus sit satis: suis Magistratibus intra dies tres denunciasse. Qui contrafecerit, in quodcunque delictum, quod notum non fecerit: si propter id, qui deliquit, pecunia damnandus erat: libras tres Magistratui soluat: sin corpore plectendus, fisco det quindecim, vsque ad quinquaginta, nisi causam attulerit, quare arbitrato Magistratus iure veniat excusandus. In denuntiationibus verò Genuæ faciendis quicquid impendetur: id Rectoribus locorum incolæ repræsentent.

De notificationibus à Chirurgis faciendis. Cap. III.



Vulnerarij medici, seu (vt Græcè) chirurgi, & quicumque agens chirurgiam, omnes saucios, vel percussos, quibus medebuntur, siue mas, siue fœmina fuerit, curiæ Prætoris, vel Magistratuū apud acta denuncient, si de die, intra noctis horā primā, sin de nocte, mane sequenti intra horas duas, postquam illuxerit: item quot vulneribus adfecti, & quo genere teli percussī fuerint, ac quo nomine vnusquisque eorū vocetur. Ad hæc nuncient, an ex percussione, vel vulnere sauciatus, vel percussus graue periculum vitæ adierit, an minimum, an nullum. Qui non denunciauerit, det fisco scuta quinque vsque ad decem arbitratu Magistratus intra octo dies. Ni dederit, coerceatur donec dederit, alioqui Magistratus præster de suo. Hoc autem duntaxat in vrbe Genua, & suburbijjs seruandum censemus.

De visitationibus faciendis. Cap. IIII.



Si mulac Prætor, vel eius curia, aut maleficiorum iudex acceperit quempiā percussū fuisse, vel vulnere adfectum: confestim hunc corā iubeat accersiri, nisi ex percussione, vel vulnere laboraret, aut eius esset conditionis, vt minus commodè, vel non sine rubore eū posset adire. Tunc autē, si graue periculum vitæ eum adiisse acceperint, visant eum maleficiorum iudex, fisciūque Aduocatus, & Notarius, nec præter hos, alius quisquā hoc facere queat. Sin minimum, vel nullum: iudex id munus iubeat vel Aduocatus, alter eorum cum Notario, vel subscriba Notarij, si Notarius, quò minus interesse posset, distineretur, vel Notarius tantum, arbitratu Prætoris, vbi iudex, & Aduocatus adeo essent impediti, vt neuter eorum posset adesse. Quisquis autem horum isto fungetur munere, accuratè sauciatum, vel percussū interro-

get, causamque percussione ab eo exquirat penitus, & qui sint, qui eum percussere, vel quos habeat suspectos, si nullum certū dixerit se habere. Scrutetur etiā percussione, vel vulneris qualitatem, & modum. Itidem de loco, & tempore vestiget diligenter. Et si dicere recusauerit, vel tergiuersans dissimulauerit prodere veritatem, pœna scutorū quinque auri vsque ad centum arbitrato Iudicis & Aduocati fiscalis ad dicendum coarctetur. Si verò homicidium cōmissum fuerit, visat cadauer, & homicidij locū, percunctando vicinos, notos, propinquos, familiares, aliosque quoscunque, quos, dum facinus cōmitteretur, acceperit adfuisse, de nomine, cognomine, & qualitatibus occisi, necnon de homicidij loco, & qualitate, & qui sint, qui occiderunt, opemque tulerunt. Et hæc omnia maleficiorum scriba in libro visitationū perscribat. Testes verò, qui huiuscemodi facinoribus adfuerint, si iureiurando adacti, ea, quæ viderint, dissimulantes fateri, dixerint se nescire, coerceantur ad dicendum, quemadmodum capite, de cogendis testibus hoc in volumine criminalium continetur.

Quoties verò Iudici, fiscalique Aduocato, ac Notario, & curiæ Prætoris ad percussum, vel sauciatum eius interrogandi gratia, vel cadaueris recognoscendi causa, accedere intra urbem contigerit, toties habeant pro informationibus capiendis, & recognitione cadaueris, ac bonorum adnotatione solidos triginta nouem, scilicet Iudex quindecim, Aduocatus totidem, & Notarius nouē. Intra verò suburbia, videlicet à ponte rupto Genuam vsque, tota planitie hortorum bisannis cōprehensa, & à capite phari, atque Castellacij Genuā vsque, solidos quinquaginta duos, scilicet Iudex viginti, Aduocatus totidē, & Notarius duodecim. Extra urbem autē, & ultra loca memorata, habeant libras nouē, & solidos quatuor, scilicet Iudex libras tres, & solidos duodecim, Aduocatus totidē, & Notarius libras duas. Et si præter hos, mandato Iudicis, vel Aduocati ad hæc satellites fuerit accersitus, quem hodie Baricellum dicunt, accedat ipse etiam, & habeat pro visitatione intra urbem solidos sex, intra suburbia octo, & extra urbē triginta. Suppeditenturque his omnibus etiā sumptus equorū conducto-

conductorum, ac victus. Omnes autē hos sumptus soluat, qui de crimine culpatus fuerit ab offenso, aut ille, aduersus quem erunt indicia, saltem ad inquirendum, sufficientia. Et si nullus, qui deliquerit, inuentus fuerit, vel inuentus qui possideat, & visitatio facta sit intra urbem, soluāt Magnifici Procuratores, prius tamen facta bonorum culpati excussione, sin extra urbem, soluant Rector villæ, & homines Rectoriæ, in quorū territorio delictū fuerit perpetratū, habeantq; regressum contra culpātū, & ad eius bona. Vbi verò delictum sola numaria pœna luendum foret, tēpore visitationis tantum bonorū culpati sequestro tradantur, quantū his sumptibus, & condemnationi faciendę sufficiat. Quod si alia, esset irroganda, tradantur omnia, donec sit definitē pronuntiatum, nisi culpatus de his omnibus idoneē interea cauerit.

Intra quę tempora accusationes, denunciationes, & inquisitiones possunt institui. Cap. V.



Vlla accusatio, vel denunciatio, aut inquisitio conuicij, vel maleficij, aut delicti in vrbe Genua, aut districtu commissi, de qua, vel struatur processus, vel condemnatio subsequatur: propter quā reus conuicij pecunia sit damnandus, possit heri, nec à curia recipi, nisi intra decem dies à delicto cōmissō fuerit porrecta. Aliorum vero delictorum, propter quæ nūmaria pœna est irroganda, eę duntaxat admittantur, quę intra triginta dies mox sequentes porrectæ fuerint, ijs demptis, in quibus quilibet de populo ad accusandum à iure admittitur, quibus anni tēpus censeatur statutum. Maleficijs autem clam cōmissis, aut ijs, quorum reus ignoratur, nullum tempus prætereat, quanuis de delicto fama foret publica, sed tunc incipiat, cum scitur, qui deliquit, dum trienniū non excedat à die delicti. In cæteris vero, propter quæ ex forma statutorū, vel iuris cōis quis corpore plectendus erit, ad accusandum, denunciandum, & inquirendum seruentur tempora à iure cōmuni disposita.

De malefactoribus persequendis. Cap. VI.



Insectetur Prætor, & quilibet ius dicentium, ad quos de criminibus pertinet cognoscere, delinquentes omnes, & vrgeant, donec capiant, captos in carcerem trudent, & in eos animaduertentes decernant, quemadmodum nostris legibus cautum fuerit. Et si de delicto cognoscendo, & delinquente iudicando ad vnum aliquem eorum non pertinebit, is, in cuius potestate tunc erit delinquens, hunc ad iudicem competetem remittat, sed non extra Genuensem iurisdictionem, nisi de Illustrissimi Senatus mandato, idque tum duntaxat, cum pœna erit corpori irroganda, nam si pecunia damnandus foret, satis sit eum idoneè cauere de se præsentando dicto competenti, saltē intra dies quindécim, & postquam cauerit, dimittatur. Iudex vero huic competenti apud acta eius curiæ remissionem, & cautionem præstitā scripto denunciēt intra dictū tempus. Ni fecerit, pœna quartæ partis sui salarii, siue exacti, siue nondum exacti mulctetur. Omnes autem cuiuscunque ordinis omnibus officialibus, satellitibus, ac quibuscunque ministris ad hosce homines capiendos opē ferant, nec quisquam audeat eis, quo minus id muneris exequantur, obstare, vel aduersari, aut eos modo aliquo impedire. Qui contra fecerit, pœna statuti mulctetur, capite de pœna eripientis captū ob maleficium, & impredientis executiones criminales.

De officio scribæ ad maleficia. Cap. VII.



Ondat Prætoris scriba ad maleficia scribenda electus septem libros chartę bombacię, seu papyri membrana coopertos, bene compactos, & compositos, in quorum vno scribantur accusationes, quę de maleficijs commissis proferuntur, & processus qui de eis litruuntur. In altero notificationes, & denuntiationes, quę de eis etiam porriguntur. In alio inquisitiones, quę

ex officio Prætoris, vel Iudicis, aut curiæ sunt. In aliò visitationes faciendę. In aliò examen extraordinarium. In aliò iudiciarij processus progressio. Et in aliò attestationes, ac testiũ dicta pro reo, & contra reum proferenda. Scribat autem hæc dicta testium vulgari sermone, protinus, fideliter, & accuratè absque lituris, sicut dicentis ab ore animo testificandi proferuntur. Et si quę, in substantialibus locis inciderint, fidem faciat notarius de verbis delictis. Visitationes factas scribat, & extendat. Acta omnium causarum diligenter conficiat. Examinibus eorum intersit, eaquę perscribat, nec horum quicquàm prius palam faciat, quàm processus fuerit publicatus, & de publicatione in actis causæ constituterit. Adstet etiam sedulus ad prædicta omnia semper magistratui, & præsto sit, quandocunque ab eo fuerit requisitus. Sententias quoque, & condemnationes scribat, atque edicta in dñatos exilij: eaquę omnia, saltem intra triduum, postquam lata fuerint, redigat in formam publicam, & intra alios quindecim, postquam in rem iudicatam transferint, scribe, & custodi librorum condemnationum, & edictorum tradat. Prætori vero, ac Iudici maleficiorũ visitationes, & denunciationes ipso die, quo factę fuerint, denunciatur. Ni fecerit, quinque & viginti libris mulctetur.

De inquisitionibus formandis. Cap. VIII.



DRATOR, maleficiorumquę Iudex, & quisque ius dicens, quorum interest de criminibus cognoscere, inquirant de quocunque maleficio, siue id fuerit curiæ denunciatum, siue de eo aliunde acceptum, & contra eum, qui deliquit, agant, nisi lapsa sint tempora, de quibus cautum est capite, intra quę tempora accusationes, & denuntiationes, ac inquisitiones possunt institui, vel ex forma alicuius statuti secus esset constitutum. Inquisitio verò, vel processus inchoetur intra dies quindecim, ab eo, quo maleficium curiæ fuerit denunciatum, aut de ipso quomodocunque acceptũ, vel ab eo saltem die, quo reus criminis in potestatem curiæ redactus

ctus fuerit. Et decidatur causa intra tempora statuta capite intra quæ tempora causæ criminales debeant terminari. Iudex autem ad instruendam inquisitionem, quos volet, testes recipiat, & quos ad eam coadiuuandam, vel ad processum causæ fouendum offensus proferet, vel eius hæres, aut alius, cui de offensione accusare licebit, vel accusationi adesse. Item alios, quos accusatus, vel inquisitus se Iudici coram sistens, & ad mandata eius constitutus voluerit proferre, aut eius procurator, si causa erit eiusmodi: in qua ex forma statutorum nostrorum procurator admittatur, sicut in § admittat etiam testes, capite de modo procedendi contra non contumaces, fusius continetur. Omnesque iurare debeant super tota causa, & examinari modis, & formis, ut dicitur capite, de testibus, qui vocantur ad testimonium, examinandis in volumine præcedenti causarum civilium.

Quòd denunciatus, vel accusatus caueat. Cap. IX.



SI quis maleficij vel delicti, aut criminis accusatus fuerit, vel eius nomen ad magistratum delatum, is, qui accusauit, vel delulit, & alius, quicumque fuerit, qui accusationi, quatenus à iure permittitur, adesse voluerit, satisfacet apud æquarium curiæ magistratus de impensis accusato, vel delato reficiendis, ubi ea ex iure non procederet, aut ipsi non probauerint, vel destiterint, aut renunciauerint, vel litem prosecuti non fuerint: & amplius de soluendo quicquid damni ei propterea obueniret à solidis decem vsque ad libras decem Genuensis monetæ in vnūquēque diem, quo detentus erit in carcere, arbitrato Prætoris, seu iudicis curiæ pro conditione personæ, & qualitate delicti, cuius accusatus, vel delatus fuerit, ac detentus. Alioqui, accusatio, vel delatio ipso iure sit nulla, & quicquid ex ea prouenerit, etiam irritum. Accusatus verò, vel delatus liberetur, si detentus erit. Ad huiusmodi tamen cautionē præstandam non sit obligatus qui ex iniuncto officio tenetur deferre: præterquam si insontem fraudulenter deferendo,

rendo, eū fecisset reum. Tunc teneatur, & conuictus puniatur. Iudex verò causæ, eum, qui accusauit, & alterū, qui detulit, itemq; alium, qui adesse voluerit, eorumq; fideiussores in solidum, & vnū quenquē eorum intra octo dies ab absolutione, vel obseruatione iudicij mox sequentes cōpellat, & in rem, & in personam agens quibuscunque remedijs oportunis coerceat ad restituendum sum ptus accusato, vel delato, quos iuramento adactus (cui, præmissa æstimatione à Iudice facienda, fidem haberi volumus) dixerit se fecisse. Necnon & quicquid damni à solidis decem vsque ad decem libras (vt dictum fuit) passus fuerit ex eo die, quo tuit accusatus, vel delatus, ac detentus, omnibus iuris & facti exceptione, & oppositione reiectis. Si secus fecerit, mulctetur quinque & viginti libris: & quamuis elapsū fuerit tempus statutū, hæc omnia, quæ dicta sunt, præstet. Ni præstiterit, soluat de suo.

De modo procedendi contra accusatos vel inquisitos
contumaces. Cap. X.



Si maior annis viginti maleficij, vel criminis accusatus, aut inquisitus fuerit, vel nomen eius ad Magistratū delatum: Iudex scripto, vel verbo (vt sibi videbitur) per apparitorē reum corā citari faciat, si cōmodè poterit inueniri: sin minus ad domū eius solitæ habitationis, si ciuis Genuensis erit, vel incola, aut habitans in vrbe Genua, vel suburbij, aut districtu. Alioqui eum per Preconē admoneat alta, & intelligibili voce in locis vrbis consuetis, vt intra tres vsque ad octo dies arbitrato Iudicis statuēdos eorā se cōpareat: responsurus quicquid voluerit ad ea, quæ sibi obijciuntur. Quòd si, nec sic cōparuerit, rursus modo iam dicto citetur, pœna confessi & conuicti criminis iniuncta, vt intra aliū terminum statuendum, neque breuiorē dierū quindecim, neque laxiorem triginta cōpareat ad dicendum, & opponendum in omnibus, vt præfati sumus. Et si cōparuerit, admittatur ad defensiones. Nec obstat quò minus fiat, quia sit contumax. Et procedatur

datur in causa: quēadmodum dicitur sequēti capite. Si verò nec sic vocatus etiam comparuerit, habeatur, ac si sponte delictum: eiusque qualitates confessus, deque eis conuictus fuisset. Et admonitus coram, vel ad domū, aut per præconē modo dicto ad audiendum sententiā ferendam (si cōparuerit) admittatur quēadmodum præfati sumus. Sin minus, proferatur, & eorū omnium condemnetur, quorū accusatus, delatusque fuerit, & inquisitus. Sed si ludex sententiā intra præfixum tēpus non tulerit (quod omnino facere teneatur, sicuti capite: intra quē tēpora causę criminose debeant terminari continetur) non proferat: donec reum ad eam audiendum rursus modo dicto euocauerit. Et si reus cōparuerit etiā (vt iam dictum est) admittatur. Alioqui proferatur. Isque ludex deinde, vel eius successor intra dies quindecim mox post lationem sequentes eam per præconē enunciet, apponendo nomen damnati & cognomen: itemque delicti, ac pœnam, si exilij mulctandus, vel corpore plectendus erit. Nam si pecunia mulctandus: satis sit eam ad subsellia curię promulgari. Si verò intra quindecim dies post enunciationem mox sequentes cōparuerit, vel alio quouis modo in ludicis venerit potestatem, admittatur, & procedatur, contumacia non obstante. Alioqui sententia remaneat firma, & valida, atque ipse condemnatus: deque eo crimine ipso iure exul factus: cuius fuerat condemnatus: & tanquam exul in exulum libro scribatur. Actuarius autem processum, & sententiam, atque edictum exilij extendat, & in publicam formam redactum Archiui Notario, & librorum causarum criminalium custodi intra dies quindecim tradat: si in vrbe Genua, vel in tribus prætorijs curijs fuerit pronunciatum, sin alibi in locis ditionis Genuensis, intra triginta: Damnatus verò, & exul factus: si dehinc in cuiuspiam ius dicentis in vrbe Genua, vel districtu potestatem venerit: tradatur in carcerem, & ad eum ludicem remittatur, qui de causa cognouit, si tunc tēpore Genuę ius dicet, sin minus ad successorem. Isque exequatur sententiā: nulla prorsus admissa exceptione.

De modo procedendi contra non contumaces.

Cap. . . . XI.



Ccusatus maleficij, vel criminis, aut delatus, vel inquisitus, qui euocatus coram Magistratu: se defensor comparuerit, aut alio quocunque modo in Magistratus venerit potestatem, accusationi, vel inquisitioni aduersus se factæ respondeat speciatim, & separatim, ac distinctè, & apertè. Nec quicquam exceptionis ab eo prius opponi queat, aut oppositum à iudice possit admitti, quàm sic (vt dictum est) responderit, siue exceptio dilatoria foret, siue declinatoria, siue peremptoria, vel quæcunque alia. Sed si quid horum ei competit, id totum, postquam responderit, sit saluum, & integrum, eoq; tunc ad opponendum, & probandum vti possit: dum dilatorias omnes intra triduum post responsionem opponat. Et si eius maleficij: cuius arguitur, corpore plectendus foret, seruetur in carcere, sin pecunia mulctandus, aliavé pœna nihil ad corpus attinente, caueat idoneè apud actuarium causæ de stando iuri, & iudicatum soluendo, ac de se toties præsentando, quoties mandato Magistratus fuerit requisitus. Et si cauerit liberetur: alioqui non dimittatur, donec soluerit, vel absolutus fuerit. Verùm, si in responsione ad primam interrogationem ea, vel eorū partem apud Prætozem, vel Magistratum professus fuerit: quæ in accusatione, vel inquisitione continentur: nec dum pacem cū offenso vel hæredibus habuerit, dimittatur ei ex forma statuti quarta pars pœnæ ob delictū contractæ: & si pacem habuerit, dimidiū. Magistratus autem responsione à reo accepta, ei (si petierit) exemplaris sumendi cum accusationis, tum inquisitionis, ac indiciorum: eorūque omnium, quæ ipse responderit potestatem faciat, vel eius procuratori, aut legitimæ personæ pro eo: si causa erit eiusmodi: in qua legibus nostris procurator admittatur. Sed hoc tum duntaxat: cū reus vi, vel sponte in potestatem venerit Magistratus.

stratus. Statuâtq; ei, & accusatori, ac denunciatori (si horum quisquam erit) communem terminum pro qualitate causæ convenientem: neque breuiorem dierum quindecim, neque adeo laxiorem, quin causa intra statuta tempora terminari queat. Et si reus petierit, in decem alios dies; nec vltra, prorogetur. Intra quem terminum proferat vnusquisque eorum quicquid positionum, & capitulorum condiderit super accusatione vel inquisitione, & exceptionibus, ac replicationibus factis, & alijs quibuscunque ad causam pertinentibus, & examinetur vtrinque. Positionibus verò (si de impertinentibus oppositum foret) nemo prius respondere cogatur, quàm iudex (cui ea de recognoscenda sit liberum arbitrium) cognouerit: & quæ sint pertinentes: super quibus sit respondendum, statuerit. Tunc autem respondeatur affirmando, vel negando: non autem per verbum credit, vel non credit. Liceat tamen iudici, vbi per inquisitionem agatur, motu proprio, vel ad partis aduersæ petitionem inquisitum: quemadmodum ei videbitur, interrogare, dum ipsi petenti nullum deferatur iuramentum. Et nihilominus, quouis modo agatur, siue per accusationem, siue per inquisitionem, admittat iudex capitula, super quibus testes sint testimonium dicturi, quæ tam ab actore, quàm à reo proferentur: citra discrimen, vel controuersiam, saluo iure impertinentium, & non admittendorum, quæ in fine causæ veniant disputanda: & super eis probationes recipiat. Admittantur etiam testes ad iurandum, & testimonium dicendum: quicunque in causis criminosis idcirco opponeretur: etiam in personam. Sed id totum, siue de eo sit, siue non sit protestatum, perinde sit saluum, & integrum, ac si fuisset oppositum, & probatum legitimo tempore, & in fine causæ discutiendum veniat, & cognoscendum. Interrogatoria verò, quæ ab vtraque partium super capitulis condita fuerint, iudex inspiciat, inspecta perpendat, approbet idonea, reiiciat non idonea, & super approbatis testes interrogati intra statutum tempus testimonium dicant. Nec satis sit, eos
intra

intra terminum de testimonio dicendo iurasse: nisi etiam testimonium dixerint: vel, si qui eos protulit: non docuerit apud actuarium causæ semel, atque iterum: diuersis diebus se à iudice, vt eos examineret, postulasse. Tunc enim, qui iurauerint examinentur: & eorum dicta sint perinde valida, ac si interrogati dixissent intra terminum. Examinentur autem: quemadmodum capite, de ijs, qui vocantur ad testimonium examinandis. in volumine caularum civilium cauetur. Verùm: si quis eorum facinori adfuisse, & de veritate dicenda interrogatus: tergiversans diceret se nescire: coarctetur ad dicendum: licuti capite de cogendis testibus hoc in volumine criminalium continetur. Iudex verò: ni post decem dies: quàm fuerit requisitus: mox sequentes: eos examinauerit: det viginti libras. Et ne per accusantium negligentiam, vel malitiam delicta remaneant impunita: liceat Magistratui in causa accusationis: antequàm sit lata sententia: præter probationes, quas fecerit accusator: ex officio etiam proterre testes, & examinare, ac veritatem inquirere: quodcumque ei videbitur: tunc tamen: cùm de delicto agitur: propter quod delinquens est corpore plectendus. Vbi verò per inquisitionem agetur, aut per denunciationem, vel ex officio fas semper sit iudici in quocunque crimine: priusquàm feratur sententia: nouas probationes facere: ac veritatem inquirere: etiam post lapsum cuiuscunque termini quomodolibet constituti. Si uero autem processu: sumat reus pro libito exemplaria omnium, ei que statuatur terminus: saltem dierum trium: ad defensiones, & allegationes faciendas. Et quoniam pars defensionis est posse Procuratorem constituere, & Aduocatum adsumere: producat Magistratus inquisitum ad petitionem cuiuscunque requisitis: eumque coràm interroget: nunquid velit Procuratorem constituere, & Aduocatum adsumere, ac se defendere. Et si dixerit velle, potestatem ei de omnibus faciat.

De Procuratoribus constituendis.

Cap. XII.



Nemo eorum : qui ob id criminis corpore plectendi forent : cuius apud Magistratum accusati fuissent , vel denuntiati , aut inquisiti , neque eorum quispiam : qui ob pecuniam multatitiam non solum corpore etiam esset plectendus , siue per Procuratorem , siue per quencunque alium prius ad criminis excusationem audiatur : nec ad eius defensionem admitatur : quàm se Magistratui exhibuerit : & in carcerem constituerit : nisi causarentur absentiam : aut quicquam aliud iustæ excusationis , vel impimenti adducerent . Tunc autem Procurator ad ea docendum admittatur : dum nihil de meritis agatur delicti , vel criminis , neque de eis , aut de aliquo , quod ad eius remissionem , vel pœnæ inferendæ diminutionem spectet , tractetur . Verùm si accusatus , vel denuntiatus , aut inquisitus se in carcerem constituerit , liceat ei , postquam responderit , Procuratorem & defensorem constituere , & in vinculis causam dicere , sicut fusius capite præcedenti dictum fuit . In alijs verò criminibus : propter quæ multa numaria est irroganda : nulla prius accusato , vel inquisito (siue sit in carcere detentus , siue præstita cautione dimissus) sui defendendi : vel procuratoris constituendi potestas fiat : quàm sic (vt dictum est) responderit : nisi quis habens mandatum speciale ad confitendum delictum compareret , & præstita approbata fideiussione stando iuri , & iudicatum soluendo , delictum , cuius principalis arguitur , confiteretur , aut si principalis morbo aliquo adeo vexatus foret , vt se coram Magistratu sistere non posset : vel ab vrbe , & districtu abesset , sed non minori duorum mensium interuallo à delicto : cuius insimulatur , commisso .

De minoribus, & quomodo contra eos procedendum sit:
dequē eorum pœnis. Cap. XIII.



Aior annis viginti completis, si maleficiū vel delictum commiserit, puniatur, ac si quinque & viginti completos haberet. Minor verò viginti annis, vbi quartumdecimū compleuerit: ea pœna plectatur in atrocioribus: qua plectitur maior annis viginti: nisi miseratio ætatis ad mediocrem pœnam iudicem perduxerit. In cæteris autem puniatur arbitrato Magistratus. Minori vero annorum quatuordecim: si deliquerit nulla inferatur pœna, nisi delictum esset admodum graue: eaque tunc sit iudicis arbitratu: modò nulla irrogetur corpori. Verum, vbi cōtra minorē annorū viginti de maleficio, vel crimine agi cōtigerit: statuatur curator minori vnus ex agnatis, vel cognatis, aut affinibus, si haberi is commodè poterit: sin minus: aliquis de procuratorum grege, qui vel Genuæ agunt causas, vel vbi, agetur iudiciū, quem minor elegerit. Nec alius possit statui, nec statutus admitti.

Quomodò procedendum sit, vbi allegaretur absentia accusati, vel inquisiti. Cap. XIII.



I quis in causa accusati, vel inquisiti horum cuiuspiam absentiam, antequam sit publicatus exul, coram Prætorē, vel iudice allegauerit. Prætor, vel iudex diligenter de ea inquirat in vicinia: vbi tempore admissi facinoris: de quo agitur, habitare accusatus, vel inquisitus consueuerat. Statuatque ad eam probandum, illi, qui allegauerit, terminū pro qualitate causæ condcentem. Et si aliquibus probationibus Magistratus compertum habuerit: eū verē esse absentem, & ante accusationem, vel delationem, aut inquisitionem etiam fuisse, atque ita vulgò haberi: differat procedere, si ira sibi videbitur; & terminum absenti statuatur.

congruentem : intra quem reuerti possit, & comparere. Si verò de absentia non constiterit, mulctetur, qui allegauit eam : decem libris vsque ad centum, pro qualitate rei, & personæ conditione arbitrato Magistratus. Et procedatur contra accusatum, vel inquisitum non comparentem ad condemnationem, atque ad alias quemadmodum capite de modo procedendi contra contumaces cauetur.

De quæstionibus.

Cap. X V.



Nemo mortalium in vrbe Genua, vel districtu, neque à Prætore, neque ab alio quouis Magistratu alicui tormētōrū generis prius subiiciatur : quàm ea præcefferint indicia : quæ de iure præcedere debent, atque, vt quis torqueatur, vrbis Prætor, & ludex sufficere fuerint arbitrati : de quæ eis apud acta causæ in curia Magistratus constiterit : coram quo agitur, & reo (si petierit) exemplaris sumendi facta sit copia : itēmq; statutus terminus ad diluendum crimen, & ad se tuendū congruens : exceptis diffamatis, & probrosis : de quibus dicetur infra, & alijs, de quibus aliter per statuta cauetur. His autem sic apparentibus, & existentibus, ac deductis, si legitimè indicia diluta non forent, possit torqueri, sed tortus semel, rursus non possit, nisi noua accedant indicia, vel quæ præcefferint, adeò sint vrgentia, vt ludici videatur arbitratu boni viri eum rursus esse torquendū. Ciuis autem Genuensis : etiam quòd essent indicia, torqueri non possit, nisi cū pœna criminis centum libras monetæ Genuensis excesserit. Minor quòque decem & octo annis non possit : nisi ex vrgenti causa arbitratu Magistratus : Nec mulier prægnans, nisi post partū, lapsis quadraginta diebus. Liceat tamen Prætori, & ludici meretrices, mâticularios, publicos latrones, famosos seditiosos, aliosque quoscunque homines viles, & infames torquere : etiam non seruata forma huius statuti. Itē seruū masculum, vel fœminam, si dominus, vel domina, aut eorum pater, vel mater, aut filius, vel filia, (dum

(dum sint bonæ famæ) iureiurando adacti dixerint credere sibi ab eis, vel eorum altero poculum amatorium, venenum, seu toxicum fuisse ministratum, aut aliud eiusmodi siue in esculento, siue in poculento datum, vel ab alijs, vt interponatur, curatū, propter quod eorum quispiam, vel immemor sit factus, vel amens, aut à moribus pristinis, & vita consueta delirauerit: item alios quoscunque, qui horum criminum vel conscij forent, vel participes, ac eas, quæ in huiusmodi artibus, vel maleficijs obeundis, aut ministrandis, vel docendis magistræ, seu operatrices dicerentur. Contra quos omneis habeat Prætor plenum, & liberum arbitriū agendi, & in eos animaduertendi: quemadmodum sibi videbitur. Isque censeatur domini, vel domina: in cuius famulatu fuerit seruus, vel serua. Amplius possit etiam Prætor, vel Magistratus (dum eorum vnique ita videatur) illati vulneris accusatum, vel de eo inquisitum: propter quod corpore sit plectendus, quæstioni subijcere, si vulneratus erit bonæ vocis, conditionis, & famæ: vitæque periculum adiens, & in sui plenitudine intellectus consistens iureiurando adactus, se ab accusato, vel inquisito percussus fuisse affirmauerit: delictumque; etiam eiusmodi fuerit, vt probatio sit difficilis suapte natura. His autem tormentis adhibendis semper intersit vnus ex Notarijs maleficiorum collegiatis in vrbe Genua: in districtu vero vnus ex Notarijs curiæ eius Magistratus: coram quo causa agitur, & eorū quisque eius, qui torquetur, dicta, & confessiones perscribat protinus, nulla interposita mora, fideliter, & apertè vulgari sermone: quemadmodum proferuntur ab ore dicentis. Apponat etiam locum, ac tempus, itemque negationis, & confessionis modū: necnon utrū eleuatus tormento, an depositus dixerit, & confessus fuerit, ac quāto temporis intervallo. Nec sine huius Notarij interuentu Prætor, vel Magistratus quidquam possit facere. Possit tamen vrbis Genuæ Prætor maleficiorū iudici: itemque iudex Prætori vices suas ad quæstionis munus exequendū præbere. Notarius verò adsistat sedulus Prætori, vel Magistratui, ei que, quandocunque fuerit requisitus, præsto sit semper. Quisquis autem contrafecerit, si

Prætor erit, vel Magistratus trecentis libris monetæ Gentensis mulctetur ex suo salario auferendis. Si Notarius, centum. Isque teneatur Magnificis D. Procuratoribus denunciare, quotiescunque deprehenderit, vel cognouerit Prætorem, vel Magistratum secus, quam dictum sit fecisse. Ni denunciauerit, det in pœnam quinquaginta libras, quoties defecerit.

De testibus cogendis.

Cap. XVI.



Ogat Prætor, maleficioſumque iudex, & quiſque de criminibus iusdicens tam ex officio, quàm inſtante parte: quoscuque teſtes ad dicendum teſtimoniũ citatos, & iuratos ea de re dicere: de qua à iudice, & notario fuerint interrogati: modis & formis contentis in volumine cauſarum ciuiliũ, capite de ijs: qui vocantur ad teſtimonium, examinandis. Verũ quia perſæ pe contingit delicta, vulnera, & homicidia compluribus præſentibus committi: qui tergiuerſantes prodeſſe veritatem, interrogati aiunt ſe neſcire, & quum plurimum interſit Reipublicæ veritatem ſciri, ne delicta remaneant impunita: hoc noſtro ſtatuto ſancimus: nèquis eorum teſtium admittatur, qui cũ facinori adfuerit: de eo ſe neſcire teſtetur: Sed omnes, qui adfuerint: cogantur ad dicendum de delicto, & delinquente. Ni dixerint trudentur in carcerem: non prius dimittendi, quàm de delicto, & delinquente arbitrato Magiſtratus conſtiterit. Et ſi quando poſtea cõpertum erit eorum quempiam falſum dixiſſe teſtimonium cum in veritate quam reticuerit: tum in falſitate quam dixerit: pœna falſum teſtimonium perhibentis hunc plectito, vel addictum remo ad vincula nautica in triennium relegato, aut centum libris uſque ad mille multato: pro qualitate rei & perſonæ. Magiſtratus autẽ hæc ad amuſſim obſeruet, & ſi in aliquo defecerit: quinquaginta libris uſque ad centum quinquaginta mulctetur.

De

De actorum publicatione. Cap. XVII.



Publicentur (si petetur) dicta testium , siue ex officio, siue alio quouis modo recepta, vbi dilationum tempora ad eos recipiendos præterita fuerint : & etiam quęcunque acta in causis : fiatque exemplaris sumendi potestas partibus : saltem intra dies quinque : & statuatur terminus ad allegandum : præterquam famosis seditiosis, vel publicis latronibus, qui delictum fuissent confessi, aut de illò manifesta indicia aduersum se haberent. Et si Prætor, vel iudex in horū aliquo defecerit : quinquaginta libris vnusquisque eorum mulctetur ex suo salario auferendis. Nihilò tamen minus suppleantur omissa : si quid temporis de instantia supererit, & decident. Ni deciderint : eadem pœna vterque adficiatur. Si verò neglecta forma huius statuti : Iudex, vel Magistratus pronunciauerit, sit rata sententia : Sed si ex ea damnatus : pecunia mulctandus erit : Iudex, vel Magistratus id præstet de suo : in quo eum condemnauerit. Si corpore citra mortem plectendus : det ei centum libras. Et si morte adficiendus, soluat ei, vel hæredibus quadringentas Genuensis monetę. Cogaturque à Syndicatoribus ad earum solutionem simulac eorum quispiam defecisse compertus fuerit.

De processibus formandis, & sententijs ferendis.

Cap. XVIII.



Processus conditi super accusationibus, vel denunciationibus, aut inquisitionibus intra statuta tempora porrectis coram Præторе, & maleficiorum iudice, vel alijs Magistratibus, ad quod de criminibus cognoscendis pertinet, ab ijs decidentur : coram quibus structi fuerūt. Sed in vrbe Genua definitiuę sententię : ex quibus exilio quis mulctandus erit, vel corpore plectendus, aut ad triremes mancipandus,

dus, vel pecunia mulctandus (si mulcta quinque & viginti libras
 excedet) ferantur coniunctim à Prætorè, & maleficiorum iudi-
 ce, & vbi non conueniant: eligatur tertius ab Illustrissimo Du-
 ce, & Magnificis Gubernatoribus: ita vt sint tres, & quod duo sal-
 tem iudicant: id ius ratumque sit. Sin minor erit: solus Prætor
 possit iudicare. In districtu verò quilibet Magistratus (vt dictum
 est) proferat: nisi ex forma alicuius statuti aliter caueretur. Om-
 nes autem sententias definitiuas, quas quisque protulerit: manu
 sua subscribat, vrbis verò Genuę Prætor, & Iudex: vterque per
 se, vel altero discordante, tertius adiectus. Nec prius aliquas ea-
 rum Notarius recipiat, vel attestetur, quàm subscriptę (vt dictum
 est) fuerint. Qui contrafecerit, quinquaginta libris monetę Ge-
 nuensis mulctetur.

Intra quę tempora causę criminales debeant termi-
 nari. Cap. XIX.



Decernat Prætor: maleficiorumque Iudex, & qui-
 cunque alius de criminibus ius dicens: & eorum
 quisque lites omnes de maleficijs, criminibus, vel
 delictis iudicet: quę coram eorū quocunque (mo-
 dō sit competens) vertentur, ac terminet, saltem
 intra sex menses, ab accusatione, vel inquisitione mox sequentes,
 ijs exceptis: de quibus aliter per statuta est cautum. Ni fecerint,
 si reus ob delictum probatū pecunia damnandus erit: vnusquis-
 que eorum mulctetur viginti quinque libris vsque ad centum, sin
 alia pœna, centū vsq; ad ducentas: idq; totū syndicatorū arbitra-
 tu: qui statuunt de quantitate: & amplius sarciant impensas par-
 ti, ac quicquid damni propterea sustinuerit: arbitrato etiam syn-
 dicatorum. Et nihilominus, si quid temporis in causa instantiæ
 reliquum erit (quam nouem mensibus finire volumus: sicuti ca-
 pite quanto tempore duret instantia in volumine causarum ciui-
 lium continetur) intra id decernant, ac finiant. Ni finierint:
 eisdem mulctis afficiantur. Interea verò, si intra dictos sex men-
 ses

ses successor in Magistratum aduenerit: & processus adeò sit instructus, vt ex eo possit ferri sententia: iudicent intra mensem successor & iudex: Sed si instructus nò foret, sex menses habeant ad instruendum, & iudicandũ. Ni deinde iudicauerint: eisdem pœnis afficiantur: quibus eorũ antecessores afficiendos diximus. Processus autem tunc intelligatur instructus: cùm probationes factæ fuerint: & testes publicati. Porrò, lite pendente, si aduersus testium quempiam, siue productorũ, siue ex officio receptorũ: aut aduersus eos, qui produxerunt, exceptio, vel accusatio falsitatis in causa criminali foret proposita: conquiescat causa principalis: nec quicquam temporis, quod in ea reliquum sit: propterea partibus prætereat, aut depereat, vel obsit ad instantiam causæ ob memoratas pœnas appositas, vel ob aliud quidpiã: donec de proposita falsitate sit absolutũ iudicium: quod intra triginta dies ab eo: quo fuit proposita (si fuerit per exceptionem) absolui hoc nostro statuto sancimus: sin per accusationem, ab eo die, quo accusatus vel inquisitus coram Magistratu sui excusandi gratia comparuerit, nec protelari vltra eum queat. Vbi verò contigerit accusatũ falsitatis intra statutũ tempus conuinci, & condemnari, eius testimoniũ: propter quod accusatio fuit proposita illi non obsit: aduersus quem in causa principali fuit testificatus, sed sit irritum, & nullum sortiatur effectum. Is autem, qui accusauit, vel notificauit, si non probauerit, aut accusationi, vel notificationi renunciauerit, aut quomodocunque destiterit: det in pœnam quinque & viginti libras vsque ad centum. Dictum tamen accusati maneat incorruptũ: quanuis non comparuerit: & publico edicto de falsitate ab vrbe, & districtu factus exul fuerit: nisi, qui accusauit, id falsum esse probauerit. Ad hoc autem probandum, is, qui accusauit, non aliter admittatur, quàm si accusatus adesset, vel comparuisset. Citerũque ad acta omnia, qui testes produxit, vel alter, qui institit, siue accusatus cõparuerit, siue non comparuerit: etiam si testis ex officio fuisset receptus. Et terminetur quæstio intra triginta dies ab edicto exilij promulgato mox sequentes. Falsitatis autem quæstione finita, repetant Prætor, &

Iudex

Iudex causam principalem: & in eam incumbant, atque intra id temporis: quod erat reliquum cum fuit proposita falsitas, decident. Ni deciderint, ea numaria multa vterque eorum damnetur: qua is, quem contra de falsitate fuit oppositum: fuisset damnandus, vel trecentis libris: si corpore plectendus fuisset.

Vt autem causæ non comperdinentur, atque hæc eum: ad quem diriguntur, sortiantur effectū: & qui defecerit, palam fiat, statuimus: vt secundo quoque mense aduocatus fisci omnes accusationes, denuntiationes, processus, & inquisitiones singulatim reuideat: & quas deprehenderit intra statutum tempus non expeditas: apud acta cancellarij ad hoc electi Magnificis Procuratoribus denunciet: vt scripto publico de denuntiatione appareat: Nec interim quicquam salarij prius ei solui queat: quam de ista reuisione per schedulam Notarij Prætoris curiæ ad criminalia, & Cancellarij Magnificorum Procuratorum ad eam recipiendam electi: fidem Magnificis Procuratoribus fecerit. Et si cognitum fuerit, rem aliter se habere: quam in schedula continebitur: pœna falsi Notariorum quisque plectatur: & amplius quinquaginta libris mulctetur: quoties vel deliquerit, vel defecerit. In Riparijs verò, & toto districtu Notarij criminalium eas causas Magistratibus: coram quibus aguntur: duntaxat denuncient quæ intra statuta tempora erunt terminandæ: & vt terminentur, insistant. Ni fecerint, & aliquæ deprehendantur intra statutum tempus non expeditæ: soluat fisco quisque contrafaciens in vnamquancunque non expeditam decem libras: nisi eum instituisse constiterit: & quò minus terminatæ fuerint: per eum nō stetitisse. Tunc autem Magistratus duntaxat sit pœnis statutis obnoxius: deque eis causam dicat. Curiarum verò suspensiones: quæ propter aduocatorum valetudinem, aut ob aliud quodcunque causæ nonnunquam fieri consuevere, non comprehendant causas criminales, sed ab eis penitus censeantur exclusæ, nisi de ipsis: vel de aliqua ipsarum in decreto suspensionis mentio fieret specialis.

De mulctis inferendis ijs, qui Magistratibus non
paruerint. Cap. XX.



Mnes Ciues Genuenses, & districtuales, ac cæteri in vrbe Genua vel districtu: siue sit municipium, quod hodie Communitas dicitur, siue Castellum, quod Vniuersitas vocatur: eorúmque Consules, vel Syndici, aut Officiales: & quouis priuatus: pareant omnibus Magistratibus ab Illustrissimo Senatu constitutis: & alijs ad muneris quidpiam delegatis, & eorum cuique in ijs omnibus: quæ ad cuiusque præcipientis officium, & iurisdictionem pertinent: & fideliter exequantur quicquid ab eis, & eorum quoquo, veleorum nomine eis, aut eorum cuique iussum erit, vel iniunctum, modò id ab honesto non deuiet: deque eo appareat scripto manu Notarij curiæ, vel Officialis. Qui secus fecerit, si municipium erit, vel Castellum: toties eius in eoq; quinque & viginti libris vsque ad ducentas illius qui præcepit: Magistratus arbitrato mulctetur: quoties contrafecerint. Sin Priuatus, quinque vsque ad centum, pro qualitate personæ, & rei conditione. Nemo tamen eorum, siue sit municipium, siue Castellum, siue Priuatus: de vno & eodem præcepto: præterquam semel mulctari queat: nisi, vbi alia pœna in nostris statutis, vel ab vrbis Prætoris esset appositæ. In huiusmodi autem mulctis agatur summatim sine processu, & pignore banni, ac figura iudicij: modo de præcepto apud ætuarium constet: & quamobrem sit pœna iniuncta.

Quòd non possit renunciari iuri abolitionis. Cap. XXI.



Nemo eorum, qui criminis vel maleficij quempia apud Magistratum accusauerit: iuri abolitionis possit renunciare, sed semper & quodcumque voluerit, possit accusationem accusato remittere, & abolitionem, ac si non renunciaasset, petere.

De

De arbitrio Prætoris contra externos, & discolos.
Cap. XXII.



Vrbis Genuæ Prætor, & quicumque de criminibus ius dicens de omnibus maleficijs, ac delictis, quæ in vrbe Genua, vel districtu ab exteris hominibus, qui nec urbem, nec in districtu quid loci incolunt, & ab alijs discolis malæ conditionis, vel famæ committuntur: cognoscendi plenum arbitrium habeant, atque absolutum ab omnibus iuris communis: & statutorum ordinibus in agendo, torquendo, & cõdemnando, ac pœnas, quas iniunxerint, siue pecuniariæ sint, siue pro quibus delinquens sit corpore plectendus, exequendo: quemadmodum eis videbitur pro qualitate admissi, & conditione personæ: dum minor pœna non inferatur, quàm nostris legibus constituitur, morte excepta, & membri truncatione, quæ non, nisi ab urbis Prætoris irrogari queat: seruata forma statutorum, vel iuris communis.

Quod Prætor maleficiorumque Iudex in postremis diebus quindecim sui officij neminem possint absolvere, nec condemnare. Cap. XXIII.



Nullus Prætor, maleficiorumque Iudex tum: cum dies quindecim sui officij tactum supererit: possit intra eos quempiam de maleficio, vel delicto absolvere, vel condemnare, sed qui succedet: unum cum altero remanente, vel separatim id muneris peragendum obeat: sicuti cap. De processibus formandis, & sententijs ferendis cauetur. Et terminent perinde, atque alio cap. Intra quæ tempora causæ criminales terminari debeant: continetur.

De

Cuius quantitatis cautio peti possit. Cap. XXIII.



Emo criminis accusatus: propter quod poena numaria sit irroganda, cogi possit à Magistratu ad satisfaciendum de stando iuri: & iudicatum soluendo: præterquam ad duplumeius: in quo eum posset condemnare. Et si idoneè cauerit, dimittatur. ijs tantum demptis causis: in quibus aliter per statuta cauetur. Vbi verò satisfdari de non offendendo petatur: si de iure arbitrato Magistratus cauendum erit: caueat ad eam usque summam: quam statuet Magistratus pro qualitate personæ, & criminis conditione. Detentus tamen ob crimen: donec extra carceres liber sit: propter æs alienum in eis: detineri nequaquam possit.

Quòd propter condemnationes locorum non grauentur ciues, nec habitantes in vrbe. Cap. XXV.



Vllus ciuis Genuensis, aut eorum quispiam, qui decem annos habitauerit in vrbe Genua, possit à Magistratu ob condemnationem: quã tulerit in incolas cuiuspiam municipij, vel castelli ditionis Genuensis grauari, vel cogi ad soluendum quidpiã: etiam ratione bonorum: quæ dicerentur in eorũ territorijs possideri: sed omnes sint ab ea immunes, & liberi. Qui contrafecerit, centum libras pendat auferendas ex suo salario: & irritum sit quodcunque fecerit.

Quòd Prætor, & Iudex, aut Officialis neminem in carceribus detentum liberet, nisi causa cognita. Cap. XXVI.



Vllus Prætor, vel Iudex, aut quiuis alius officialis siue in vrbe Genua, siue in districtu possit è custodia carcerum detentorum quempiã missum facere: nec, vt emitatur, mandare, nisi causa, ob quam is detinetur: prius cognita sit, & decisa: eaq; omnia sint seruata, quæ ex iure, & forma

ma statutorum nostrorum debent seruari. Liceat tamen ei: quandounque se res obtulerit, vt ex aliquo quidpiam velit percunctari, illum, duce custodia, ad se cautè adduci facere. Si secus fecerit, eius periculo cedat, & de eo causam dicat.

De custodia carcerum.

Cap. XXVII.



Vt odes tam Malæpagæ: quàm aliorum quorumcunque carcerum in vrbe Genua, vel districtu condant librum, & in eo carceris, & custodiarum rationem conficiant. Scilicet quo die quis in custodia datus, & quâobrem, & de qua summa, si ex causa debiti fuerit: Item quo die emissus, quo alius ad supplicium abductus, & quo die ad forum suum alius relegatus, vt ex hoc cõstet carceris, & custodiarum ratio: & facilius carceres purgari queât, & exhauriri. Amplius detentos oēs, & vinctos, ne quo modo possint euadere: diligenter adseruent: Nec, nisi de eorum creditorum consensu, & voluntate: ad quorum petitionē in eos coniecti fuerit: (si propter æs alienum detinentur) aut de speciali mādato eius Magistratus: ex cuius officio sunt detenti, vel alterius potestatem habentis: eorum aliquem missum faciāt. Et, si dolo, culpa, incuria, vel negligentia eorum cuiuspiā (quod semper præsumatur, nisi contrarium probetur) aliquem propter debitum detentum extra carceres inueniri contigerit, nili tum, cum Iudex vel Magistratus ex aliqua causa hunc ad se, duce custodia, adduci iusserit: soluat custos creditori, siue publico, siue priuato id pecuniæ: propter quod is erat detentus, ac tantundem hîco nomine pœnæ: quam post factum illico eum subiisse. sancimus. Si verò quis ex vinctis, vel detentis euaferit, aut dimissus fuerit: isque de aliquo crimine exul sit factus, & promulgatus, aut ob aliud crimen imputatum captus, siue id sit probatum, siue non probatum (nā ex causa fugæ probatum censemus) luat id pœnarum custos: quod horum quisque siue pecunia, siue corpore luere debuisset. Et si pecunia mulctandus erit: ipse, eiusque hîdeuissores intra triginta dies ab eo: quo fuerint requisiti

requisiti, compellantur à Prætorè & Iudice, vel alijs Magistratibus districtus ad soluendum summam: & simpliciter sine figura iudicij, & pignore banni, sola facti, & rei veritate inspecta.

Quòd custodes carcerum ex causa custodiæ nihil amplius accipiant: quàm per statuta constituatur. Cap. XXVIII.



Vllus carceris custos per se, vel per aliũ ex causa custodiæ audeat ab aliquo emittendo quicquid petere, aut quouis modo accipere, vel extorquere supra id, quod nostris sanctionibus est constitutum. Si secus fecerit: pendat quadruplum eius, quod sibi per statuta debetur: quoties deliquerit, cedatque dimidium cameræ Magnificorum Procuratorum: reliquum illi: qui denunciauerit. Prætor autem: ac Iudex hoc vestigent diligenter: & quem inuenerint fontem: saltẽ dicto illius: qui iuratus dixerit se dedisse (quod pro vera probatione concurrentibus alijs indiciorum adminiculis arbitratu Iudicis de causa cognoscentis competentibus haberi volumus) puniant: nulla deprecatione admissa. Ni fecerint: toties vterque eorum soluat fisco quinquaginta libras nomine pœnæ: etiam durante tempore sui officij: quoties contrafecerit.

Quòd custos carcerum nihil eorum palàm faciat, quæ in eis à Prætorè, & Iudice fiunt. Cap. XXIX.



Vltos carcerũ, apparitor, vel satelles, aut quiuis alius, qui ex aminibus, vel alijs, quæ à Prætorè & Iudice in carcerib⁹ fiunt, interfuerit: nihil eorum quiquam palàm faciat. Qui fecerit si agẽt in cā de crimine læsæ Maiestatis: pœna capitis puniat. In cæteris verò: si causa capitalis erit: aut alia, ob quā delinquẽs corpore sit plectẽdus: bis, tẽrve fidiculis torqueat: si ad id ferendum habilis erit: sin minus, annum exulet vsque ad biennium, vel trib⁹ mensib⁹ vsque ad sex in carcerum custodia detentus adseruetur. Vbi verò in causa numaria pœna irroganda foret: decem libris vsque ad quinquaginta mulctetur.

Quod propter omiffas folennitates: caufæ criminales
irritæ non reddantur. Cap. XXX.



SI de crimine, vel delicto eius, qui deliquit cōfefsio-
ne, aut legitima testium probatione, vel alio quo-
uis modo legitimè conftiterit: actorq; , & cōuen-
tus legitimam personam habuerint: Iudexq; , cō-
petens fuerit: & dati sint termini ad faciendas de
fensiones: pœnæq; ex forma statuti impolitæ, sententia, quam lu-
dex tulerit: sit rata, & firma: quamuis vel solemnitas in processu
omiffa, vel iuris ordo, aut statutorum feruatus non fuerit. Nec
tum quid opponi aduersus processum queat, vel dici eum nullum
esse, aut quicquam exceptionis: etiam de excessu, aut iniustitia al-
legari, vel allegatum à quouis Iudice admitti: præterquam de in-
iustitia à sententijs Magistratuum districtus: quēadmodum cap.
sub rubrica de appellationibus continetur.

De appellationibus caufarum criminalium non admit-
tendis: nisi modo infrascripto. Cap. XXXI.



Nemo possit de præcepto facto, vel sententia lata,
aut processu condito à Magistratu vrbis Genuæ
in causis accusationis, denuntionis, vel inquisitio-
nis ad aliquem Magistratum prouocare: neque
dicere horum quidpiam nullum esse, aut factum
aliter se habere: quàm in eis expressum fuerit:
præterquàm in causis, in quibus multa exigenda cedat parti, ac
in sententijs latis à Magistratibus districtus: à quibus ex forma sta-
tuti sub rubrica de ordine potestatum districtus licet appellare.
His autem exceptis, aliæ reiiciantur, nec ab eo Magistratu: ad quē
appellatum fuerit: admittantur. Si admiserit, soluat fisco cen-
tum libras nomine pœnæ quoties deliquerit: & irritum sit, quod
cunque fecerit.

CRIMINALIVM

LIBER SECVNDVS.

DE POENIS.

De Blasphemis.

Cap. I.



REVS delatus, & conuictus probrosi maledicti in Deum, Beatam Virginem, Crucem Domini nostri Iesu Christi: & in quencunque Diuū: in primum delictum mulctetur scuto vno auri vsque ad decem. In secundum post mulctam: duobus vsque ad quinque & viginti. In tertium, vsque ad centum damnetur, & sit infamis. Si erit officialis, ipso iure ab officio cadat, nec ad aliud eligi possit, nisi ab Illustrissimo Duce, & Magnificis Gubernatoribus prius sit factus habilis. Damnatus, nisi intra treis dies post condemnationem sequentes poenā soluerit, per loca vrbis publica fustigetur, & ad catenā vinctus horis quinque os impudentiæ præbeat contumelijs turbæ circūstantis, & conuicijs. Si apprehensus non fuērit, exul publicetur, nec, nisi poena soluta, restituatur. Interea verò, si in iudicis venerit potestātē, nec poenam soluerit intra triduū, amputetur ei lingua. Et si post tot mulctas, rursus quartò deliquerit, relegetur in quinquenniū ad triremes. Miles cōuictus, militiā abdicetur, & menstruū stipendium restituat, si tēpore pacis erit, sin belli, arbitratu Ducis puniatur. Nautarū magistri, & cuiusuis nauigij rectores artificesq; & patres familias, simulac au dierint nautarū quempiā vel artificū, aut famulorū suorū, conuiciū in Deū vel diuos ingerere, seu (vt aiūt) blasphemare: hunc intrahoras quatuor & viginti extrudant. Nifecerint, eadē poena adficiantur, qua, qui deliquit. Pueri loris, vel virgis cædantur.

Qui sacras imagines Dei, vel sanctissimę Crucis sciēs percussērit, vel quomodocunque turpauerit: in primū delictum amputetur ei manus, vel ad triremes relegetur in quinquenniū. In secundū vltimo supplicio adficiatur, vel ad triremes perpetuò mancipe

tur. Horum aut̃ omniū iudices sint Magnifici Procuratores, qui & agendi, & pūniendi: quēadmodū eis videbitur, habeāt plenū, & liberū arbitriū, & amplius in vrbe Genua Prætor, maleficiorūmq; Iudex. In districtu verò Prætor, & cæteri Magistratus iudicēt, & agant ex officio, sicut in delictis agitur: in quibus pœna sanguinis irrogatur, sed brevioribus terminis, vt causæ, saltē intra mensem terminentur. Notarij Magistratuum in vrbe Genua, & in tribus prætorijs curijs querelas, & denunciationes intra dies duos: postquam porrectę fuerint: Magnificis Procuratoribus denunciēt. Nī fecerint: quinque & viginti libris in vnāquaque nō denunciata mulctentur. Liceatq; vnicuique ad Magnificos Procuratores in vrbe Genua, atq; ad alios Magistratus in districtu noīa delinquentiū deferre: habeatq; delator dimidium numariæ pœnæ in illū cōstituēdæ: quē accusauerit, si intra dies quindecim à delicto cōmissō detulerit, & reus eo de crimine cōuictus fuerit: sitq; sub secreti sigillo. Reliquū verò dictę pœnæ in vrbe Genua cedat officio suffragij pauperum. In ceteris locis districtus erogetur pijs locis: quē admodū à ius dicēte fuerit ordinatū. Statores autē, & Satellites: si quem blasphemātem audiuerint: hunc per se etiā iniussi: in carcerem tradāt. Nī truserint: ab offō cadāt: eoq; abdicati censeātur. Et qm̃ Reip. admodum interest hoc prauum hoīum genus cōpescere, & coercere, vt cæteri: horum exemplo deteriti hmōi impietate abstineant: & honos qui Deo: Diuisq; debetur: piē sanctēq; seruetur: ac cultus eis exhibeatur innoxius: quod quidem eō reddetur facilius: quō amplius eorum: qui delinquunt, & plectendi sunt: noīa fuerint in aperto. Proinde: hoc nostro statuto sancimus, vt Genuę in Ecclesia Metropolitana: in oppidis verò, & castellis districtus mœnibus septis in eorum Ecclesia principali reponatur capsula: in quā, cuique liceat nomen & cognomen illius: quem nouerit deliquisse: itemq; testium, qui adfuerint, & locum, ac diem delicti cōmissi breui scheda adnotatum imittere. Huius aut̃ clauēs apud Magnificos Procuratores in vrbe Genua seruentur. In alijs verò locis, apud eos, quos ipsi elegerint: Aperiaturq; singulis hebdomadis, & videat̃ an sint aliqui delati: in quos, eo de scelere agendū sit.

De præter naturam lasciuientibus. Cap. II.



Ræter naturam lasciuientes, tam incubi, quam succubi furca suspensi igne ultore deleantur de terra uiuentium. Eadémque plectatur pœna quisquis agrum; domumue ad id sceleris cômittendum præbuerit. Vim passi non sunt in ea causa: vt huius criminis damnentur. Qui ætate excusantur: pœna numaria arbitratu Magistratus mulctari possunt: salua semper in his omnibus Magnificorum Procuratorum autoritate.

De Adulteris, & Stupratoribus. Cap. III.



Nupta non coacta: si adulterium cômiserit: capite plectatur: cedantq; marito, & liberis dotes; & ante factum in omnibus: quemadmodum capite de muliere fugitiua à domo mariti cauetur. Vir, si alibi, quam domi, quam ipse habitat: alteri nuptâ carnali copula cognouerit: summo adficiatur supplicio. Si nupta est impudica: se prostituens, vel quæ sui corporis quæstum faciat, deque eo publica voce, & fama constet, ac tribus idoneis testibus, vel tribus singularibus, qui iureiurâdo adacti testentur rem cum ea habuisse, vir nullam pœnam subeat, sola mulier plectatur. Si vir domi suæ: aliter, quam per vim: alteri nuptam carnali copula cognouerit: quinquinta libris vsque ad quingentas mulctetur, vel fustigetur: nisi eas intra dies quindecim soluerit. Si eam pro amasia publicè in contubernio habuerit: capite plectatur. Eadémque pœna adficiatur quicunque per vim mulierem carnali copula cognouerit.

Masculus & fœmina qui incestum commiserint: etiam si mutuo sibi fuerint consentientes: capitali pœna puniantur.

Sanctimoniam professam: habitûque monachali indutam si quis in cœnobio, vel extra carnali copula etiam volentem cognouerit:

uerit: pœna capitis plectatur. Nec quicquam layco de die, vel de nocte: nisi ex speciali superiorum concessione fas sit monasteriũ sanctimonialium ingredi. Qui secus fecerit, in primã transgressionem mulctetur trecentis libris, deinde sexcentis, quoties deliquerit, vel ter fidiculis torqueatur, nisi soluerit intra triginta dies, aut extra urbẽ Genuã, & districtũ vsque ad triennium arbitrato Magistratus relegatur. Qui verò sine consensu superioris sanctimonialis domi suæ habitationis hospitio receperit, vel in cõtubernio habuerit: ducentis libris puniatur.

Qui stuprum in virginẽ etiam volentem cõmiserit: det quinquaginta libras vsque ad quingentas, vel fustigetur, nisi soluerit intra triginta dies. Sed si virgo seducta fuerit, quod præsumatur: nisi probetur contrarium: præter dictam pœnam dotet eam: qui seduxerit: arbitrato Magistratus pro qualitate personarum.

Vt aut nemo audeat fœdare connubia, & decus muliebri seruetur: Decernimus ius accusandi, deferendi, vel denunciandi de adulterio, vi, stupro, vel incestu proximis duntaxat necessarijs competere nempe patri, fratri, patruo, auunculo, & marito. Si quidem hi oēs vero dolore impelluntur. Vbi verò maritus eius, quæ diceretur adultera, in vrbe Genua foret, vel in districtu: nemo alius præter eũ: ad accusationem, vel denunciationẽ adulterij admittatur. Si abierit, necessarij: de quibus supra meminimus: tantũ succedant, & admittantur. Accusatione verò, vel denunciatione à quouis eorũ facta, siue ea de adulterio sit, siue de vi, siue de stupro, siue de incestu: tunc, nec antè super eis, vel altero eorũ instituatũ inquisitio, & agatur in ea ex forma statutorum, & ex forma iuris cõmunis: vbi quid in statutis defuerit. Omnibus autẽ in casibus: in quibus adulter, & adultera sint corpore plectendi: eo genere supplicij sine vllò discrimine animaduertatur in fœminam: quo animaduerreretur in masculum: si vterque in Magistratus venerit potestatem, sin minus, is, qui venerit, eo adficiatur, & alter, donec veniat, eo de crimine exul publicetur. Marito verò: qui vxorẽ suã adulterij postulauerit: & alijs, qui alteri nuptam post maritum, & patrẽ ad accusandum, vel denunciandum admittuntur: liceat ante
prolatio

prolationem definitiuæ sententiæ: quandoquæque eorum quisque voluerit, ab accusatione, vel denunciatione sistere: non tamen: postquam destiterint: accusatam rursus eius criminis postulare. Eodémque beneficio vti possit etiam adulter: Mulier verò tunc liberetur: & viro suo restituatur. Domum autem accipere debemus: non proprietatem domus, sed domicilium. Quare siue in propria domo quis habitauerit, siue in cōducta vel gratis, siue hospitio receptus: hæc lex locum habebit: & si quis in villa habitat: vel in hortis idem erit probandum: & ita vbique locorum huius capitis censendum: in quo de domo verba facere contigit.

De Raptoribus.

Cap. IIII.



Raptores virginū honestarum, vel ingenuarum, siue de sponsatarum, siue nōdum de pōsatarum, vel quarūlibet viduarum, aut nuptarum, & qui inuasionis tēpore opē ad rapiendū tulerint: etiā si raptæ cōsenserint: capite plectātur, & bona publicentur: cedatq; dimidium fisco: reliquum raptæ. Cæteri verò: qui huiusce criminis inuenti fuerint cōscij, nec ante admissum facinus iudici propalauerint: quiq; eos susceperint, vel opē ante, aut post inuasionē tulerint, siue mares: siue fœminę sint: etiā quacunque cōditione, vel dignitate fulgentes, eodem adficiātur supplicio: facultatibus eorum nullā diminutionem passuris. Liceat tamen raptæ: patris sui accedente cōsensu: si tunc in viuis aget, vel si diem suum obiisset: duorum ex suis propinquioribus illi, qui rapuit, se matrimonio iungere. Et, si raptor eā sibi in uxorem accipere volet: ac dotare arbitrato Magistratus pro cōditione personæ: absoluator raptor à pœna, & restituatur bona: quarta dūtaxat parte excepta: quā in pœnā delicti fisco cedere decernimus. Sed si minor erit quingentis scutis auri: soluat ad eam vsque quantitaem reliquum raptor intra dies triginta. Vel, nisi soluerit: triremibus mācipetur, vel extra urbem Genuā, & distributum relegetur, aut in carcere detentus adseruetur in tempus: arbitrato Illustrissimi Ducis, & Magnificorū Gubernatorū, ac Pro-
cura-

curatorum statuendum: saluis semper pœnis, & multis cōtra socios: aliosq; criminis participes supra memoratos constitutis.

Mulierem Deo dicatam: aut intra tempus professionis habitu monachali indutam in Monasterio degentem si quis, etiā volentem: rapuerit, vel rapere tentauerit: & ad actum facto proximum processerit: vltimo addiciatur supplicio: & publicentur bona. Eademq; pœna plectatur quisquis ad eiusmodi maleficium perpetrādum opem præbuerit. Prætor autem, & alij Magistratus aduersus istos plenum: & liberum arbitrium habeant agendi, & cognoscēdi, ac puniendi quemadmodum supra meminimus.

Alterius seruā, vel scēminā impudicā, qui inuitā rapuerit, ad habendum rem cum ea: quod præsumatur: nisi contrarium probauerit: ipse, & socij adigātur ad triremes in triennium: duplūmq; precij seruæ domino soluāt. Si seruā quis non inuitā abduxerit: domino restituat: & duplū: quanti fuerit æstimata: pendat: dimidiūmq; cedat fisco: reliquum domino seruæ: & amplius annum exulet extra urbem Genuam, & districtum. Abducta serua censetur, quæ apud aliquem cōmorans, ad dominum intra biduum nō reuertitur. Dammati horū criminum: qui intra triginta dies non soluerint: in annum triremibus relegentur.

Quòd mulier malæ famæ, nec leno habitent vbi degunt homines honestæ conditionis.

Cap. V.



Vlla meretrix, vel mulier malæ famæ, aut lena, vel leno ea in vicinia habitare queat: in qua degunt homines, vel mulieres honestæ conditionis: boniq; nominis. Si habitare inuenta fuerit: & Magistratus id compertum habuerit, atquē eam vel impudicam esse, vel virum lenocinium exercere dicto trium testium cognouerit: qui iure urando adacti id se dicāt credere: eos extrudi iubeat intra tridū, vel fustigari, nisi eo elapso absceferint. Et si eò rursus ad habitandum venerint, extra urbem Genuam, & districtum in quinquennium releget. Si contrafecerit: det fisco in pœnam centum libras.

Quòd

Quòd nemo meretricium, vel lenocinium exerceat in
vrbe Genua. Cap. VI.



Eno, vel lena, aut quicumque alij siue mares, siue fœ-
minæ fuerint, qui virginum, nuptiarum, vel spon-
tarum pudicitiam sollicitauerint: conuicti & damna-
ti in primum delictum fustigentur: ferroque can-
denti stigma fronti inuratur. Si rursus sollicita-
uerint: nares eis amputentur, & extra urbem Genuam, & distri-
ctum extrusi perpetuo damnentur exilio. Sollicitare pudicitiam
dicitur, ex pudica, vt aliqua impudica fiat, curare. Parentes, qui
filias suas prostituunt: & in eis quæstum exercent: narium trun-
catione plectantur. Admodum enim iniquum est: viscerum suo-
rum castitatem vænundare. Si filiæ consenserint, arbitrato iudi-
cis puniantur. Maritus, qui quæstum ex adulterio vxoris suæ fe-
cerit: si humilis erit conditionis, fustigetur, & extra urbem Ge-
nuâ, & districtum in decennium relegetur, vel triremibus in quin-
quennium mancipetur. Si honestæ conditionis: perpetuo exulet
extra urbem Genuâ, & districtum: dimidiûmque bonorum fisco
inferatur. Nec enim mediocriter deliquit, qui lenocinium in vxo-
re exercuit.

De contrahentibus clandestina matrimonia.
Cap. VII.



Si fœmina cuiusvis conditionis minor annis quin-
que & viginti: quæ nunquam fuerit desponsata:
se alicui matrimonio iunxerit sine consensu pa-
tris sui, vel aui paterni patre non superstite, aut, si
omnes obiissent: præter voluntatem matris, quæ
ad secunda vota non transierit, vel, si transierit, aui materni, aut
fratris, vel patru, aut alterius ex agnatis propinquioribus, si nec
mater, vt supra diximus, nec auus, nec frater, aut patruus in viuis
agerent,

agerent, aut ipsis omnibus fato functis, vel ab vrbe, & districtu milliarijs quinquaginta absentibus sine consensu duorum ex propinquieribus vsque ad quartum gradū, sicut decreta distinguunt, vel tutorum, aut curatorum, si nec etiam propinquiores agerent in humanis, aut si (vt dictum est) absentes forent: ipso iure priuata censeatur omni iure dotis petendæ: vel sibi constituendæ, ac etiam bonis omnibus: cum paternis: tum maternis, ac hæreditate: si quæ sibi ex parte patris: vel matris obuissset; vel obuineret: cædatque patri, matri, vel fratribus, aut alijs ad quos pertineret: ac si puella ipsa, seu fœmina esset fato functa. Vir autem, qui puellam huiusmodi, vel fœminam desponsauerit absque consensu eorum, quos supra memorauimus: det in pœnam scuta centum vsque ad mille arbitrato Magistratus pro conditione personæ. Qui verò puellam, vel fœminam ad contrahendum matrimonium per se, vel per alium coegerit: capite plectatur: & amplius scutis mille mulctetur: si puella, vel fœmina coacta ciuis erit Genuensis: degens in vrbe Genua, vel suburbij: sin districtualis: habitans in districtu: præter capitis pœnam soluat trecentas libras vsque ad mille arbitrato Magistratus.

Quisquis autem sciens his omnibus, secus, quàm præfati sumus: se interposuerit, vel auxilium, aut consilium dederit, aut tractandum susceperit, vel ordinauerit, aut ordinari passus fuerit, vel quouis modo siue fœminam minorem annorum quinque & viginti: siue masculum minorem duobus & viginti suadendo ad matrimonium contrahendum induxerit: det quingentas libras: cedatque fisco dimidium mulctarum omnium: quas supra memorauimus: reliquum illi, qui contrahendo matrimonio est aduersatus: ex cuius consensu fieri debuisset. Testes verò, qui scientes interuenerint: & notarius, qui instrumentum sciens confecerit: soluant fisco: scilicet eorum quisque centum libras nomine pœnæ, ac trecentas quicumque sciens in domo sua, vel conductâ horum quidpiam passus fuerit perpetrari. Ab hac autem sanctione tam fœminæ, quàm masculi humilis conditionis, vel vagabundi censeantur exclusi.

De Homicidio.

Cap. VIII.



Qui dolo homicidium commiserit: quivé ad committendum opem tulerit: dolumve commiserit, aut quo cōmittatur tractauerit: vel ad cōmittendum comitem se homicidę præbuerit: ultimo adficiatur supplicio. Si fuga euaserit, & ex forma statuti de modo procedendi contra contumaces euocatus: ad constitutum diem se coram Magistratu sistere neglexerit: eiusq; criminis tanquam contumax conuictus: damnatusq; fuerit: exul in perpetuum factus edicto extra urbem Genuam, & districtum publicetur: quemadmodum dicto capite fusius continetur. Omnia verò bona: cū immobilia, quæ saluis iuribus vxorum, nūrum, ac creditorum dirumpi volumus, tum mobilia: vnā cum iuribus, & debitorum nominibus ex duabus tertijs partibus fisco publicentur: reliquum cedat hæredibus interfecti. Et si subhastabuntur: addicentur pluris licitāti: nisi Illustrissimo Senatui visum fuerit: bona immobilia inter attinentes, & vicinos diuide-
re: ijsq; , quo statuerint pretio: ea addicere: quod eius semper sit arbitratu: dummodo Res publica pro eis, & alijs bonis, siue mobilibus, siue immobilibus fisco ex causa criminis deuolutis, vel deuoluendis: vbi ea vænundari contigerit: defendendis & euincendis, emptoribus, atque hæredibus: eorūmq; successoribus generalib⁹, & particularibus obligata restet. Exul autem factus non eximatur ab exilio: nisi intra statutum tempus dicto capite de modo procedendi contra contumaces coram Magistratu præsens comparuerit. Tunc autem agatur: quemadmodum ibi continetur. A poena verò homicidij excipimus furiosum, qui ea sit mentis alienatione: vt, quid agat, non intelligat: vel, quid egerit: non intellexerit. Item eum: qui quempiam fortuito, vel ad suam, aut socij defensionem occiderit: ac eum, qui damnatum publici criminis: & exulem publicatum à Genuensi Magistratu potestatem habente interfecerit: ac dominum, vel dominam, qui suum seruum, vel seruā

D occide-

occiderit: cōtra quos id seruetur: quod capite de seruorum excessibus compescendis est constitutum. Magistratus autem hæc omnia præstet: Ni præstiterit: ducentis libris mulctetur.

Serui, vel famuli, aut quicumque alij, qui suos dominos, vel illos, quibus cum vnâ habitant, occiderint: quique consilium dederint, opemve tulerint: tracti ad caudâ muli furca suspendantur: & bona publicentur.

Qui ex proposito, siue mas, siue fœmina sit: quicquam fecerit, ob quod sit secutus abortus: si fœtus erit animatus: capite plectatur: in minus: ad triremes relegetur in tempus, aut alia pœna arbitrato Magistratus mulctetur.

Si quis ideo quempiâ occiderit, aut occidi mandauerit, vel dolum quò occidatur cōmiserit, vt occisi potiatur hæreditate, siue ex testamento, siue ab intestato, vel ex fideicōmisso ad se proueniente: ipso iure rei: & nomine cadat: & sit exclusus ab ea: deuoluaturque ad sequentes in gradu, vel ad alios: ad quos pertinebit: ita vt neque in proprietate, neque in usufructu ratione potestatis vllum ius in eis aliquo tempore consequatur: ijs tamen semper saluis, de quibus in statuto de successiōibus ab intestato. s. in super statuimus: est constitutum. Eadēmq; pœna mulctetur, qui vxorem, vel nurum occiderit, aut occidi mandauerit: dolumve quò occidantur, cōmiserit, vt ex dotibus, vel earum augmento quicquā percipiat: aut ad se aliunde possit quomodolibet peruenire. Parricidæ, & quicumque parricidij tenentur: ex forma iuris communis puniantur.

Quisquis siue mas, siue fœmina in mortem cuiuspiam conspirauerit: eiusve sceleris patrandi particeps fuerit, vel ope, aut consilio iuuerit: si facinus non erit admissum, nec ventum ad actum facto proximū: det hisco trecentas libras intra triginta dies post condemnationem: vel, ni soluerit: extra urbem & districtum exulet, aut triremibus mancipetur in tempus arbitrato Magistratus statuendū. Si facinus erit admissum, vel ventū ad actū facto proximū: plectatur vnusquisque pro qualitate admisi ex forma huius capitis: & aliorum in quibus de hoc cauetur. Veruntamen si quis

si quis horum: siue principalium; siue participum ante admis-
sum facinus id Magistratui palam fecerit: is omni poena rei: &
personae ipso iure tunc censeatur absolutus, & amplius dimidio
numariae poenae alijs fontibus irrogandae donetur.

De Genuensibus, vel districtualibus extra urbem Genuam: &
districtum homicidium committentibus. Cap. IX.



Si quis Genuensis, vel districtualis extra urbem Ge-
nuam & districtum: ac loca subdita ditioni Ge-
nuensi quempiam occiderit: qui nec ciuis sit, nec
subditus: abstineat Magistratus per accusationē:
vel inquisitionem: aut alio quouis modo aduersus
eum agere: praeterquam ad petitionem, vel denunciationem illius
tantum, qui suam, vel suorum iniuriam prosequitur.

De veneficis.

Cap. X.



Si quis sciens per se, vel per alium venenum alicui pro-
pinauerit, dederitve, ob quod vel is interierit, vel in-
habilitatem membri iudicio physicorum contraxe-
rit: capite plectatur qui propinauit, vel dedit: bonaq;
ex duabus tertijs partibus fisco inferantur: reliquum cedat debili-
tato, vel haeredibus, si interierit.

Qui poculum amatorium per se, vel per alium dederit, quāvis
dolo non fecerit: nec ij, quibus dederit, siue mas sit, siue foemina,
in aliquo laesi fuerint: tamen quia res mali exempli est: virgis per
urbem caedatur: & candenti ferro nota in facie inuratur, vel na-
sus ei, aut auris praecidatur: & extra urbem Genuā, & districtum
perpetuo exilio damnetur. Si ob id in infirmitatem inciderint: ex-
cæcetur. Sin interierint: ultimo adficiatur supplicio. Eisdemque
poenis plectatur, quisquis eos ope, aut consilio fouerit.

Qui verò in lecto, aut aliqua domus parte, aut personae, vel in
vestibus quicquam interposuerit, vel interponi curauerit: quod

D 2 ad

ad maleficā artem strigum vel incantatorum pertineat: propter quod quis sensum, mentem, vel memoriam amisisse credatur, vel a moribus consuetis deuiasse, aut modo aliquo læsus fuisse: ultimo plectatur supplicio, vel ad id vsque arbitrato Magistratus: ipse eiusq; criminis particeps, & conscius, ac quiuis alius, qui magistrum vel operam eiusmodi maleficis artibus faciendo, vel docendo præstiterit. Aduersus quos Prætor, vel Magistratus plenum arbitrium habeat agendi, torquendi, & ad vltimum supplicium condemnandi, vel ad id vsque pro qualitate admisi.

De Assassinis.

Cap. XI.



Assassinus, qui quocunque modo quempiam occiderit, vel animo occidendi vulnerauerit, quod præsumatur, nisi probauerit contrarium, vel qui occidere voluisse confessus fuerit, & ad aliquem actum peruenerit: eum scilicet percutiendo, vel vulnerando, quem volebat occidere, conuictus trahatur ad caudam muli ad locum vsque supplicij: & ibi furca suspendatur. Si apprehensus nõ fuerit: assassinij damnatus extra urbem & districtum perpetuo mulctetur exilio: bonaq; publicentur, & diuidantur quemadmodum capite sub rubrica de homicidio continetur. Si deinde apprehensus fuerit: eo, quo dictum est: adiciat supplicio. Itidem qui percusserit, vel vulnerauerit: quanuis nõ animo occidendi, sed iniuriā inferendi fecerit: si vel mors, vel membri debilitatio ex percussione fuerit subsecuta, aut ex vulnere euidentis cicatrix in facie perpetuo remansura. Vbi nihil horum contigerit, sed duntaxat sit vulnus illatum: emisso sanguine: triremibus in quinquennium mancipetur, vel manus ei præcidatur. Et si apprehensus non fuerit, perpetuo exul in dictas pœnas damnatus publicetur. Si nihil sanguinis fufum fuerit: det in pœnam quingentas libras, vel remo addictus ad vincula nautica in biennium mancipetur: nisi intra decem dies post cõdemnationem soluerit, aut extra urbem Genuam, & districtum in quinquennium relegetur.

Assassi-

Assassinus, qui cuiuspiam occidendi vel offendendi mādātum non inquit susceperit: quanuis ad actum facti nō peruenit: mōdō sit delictum falsus, vel de eo cōuictus, soluat quingentas libras: vel triremibus in triennium vsque ad decennium mancipetur, nisi intra decem dies post condemnationem soluerit, aut extra urbē Genuā & districtum relegetur in tempus arbitratu Magistratus statuendum: dum breuius non sit quinquennij. Quod si mādātum prodiderit Magistratui: antequam sit delatus, vel accusatus: & qui mandauit, ex delatione fuerit conuictus: extra noxam sit, & pœnam: idq; habeat, quod facinoris patrandi gratia inter ipsum, & eum, qui mandauit, conuentum fuerat, & amplius dimidium numariæ pœnæ: qua, qui mandauit, damnabitur. Assassinum autem eum censemus: qui, accepto precio, eiusvè accipiendi spe: quidpiam eorum delictorum, quæ suprā meminimus: patrandum susceperit: quivē publica voce, & fama dicitur assassinus, & assassinium commisisse, ac illum: qui accepto precio, vel accipiendo spe assassinium committere diceretur voluisse.

Qui sciens assassinum receperit: quivē ad maleficium cōmittendum ope, aut consilio iuuerit: eisdem pœnis plectatur, quibus plectitur assassinus. Sed postquam delictum fuerit cōmissum, nisi intra biduum post receptionem: assassinum Magistratui tradiderit, vel ab eo, ut capiatur, operā efficacem nauauerit: si assassinus capite plectendus erat, eo supplicio, & ipse adficiatur, aut in perpetuum triremibus mancipetur, vel perpetuo exilio arbitratu Magistratus relegetur pro qualitate delicti & personarum. Si verō assassinus secus quā corpore multādus esset, qua pœna debuisset, ea is multetur, qui illum receperit.

Si quis autem in urbe Genua, vel dominio Genuensi, aut extra urbem, vel dominium per se, vel per alium quid maleficij assassinium patrandum mandauerit, & deinde in urbe Genua, vel dominio Genuensi delictum cōmissum fuerit, ad caudā muli tractus ad locum vsque supplicij furca suspēdatur. Eaq; pœna adficiatur, qui siue in urbe Genua, siue in dominio Genuensi, siue extra per se, vel per alium mandauerit, quamuis delictum extra urbem Ge-

nuā; vel dominiū Genuense deinde fuerit perpetratum: modo sit in Genuensem ciuē, vel Genuensis dominiij, aut in eum, qui degit Genuæ, vel in Genuensi dominio. Itē qui mandatū suscepit, aut qui depositū præmiū, vel obligationem sciens ea de re receperit, aut ea, vt cōmittatur: sponderit, vel qui horum nuncius fuerit, aut in his modo aliquo se inter mandantem, & mandatarium interposuerit: quivē opē, consiliū, vē præbuerit: nisi is: de quo occidendo, vel offendendo fuit mandatū: per sanctiones nostras impune lædi, vel occidi potuisset. Tunc autē nulli sit pœnæ obnoxius. Nullus tamen assassinus cuiusvis generis ex supradictis dānari per cōtumaciā queat: nisi prius publica voce & fama cōstiterit: eum vel delictum cōmisisse, vel, ab alijs vt committatur, curasse. Si quis autem falsò, vel per calumniam quempiam assassiniij reum fecerit: vel derulerit, aut quidpiam maleficiij per assassinium cōmittendū alteri mandasse denuntiauerit: det in pœnam quingentas libras, cedatq; dimidium fisco, reliquum accusato, vel delato.

De percutientibus.

Cap. XII.



Visquis, siue ciuis Genuensis, siue districtualis, vel extrus: aliquo armorū genere, aut alia re ad percutiendū apta quēpiam adortus fuerit, nec percusserit, quinque libris vsque ad quinquaginta mulctetur, vel fustigē, nisi intra triginta dies post condēnationē soluerit, aut semel hidiculis torqueatur, vel in carceribus: donec soluerit: detentus seruetur: sed si intra quindecim dies ab illo: quo eū adortus fuit: pacē cū eo inierit: vsque ad decē tñ mulctetur. Si percusserit, sanguine nō emisso: soluat decē vsque ad centū: nisi ad suā fecerit defensionē: quod in quocunque casu eorū: quæ hoc toto capite continentur: intelligi volumus. Si sāguis emissus fuerit, nec vulnus sit mortiferū, neque os fractū, nec dolo, vel ex proposito illatū, sed in rixa, aut calore iracundiæ, soluat decem, vsque ad ducentas. Et si ante condemnationē pacificatus fuerit cū offenso: det tñ quinque vsque ad centū. Ni soluerit intra triginta dies post condemnationem: det

duplum in vnumquodq; delictū ex prædictis, vel in annum vsque ad triennium relegetur pro qualitate admissi. Si citra rixā, & ex proposito percusserit, nec vulnus sit mortiferum: soluat viginti vsque ad quingentas, & amplius exilij triennij pœnam patiatur; nisi intra id temporis metas cōsensus partium abolitionem popo fcerit. Tunc. n. soluta pœna, liber sit ab exilio. Quod si non ex proposito, nec dolo, sed in rixa, vel calore iracundiæ percusserit: & vulnus sit mortiferum: det triginta vsque ad trecentas, & triennium exul & extra urbē Genuā, & districtum. Sed si intra id temporis pacem cum offenso, vel hæredibus habebit: pœna soluta; ab exilio liberetur. Si vulnus erit mortiferum, doloq; & ex proposito illatum, soluat centum vsque ad mille, & amplius quinquennij exilio extra urbem Genuam & districtum mulctetur, vel triremibus in triennium mancipetur. Et si pacem interea cum offenso habebit, pœna soluta, liber sit ab exilio, & triremibus.

Qui ex proposito per se, vel per alium quempiā in facie percussit, aut vulnere adfecerit, ex quo evidens cicatrix remaneat, soluat trecentas libras vsque ad mille, in vnumquodque vulnere, & ad triremes in triennium relegetur pro qualitate delicti, & cōditione personæ, præsertim si in mulierem honestæ conditionis id facinus erit admissum. Pacificatus tamen cum offenso, vel hæredibus ipso nō superstitite, & soluta pœna, à triremibus liberetur.

Qui verò dolo, & animo percutiendi (quod præsumatur nisi probetur contrarium) aliquo armorum genere, aut alia quauis re ad percutiendū, vel vulnerādum apta quēpiā in domo eius habitatio nis adortus percusserit, quāuis non fauciauerit, manus truncatione plectat, vel ad triremes in decenniū relegetur. Sed si vulnerauerit, vltimo supplicio adficiatur, vel triremibus perpetuo mācipet.

Qui balista, arcūve, aut sclopis quempiam adgressus fuerit animo nocendi: qui præsumatur: nisi probetur contrarium, & displo ferit: vltimo adficiatur supplicio. Si apprehensus non fuerit: tanquam homicida extra urbem Genuā, & districtum perpetuo mulctetur exilio: alijsque pœnis omnibus subiaceat: quę capite de Homicidio sunt constitutæ.

30. Laruato verò, vel tincto, aut personato, vel adeo deformato, ut dignosci nequeat: qui armis, aliavé re ad offendendum apta quempiã adfuerit, nec vulnerauerit, manus amputetur, vel triremibus m̃cipetur in triennium. Si vulnerauerit, ultimo adficiatur supplicio: Et si apprehensus nõ fuerit: tanquã homicida omnibus pœnis sit obnoxius. capite de homicidio contentis, & extra urbem, & districtum perpetuo mulctetur exilio.

Si cui ex percussione, vel vulnere accepto lumen oculi adẽptũ, vel nasus, brachium, pes, manus, aut tibia truncata fuerit, vel is in eorum aliquo debilitatus, ut more solito se de eo iuuare nõ possit; duplicentur pœnæ isti: qui percussit, vel vulnerauit hoc in statuto contentæ: quæ ex sui natura possunt duplicari. Eisdemq; adficiatur, qui in sacris templis, vel monasterijs, vel alio sacro loco, aut in foro, vbi mercatores conueniunt vulgariter nominato li. Banchi, vel in Palatio comperarum Sancti Georgij, aut corã Magnificis Supremis Syndicatoribus, Extraordinarijs, Prætore, vel Auditoribus Rotæ quempiam percusserint, vel vulnerauerint.

Qui corã Illustrissimo Duce, & Magnificis Gubernatoribus, aut eorum quopiã gladium, vel aliud armorũ genus euaginauerit animo offendendi, qui præsumatur, nisi probetur cõtrariũ: capite plectatur, & bona publicentur. Eademq; pœna adficiatur: quisquis aliquo in loco habitationis Illustris Ducis euaginauerit: & percusserit emissio sanguine. Si emissus nõ fuerit, manus ei præcidatur: Ea; pœna etiã teneatur: quisquis in aula Magnificorum Procuratorum, vel in platea Palatij euaginauerit, & percusserit emissio sanguine: Sed si non percusserit, triremibus in triennium m̃cipetur, vel relegetur in quinquẽnium extra urbẽ & districtũ.

Si quis alapa, p̃gnovẽ quempiã in facie, vel in capite cæciderit: baculo vè percusserit: fisco pendat triginta libras vsque ad trecentas: & urbe Genua ac dominio Genuensi, excedat non nisi anno exacto, vel pace interea cũ offenso, vel hæredibus inita, pœnaq; soluta reuersurus. Si verò ciuem Genuensem honestæ conditionis ceciderit: manum ei præcidito, vel, ad certum locũ extra Genuensem dominium eum in triennium relegato, aut in annum vsque ad

trien

trienniū additū remo ad triremes mancipato pro conditione personæ: nisi euocatus à Magistratu corā, vel ad domū suā habitatio- nis intra decē dies se in carcerē presentauerit, & in ea detentus p- manens nulla fideiussione dimittendus: intra alios quadraginta mox post eos sequentes: pacē cū offenso vel hærede habuerit. Tūc aut soluat fisco in pœnā ducentas libras, vsque ad mille arbitratu Magistratus. Ni soluerit, in annū vsque ad bienniū relegēt ad triremes, vel dñio Genuensi extrusus annum exulet vsque ad triennium: eisdemq; pœnis teneatur qui eiusdem cōditionis ciuem percusserit baculo: sed si vulnus erit mortiferum, & ex proposito illatum: maiorq; timor mortis, quā spes salutis, laqueo suspendat.

Si quæ viles personæ pauperrimę vel abiectę se inuicem conui- cijs adficientes, alapis, pugnisvé ceciderint, vel capillis traxerint: & sanguis ab ore, vel naribus emanauerit, vt solet in rixis eueni- re: liceat Magistratui huiuscemodi delinquentes punire: tū ex for- ma hoc toto capite cōstitutā: tum ea omittā: & alio quouis iuris or- dine non seruato: in eos vel fustigatione animaduertere, vel eos numaria pœna mulctare, aut ad catenā vinctos in horas statuen- das exponere: os impudentię prębituros contumelijs turbę circū- stantis, & conuicij, aut alia leuiori adficere pro modo culpę, & cō- ditione personę, nullo pręeunte processu. Ab his autem pœnis ex- cipimus dños, dñorūmq; filios, qui seruos proprios percusserint, vel percutiendo debiliores reddiderint: cōtra quos decernimus serua- ri quicqđ traditum est capite de seruorum excessib⁹ cōpescendis.

Quod percutientes & vulnerantes in carceribus
detineantur. Cap. XIII.



TRudatur in carcerem quisquis quempiā percusse- rit, vel vulnere adfecerit: si apprehensus fuerit, nec ante dimittatur, quā medicorum relatione vulnus mortiferū nō esse cōstiterit. Vtq; hoc fide- liter innotescat: mittat Magistratus duos medicos ad vulneratum visendum: Vnum physicum, & alterum chirur- gum:

gum: hiq̃ue duo iuncti eo cum chirurgo, qui vulneratum medebatur, visitent eum, & accuratè perpendant, sitnè vulnus mortiferum: nec ne. Et si omnes, vel duo saltem eorum iureiurando adacti testabuntur esse mortiferum: non dimittatur è carceribus: qui percussit: sin non esse testati fuerint: præstita approbata cautione de stando iuri: & iudicatum soluendo, liberetur. Idemque seruetur in Riparijs: & districtu: in quibus is medicorum numerus haberi poterit.

De electione Physicorum, & Chirurgicorum.
Cap. XIII.



T autem de Physicis, & Chirurgicis sit prouisum, qui percussos vel vulneratos visitant: Illustrissimus Dux, & Magnifici Gubernatores vnū Physicum, ex collegiatis eligant: & alterum Chirurgum, qui vnà cum alio vulneratum medente, se ad eum conferant: eaq̃ue omnia exequantur: quæ dicta sunt capite præcedenti.

De percutiente aduersarium suum. Cap. XV.



I quis litigans actor, vel reus aduersarium suum coram Magistratu de causa cognoscente per se, vel per alium percusserit: & ad percutiendum primus fuerit: ipso iure cadat à lite, & causa, pro eo, quod ad se, & sui præiudicium pertinet. Idem, si absente Magistratu percusserit, effuso sanguine: si effusus non fuerit: duplicentur percussori pœnæ statutæ capite de percutientibus. Procuratoribus autem alienas lites agentibus (si eos: contra quos agunt causas: corā Magistratu de eis cognoscente percusserint, & ad percutiendum primi fuerint) duplicetur pœna capite de percutientibus cōstitutura. Sed si mādato, vel cōsensu principalis factum fuisse probabitur: mulctetur etiā principalis

capalis:quēadmodum suprà de principali dictum fuit:præter pœnas contra percutientes,& vulnerantes constitutas.

De percutiente nuncium in citatione reali, aut verbali, vel iniuria adficiente. Cap. XVI.



Vi nuncium quaruncunque curiarum siue ciuiliū, siue criminaliū se citare volentē iniuria adfecerit, vel vim percutiendo:percutivē mādando intulerit, soluat quindecim libras vsque ad quinquaginta pro qualitate admissi & personæ: præter aliā pœnā constitutā capite contra percutientes,& iniuriā inferentes. Dictūmq; nuncij iureiurando adacti pro plena p̄batione habeat. Nihilōq; minus is:ea in cā pro citato habeatur: pro qua citari debebat, ac si corā citatus fuisset.

De impēlis vulnerato à vulnerāte reficiendis. Cap. XVII.



Oluat impensas vulnerato quisquis quēpiā percusserit, vel vulnerauerit:quas curādi vulneris gratia vulneratus quomodocūque fecerit, & quicquid dāni ex operibus intermissis, ac alijs quibuscūque propterea passus fuerit: prout ab vrbis Genuæ Prætore: & maleficiorum Iudice coniūctim æstimatū erit. Et hi deinde exequantur quacunque appellatione, reclamatione, & cōtradictione remota. In districtu vero æstimet Magistratus, qui de causa cognouerit, & exequatur.

De conuicium faciente.

Cap. XVIII.



Vi Magistratui, vel Officiali ordinario, delegatovē, aut arbitro, vel arbitratori cōuiciū fecerit, aut eorū quēpiā verbis iniuriolis adfecerit, vel ex causa eius, quod agūt, muneris eis fuerit comminatus, soluat quinquaginta libras vsque ad quingētas & ampli⁹ possit in bienniū relegari si pugno vel calce percusserit, non effuso sanguine: det vsque ad octim-

octingentas. Si in facie, vel in capite alapa, vel pugno cæciderit: det centū vsque ad mille arbitrato Magistratus. Si quo accedente armorū genere sanguinē effuderit, soluat vsque ad mille, & possit vsque in bienniū relegari. Si verò ex propolito, vel dolosē ferro percusserit: manus ei præcidatur. Et si in rixa, vel calore iracundiæ soluat trecentas libras vsque ad mille: & vsque in quinquenniū relegatur arbitrato Magistratus pro modo culpæ: & personarū conditione: habita in his omnibus semper ratione publici exēpli. Vbi verò ex percussione, vel vulnere membri debilitatio subsequatur: duplicet pœna delinquenti ex forma capitis de percutientibus constituta: luatq; corpore non habens in ære: bisq; terve fidiculis torqueatur, aut exulet in tempus arbitrato Magistratus statuendum. Omnes aut Magistratus aduersus huiusmodi delinquentes agere possint ad definitiuam vsque sententiam tantum. Sententiam vero ferat vr̄bis Genuæ Prætor, & exequatur: si Magistratus: qui læsus fuerit: ius dicit in vr̄be Genua. Sin in Riparijs, vel districtu: cōdat læsus processum duntaxat vsque ad definitiuam sententiam, nec pronunciet: eūmq; exinde ad Illustrissimū Ducem, & Magnificos Gubernatores transmittat, qui ministrari faciāt iustitiæ complementum. Si verò Prætori vr̄bis Genuæ illata iniuria fuerit: agat ipse in causa: examinetq; & cognoscat, ac definiat prout sibi videbitur: seruata tamen forma huius statuti: præterquam si pœna corpori irroganda foret: tunc autem, formato processu: cōsulat Illustrissimū Ducem, & Magnificos Gubernatores, & de eorum consilio iudicet.

Si ciuis Genuensis honestæ conditionis alteri ciui etiam honestæ conditionis fecerit conuicium, vel fuerit cōminatus: det quinque & viginti libras, vsque ad ducentas pro modo culpæ, & personarū conditione: & amplius annuo exilio possit mulctari, nisi pacē interea habuerit cū offenso. Sin ciuis humilioris conditionis alteri ciui honestæ conditionis: soluat triginta vsque ad trecentas: vel fustigetur: nisi intra triginta dies post condēnationē soluerit, aut bis fidiculis torqueatur, vel tres mēses seruetur in carcere pro qualitate admisi & personæ. Si verò humilis conditionis alteri
etiam

etiam humilis:decem pendat vsque ad viginti.Sed si horum quidpiam coram aliquo Magistratu vrbs Genuæ, vel districtus commissum fuerit, aut in foro publico dicto li Banchi, vel in sacris templis aut in Palatio Illustrissimi Ducis, & Magnificorum Gubernatorum, vel alio Magnificorū Protectorum cōperarum Sancti Georgij, aut in domo, vel ante domum habitationis offensus: duplicentur isti: qui deliquerit pœnæ: quæ duplicari possunt.

Doctori verò Genuēsi collegio adscripto si quis nec re, nec verbo iniuria adfectus, nec lacessitus iniuriam, vel conuiciū fecerit ex causa eius officij: præter alias pœnas cōstitutas soluat scuta quinque & viginti auri vsque ad centū: cedatq; dimidium fisco: reliquū doctorum collegio, vel ter fidiculis torqueatur, & credatur dicto doctoris cum iuramento: vnā cum alio teste fidedigno. possitque agi tam ad petitionem offensus: q̃ ex officio à quocūque Iudice causarum criminalium. Reus aut non prius audiat: quā se in carcerem cōstituerit: & in eo detentus causam dicat: ac se defendat. Si verò quempiā ex causidicis collegiatis iniuria adfecerit: nulla ipse lacessitus, sed ex causa duntaxat à patrocinio causarum proueniente: mulctetur quinque scutis vsque ad quinque & viginti: dimidiūque cedat fisco: reliquum causidicorum collegio: & pro cedatur summatim per Prætorem.

De extero: qui ciui Genuensi, vel districtuali extra urbem Genuam & districtum vim intulerit.

Cap. XIX.



SI alicubi extra urbem, & districtum quis exterius ciui Genuensi, vel districtuali iniuriā, vel offensā, aut vim in rem, vel in personā intulerit: isq; deinde ad urbem Genuā, vel ad loca districtus venire liceat vim passo, vel ei q̃ suorū iniuriā psequit: ea de re vrbs Genuæ Prætori, vel Magistratui districtus querelā facere, & cōtra eū agere. Prætori verò, vel Magistratui: eū capere: caput in carcerem tradere: & ex forma statutorum ius dicere: ac si

E delictum

delictum Genuæ commissum foret: & ex forma iuris communis punire.

De Furibus.

Cap. XX.



Vi valorē librarum quinque Genuensis monetæ, vel minus furatus fuerit: decem libras soluat, vel minus: pro modo culpæ: quantitate rei sublata, loco, ætate, & tempore. Ni soluerit intra decem dies post condemnationem: fustigetur vsque ad Sanctum Antonium. Si furtum quinque libras vsque ad decem excederit: det quinque & viginti, vel minus arbitrato Magistratus. Ni soluerit intra decem dies, fustigetur vsque ad Sanctum Lazarum. Si erit plus decem vsque ad quinque & viginti: fustigetur vsque ad sanctum Lazarum. Si plus quinque & viginti vsque ad quadraginta: auris sinistra amputatione plectatur. Si amplius quadraginta vsque ad quinquaginta: stigma candenti ferro inuratur in facie: quod celari non possit. Si supra quinquaginta vsque ad centum truncetur eis nares, & nota in facie inuratur, & si plus centum fuerit, furca suspendatur. Sed si furtum Genuæ intra portum commissum foret: vel in foro: ubi mercatores conueniunt dicto li Bāchi, aut in sacris tēplis: pœnæ numariæ duplicentur delinquenti. & si non soluerit: luat corpore. Omnes autem hæ pœnæ in primum delictum censeantur irrogandæ. Vbi verò quis plura commiserit: si de nullo mulctatus fuerit: recenseatur summa numariæ pœnæ pro omnibus commissis debita, & soluat: Ni soluerit: plectatur corpore. Idem si de aliquo fuisset mulctatus: dum summa omnium libras viginti quinque vsque ad quinquaginta non excedat. Quod si excederit: furca suspendatur. Et si coplures vnâ eadēmq; rem: copluresve res simul furati fuerint: quarum estimatio sit minor centum libris: vnusquisq; eorum vel eire mulctetur, vel luat corpore, quemadmodum supra dictum fuit. Sin maior, ita vt ad singulos pro rata parte vsque ad centum libras pertineret: triremibus in biennium vsque ad quinquennium macipentur. Et si ultra eas, laqueo suspendantur. Minores verò annorum viginti, & maiores sexdecim

decim, si furtum cō miserint, fustigentur, vel relegentur pro qualitate admissi, & personarum.

Manticularij furunculi, qui de nocte vestes: pallia, vel capitia à transeuntibus per vias surripiunt: vel de die confertè multitudinise inferentes marsupia vel secant, vel artificiosè surripiunt: in primum delictum triremibus in annum vsque ad triennium mancipentur. Et si rursus deliquerint, laqueo suspendantur.

Si quis alienā domum: vel apothecā, aut megacenum: vulgò magazenum appellatum animo furandi effregerit: quod præsumat, nisi probetur contrarium, & supra valorē decē librarum furatus fuerit, furca suspendat. Si intra decē, fustigetur, & remo addictus ad vincula nautica in biennium relegetur. Si effregerit, & trāseuntium metu, aut alio quouis percussus nihil abstulerit, fustigetur, & annum exul extra urbē & districtum: Sed si in horum aliquo viscum armis accesserit: quāvis nihil abstulerit, furca suspendatur.

Qui verò sciens ad hæc furta, & ad alia quæcunque supra memorata cōsiliū dederit, vel opem tulerit: eisdē poenis adiciatur: quibus principales diximus adiciendos. Hisq; omnibus in casibus restituat domino fur ablatum, si extiterit: & si non extiterit: quanti fuerit æstimatum. Idē ære, vel corpore delicti poenā pendat. Vbi tamen corpore luerit: seruetur in carceribus Malapagæ ad beneplacitum dānum passus: donec satisfecerit. Sed si summo supplicio erit plectendus: non differatur executio: propterea quod nō dum soluerit, sed fiat: restetq; actio dānum passo aduersus bona. Est autē summum supplicium (quā de eo multis in locis facta est: & facienda mentio) ad furcā dānatio: Item viui concrematio: quā quam summi supplicij appellatione meritō continetur: tamen eò q̃ postea id genus poenæ: præsertim hæreticis cōburendis: adinuentum est: posterius priori visum est. Item capitis amputatio: deinde proxima morti ad triremes perpetua relegatio. De furto autē extra ditionem Genuensem cōmisso nemo coerceatur: etiā q̃ Genuæ: vel in districtu rem surreptā contraxisset. Urbis tamen Genuæ Prætori: & quivis Magistratus in districtu: quādocunque fuerit requisitus: & summatim compererit rem surreptam extra di-

strictum apud furem in urbe Genua, vel districtu extare, vel extitisse: eū in carcerem trudit, & ad eam restituendum domino compellat, vel ad soluendum, quanti erit estimata. Vbi verò ea ciui Genueasi, vel districtuali surrepta fuisset: aduersus furē criminaliter agat. Qui verò rem furto sublata sciens emerit: in primū delictū: det duplum precij rei estimatæ: in secundum pendat triplum: & si tertio deliquerit: poena furti criminaliter plectatur, vel pecunia mulctetur: perinde ac si ipse furtum commississet.

Si seruus dñi suo, vel ei: qui ipsum pro seruo possidet: quicq̃ furatus fuerit: & nullū in furto adhibuerit sociū: non nisi ex dñi voluntate mulctet. Sed si quē adhibuerit: quisquis is sit (nihil. n. refert utrū sit seruus, an liber) mulctetur ex forma huius capituli: nec domini voluntas quod minus fiat: ei quicq̃ opis prestare tum quæat.

De committentibus furtum in seruo, vel serua. Cap. XXI.



Vi seruā, vel seruū domino fortim abduxerit, vel in domum suę habitationis fugitium receperit, vel occuluerit, aut post fugā ē domo domini sociauerit, vel quouis alio titulo alienauerit: furca suspendatur, & soluat domino precium serui duūm proborum virorū iudicio, quos Magistratus elegerit de causa cognoscens. Qui verò à tibia, vel à collo serui anulum ferreum dempserit præter domini voluntatem: soluat domino precium serui eo quo dictum est: modo estimandum, & amplius det fisco in poenā quinquaginta libras. Domino autem semper restet integrū, ac saluum dominium sui serui, vel seruę: Itēq; ius aduersus eum, qui deliquit: & eius bona: pro precio vniuscuiusque eorum, qui abductus fuerit. Et qm̃ horum probatio admodum difficilis redditur: vt facilius elucescat veritas: potestatem Magistratui facimus in prædictis omnibus agere, quēadmodum ei videbitur. Serua autem, vel seruus pro eo: quod attinet ad contenta hoc in capite, & duobus sequentibus: is censeatur: qui pro serua, vel seruo à quocunque est habitus, vel possessus.

De inducentibus ad fugam alienum seruum, vel
seruam. Cap. XXII.



Alterius seruam, vel seruum quisquis ad fugiendum induxerit, aut ab vrbe, & districtu fugientē terra, marive asportauerit præter domini voluntatē: det centū libras, vel præcidatur ei manus: si intra dies triginta post condēnationē non soluerit. Seruo aut stigma inuratur in maxillas: si redactus erit in domini potestatem. Eadēq; pœna adficiatur: qui dum horū quēpiam asportaret: deprehensus fuerit. Nec cuiq; domino nauigij quātum vis magni, vel parui liceat absque schedula dñi seruorum subscriptione: & sigillo munita seruam, vel seruam id intra recipere. Si receperit: det fisco in pœnā centū libras, & amplius dño dimidiū, quanti seruus, vel serua æstimabitur. Qui verò seruum, vel seruā decē millia passuum ab vrbe Genua, vel in districtu amplius viginti à domini habitatione distantem: schedulāq; modo dicto nō habentem inuenerit: & captum, vel captā domino tradiderit: habeat ab eo decē libras, & si capti extra districtum fuerint, viginti. Cogaturque ad solutionem confestim à Magistratu: qui in his summatim agat sine libello, & pignore banni.

De seruorum excessibus compescendis. Cap. XXIII.



Si seruus de nocte domū ciuis Genuensis adiens, vel alterius bonæ famæ Genuæ habitantis actus in ea minus honestos egerit, vel suspectos dicto vnus testis: alij verisimilibus accedentibus coniecturis, & ab eorum aliquo, vel ab alijs eorum mandato ea ipsa in domo, vel circa eā vulneratus fuerit, aut occisus, extra noxam sit & pœnā: qui fecit, vel fieri mandauit, nec nisi ad soluendum precium serui cogi possit, idque ad libras vsque quinquaginta. Domum autem adijisse intelligatur, qui ad hostium domus accesserit, vel porticum in-

gressus fuerit, aut per scalas ascenderit, vel ostium domus, aut fenestras pulsauerit. Si ciuem Genuensem seruus inermis fuerit adortus, & citra mortē à ciue percussus, vel vulneratus, aut membro aliquo debilitatus, nulla pœna ciuis adficiatur: Sed si mors ex vulneribus subsequetur: arbitrato Magistratus puniatur: præterquàm corpore. Si verò armatus in ciuē insilierit: & seruus occisus fuerit: nulla pœna ciuis mulctetur. Si dominus serui baculo, aut alio instrumento ferrum non habente per se, vel per alium seruū verberauerit: nullam pœnā subeat: quanuis ob hoc seruus deinde se vel dedisset præcipitem, vel sibi manus inieciisset, vel membro aliquo esset debilitatus, vel mortuus. Sed si ferro percusserit percussivē mandauerit: propter quod seruus interierit: arbitrato Magistratus mulctetur: præterquàm corpore pro conditione personæ. Si seruus cum: à quo mandato domini vapulauit, vel dominum, aut domini vxorem, vel liberos percusserit: aut in eorum quempiam manus iniiciens ab eis: vel ab alijs tunc percussus, vel occisus fuerit: idq; ita esse dominus probauerit dicto eorū: qui tum: cū facinus patraretur erant in domo, siue serui sint, siue liberi quantumuis domestici, vel coniuncti: etiam à iure prohibiti testimoniū dicere (nam hos omnes ad huiusmodi facinoris probationem admitti volumus) nulli pœna sit ipse: nec qui eius mandato fecerit, obnoxius: Sed si non probauerit: arbitrato Magistratus mulctetur præterquàm corpore. Quisquis autem præter hos quos memorauimus casus; aliosq; à iure prohibitos alienum seruum interfecerit: luat ære, vel corpore, aut summo adficiatur supplicio, vel ad id vsque pro modo culpæ: & amplius soluat precium serui dicto domini iureiurando adacti vsque ad libras centumquinquaginta. Si verò duntaxat vulnerauerit: det dimidium pœnæ: qua, si hominem liberum vulnerasset, mulctari debuisset. Sed si seruus liberum percusserit, vel citra mortem vulnerauerit: quouis supplicio citra mortem plectatur arbitrato Magistratus pro qualitate admissi. Et hæc omnia de genere fœminino etiam dicta intellegantur.

De Rapinis.

Cap. XXIII.



Vi dolo, vel vi, inermis, vel armatus à Coruo vsque ad Monacum, & à lugo vsque ad Mare, ac in toto dominio Genuensi rapinā cōmiserit in via publica, vel qui alienā domū, aut ædificiū ad rapiendum inuaserit tanq̃ viarum aggressor: & hostis publicus ad caudā equi tractus furca suspendatur, & bona publicentur. Eadēmq; poena plectatur quisquis ad actum facto proximū peruenierit: quanuis non consummauerit: si per eum: quò minus cōsummaret: non fletur. Si verò armatus, vel inermis vi quidpiā abstulerit extra viā publicā: cuius æstimator sit supra quinque & viginti libras, furca suspendatur. Sed si intra eas: centum soluat vsque ad trecentas, vel exulet extra urbē, & districtum, aut triremibus mācipetur in triennium arbitrato Magistratus. Hisq; omnibus in casibus restituat ablatum, vel eius æstimationem.

De Sacrilegis.

Cap. XXV.



Visquis in Templo, vel Sacrario, aut quouis alio loco sacro, in quo res sacræ seruari cōsuevere: earum quidpiā furatus fuerit, conuictus dānetur sacrilegij, & furca suspendatur. Si quis autem tabernaculum Eucharistiæ cum Eucharistia furatus fuerit, vel aliud quodcunque vas, in quo seruetur Eucharistia, manus ei amputetur: muliq; ad caudā tractus in loco supplicij consueto furca suspendatur. Quod si rē non sacrā, sed cultui diuino dicatā: veluti thuribulum, crucem, missale, antiphonarium, breuiarium, ornamenta altaris, vel indumenta sacerdotalia, quę vulgariter paramenta dicuntur, vel alia his similia in sacrario, vel loco sacro, aut alio loco, in quo seruari consuevere, vel in templo, dolo surripuerit, & precium sit intra libras quinque: in primum delictum fustigetur. Si rursus deliquerit: præcidantur ei aures: iterūque fustigetur. Si excesserit quinque vsque ad decem: fustigentur, & aures amputentur. Si plus decem

decem vsque ad viginti, fustigetur, & triremibus mancipetur in annum, & si amplius viginti, furca suspendatur.

Quòd incolæ locorum Genuensis ditionis teneantur ad damna illata in suis territorijs. Cap. XXVI.



In aliquo locorū territorij Genuensis à Coruo vsque ad Monachum: & à lugo vsque ad Mare, vel vltra lulum quis iter facienti quidpiā prædatus fuerit: cogantur protinus incolæ municipiorum, & aliorum quoruncunque locorū ditionis Genuensis: in quibus fuerit admissum facinus ad restitutionem ablati: Itémq; ad soluendū sumptus: & damna, quæ propterea iter faciens passus fuerit: postquā siue per inquisitionē, siue ex officio, siue alio quouis modo Magistratus de maleficio constitit: & his incolis, seu iudici apud eos iudicanti delictū fuerit denunciātū: quocunque alio non obstante statutorum præterquā si eos, qui deliquerint, vel eorū aliquos intra octo dies à delicto cōmissio in Magistratus tradiderint potestātē. Tunc autē ad nihilum teneantur: quin potius (si quid ad furtū deregendum ab eis fuisset impensum) habeant actionem aduersus eum, qui deliquit: & bona, ac contra quencunque alium: qui, vel illum hospitio recepisset, vel ope aliqua iuisset post denunciationem rapinæ: de qua verisimiliter ad eum notitia potuerit peruenisse. Prætor autem maleficorūmq; iudex in vrbe Genua, vel alius Magistratus in districtu ad veritatem inquirendam: & ad eum, qui deliquit, & ad alium, qui recepit, capiendum: eorūmq; bona inquirendum in prædictis omnibus ex mero officio summatim agant, vt municipiorum, vel aliorum locorum indemnitati: quæ damnum in suo territorio illatum præstiterint, sit prouisum.

Si ciuis Genuensis, vel districtualis alicubi extra districtum cuiuspiam: qui hostis non sit Reipublicæ: quid terra prædatus fuerit: conuictus dānetur ad ablati restitutionem, & amplius ad soluendum tantundem fisco. Nec maiori pœna mulctari queat: quanvis ex forma alicuius sanctionis fortē aliter cautum foret: nisi rapina

pina

pina in ciuem Genuensem, vel districtualem esset cōmissa. Tunc autem plectatur, ac si Genuæ facinus esset admissum, si vbi deliquit: de eo mulctatus non fuisset. Si verò quis terra, marive mortalium quempiā fecerit captiuum, vt eum ad se redimendum cogeret: inquirat veritatem iudex ex officio modis omnibus, & inuenta: summo supplicio criminis conuictū adficiat, nisi captus: Reipublicę hostis esset, vel pirata.

Quòd nemo piraticam exerceat, nec furetur in littore maris. Cap. XXVII.



Nemo ciuium Genuensium, vel districtualium, aut subditorum quomodocunque dominio Genuensi audeat qualecunque genus nauigij ad exercendum piraticam instruere, vel armare, nec ab alijs armatum, vel instructum conscendere. Qui contrafecerit: laqueo suspendatur: & ad ablatis restitutionem teneatur: nisi probauerit coactus fecisse, aut Illustrissimi Senatus permissione.

Qui à Coruo vsque ad Monachum in littore maris rapinam commiserit intra quinque & viginti libras: duplum præstet damnum passo, & tantundem fisco intra dies quindecim post condemnationem. Ni soluerit, manus ei præcidatur, & si eas excesserit, summo supplicio adficiatur.

De recipientibus Piratas, vel Prædones. Cap. XXVIII.



Nemo Genuensium ciuiū, vel districtualiū cuiusuis conditionis: etiam corpus, vel collegium, aut incolarum cuiuscunque municipij vel castelli, à Coruo vsque ad Monachū quodcunque genus nauigij piratę, vel prædonis quantūmvis magni vel parui: etiam actuarioli, quod fragatam vocant: eorū in portu, vel litto-
re, aut eius hominū quempiam in terram recipiat, cibaria præstet,
vel præ-

vel præstari permittat, aut quid ei armorum vendat, vel cōmodet, aut vendi, vel cōmodari permittat, vel opem ferat, aut fauorē præstet. Qui contrafecerit: si priuatus erit: in pœnā quinquaginta libras: positiq; etiā corpore plecti. Si municipiorum, vel castellorum incolæ: centum præstent vsque ad quingentas: & amplius arbitratu Magistratus: nisi constiterit eòs: nè quod istorum nauigiorum genus in portum, vel littus, nève quis hominum eius in terrā reciperetur: prohibere potuisse. Et si horum aliqui essent eiusmodi: qui ad soluendum cogi à Magistratu Genuensi nō possent: Urbis Genuæ Prætor: quodcumque fuerit requisitus: & eorum aliquos Genuæ, vel in districtu vagari cōpererit: omnes apprehendi iubeat: & in custodia carcerum seruari: donec fisco de his pœnis fuerit satisfactum. In quibus irrogandis consulat Illustrissimum Ducem: & Magnificos Gubernatores: & prout iniunxerint: ita mulctam irroget.

De præstantibus fidem publicam Prædonibus. Cap. XXIX.



Visquis à Coruo vsque ad Monachum habitans: & à Nouis, Gauio, Palodio, Capriata, vel alijs in terris dominij Genuensis citra, & vltra Iugum, vsque ad Mare: in aliquo locorum: in quo ipse degat piratā vel prædonem: qui Genuensi, vel districtuali quidpiā fuerit prædatus: sciens receperit, vel recipi mādauerit, aut permiserit: quivē eis: eorūve cuiq; fidem publicā dederit: in solidum teneatur ad satisfaciendum Genuensi vel districtuali quicquid damni prædo: vel pirata vnicuique eorum intulerit. In pari enim causa habendi sunt: qui cū adprehendere latrones possent: dimiserunt. Urbis igitur Genuæ Prætor: & quivis alius Magistratus in districtu: quodcumque ab aliquo: cuius inter sit: fuerit requisitus, bona istorum: qui receperint, vel fidem publicam dederint: quę in vrbe Genua, vel in districtu esse cōpererit: sequestro tradi iubeat: eosque (si adprehendi poterunt) etiam detineri, & ex officio intra tempus statuendum cogat summatim sine libello, &

lo: & pignore banni ad soluendum damnum pafsis, vel eo elapfo: prouideat vt eis de bonis fequeftro traditis fatifiat: omni remota exceptione.

De ijs: qui de ære, vel re aliena aliter difponunt: quàm dominus ftatuit, vulgariter baratariam committentibus appellatis. Cap. XXX.



Voniam nōnunquam contingit, vt is, apud quem quid bonorum, vel pecuniæ eft cōmendatum, aut depofitū. vel ad perferendum traditum: id aliter difponat, quàm dominus ftatuit, & dubitatum eft: nunquid per inquisitionem: an denunciationem, an accusationem furti agi poffet: hāc dubitationē volentes tollere: sancimus pœna extraordinaria nem perire, vel pecunia hunc effe multandū. Furti autē actionē ei duntaxat cōpetere: qui aut cōmendauit, aut depofuit, aut ad perferendum tradidit: eius vè hæredi ipfo nō fupervite. Proinde, fi horum quis ea volet agere: Magiftratus ius dicat ex lege communi. & in conuictum criminis animaduertat: quemadmodum in ea de finilibus cautum eft: dum neque legi cōmuni, neque municipali propter accusationem quid incrementi, vel decrementi accedat.

De Monetis,

Cap. XXXI.



Nterdictum omnibus efto in Genuenfi dominio quicquam monetæ cuiufcunque generis per fe, vel per alium cudere: præterq̃ Genuæ in æde monetaria habentibus facultatem ab Illuftriffimo Senatu. Qui non paruerit: capite plectatur, & igni comburatur: quanvis nihil vitij fit in moneta excuffa. Eadēq; pœna adficiatur: quifquis quid adulterinæ monetæ conflauerit, vel cuderit, aut conflare, vel cudere ceperit, vel, vt conflatur, aut cudadur curauerit, vel opem ad id faciendum præftiterit: aut cū prohibere poffet: non prohibuerit. Item qui horum cuiquā adfuerit: vel

vel de eo notitiā habens: intra quatuor & viginti horas: si Genuæ erit: sin in districtu: intra octo dies Magistratui non detulerit: & amplius bona vniuscuiusque eorum publicentur: cedantque fisco duę tertię partes reliqua accusatori. Domus autem: in qua hæc facta fuerint (si ad eorum: qui deliquere: quempiam pertinebit) demoliat, & solo æquetur.

Qui verò auro, vel argento quidpiū eris monetati ilinierit: animo expendendi, quod præsumat, nili probetur cōtrariū plectatur corpore, vel summo supplicio, aut ad id vsque, vel pecunia mulctetur: arbitrato Magistratus pro qualitate admissi. Eadēq; pœna adiciatur, qui numos aureos, vel argenteos radendo, vel tingendo, aut alio quouis modo deteriores in pondere reddiderit. Et amplius in bonis eius ducentas libras vsque ad quingentas is cōsequatur: qui eum vel accusauerit, vel detulerit, si accusatus, vel delatus eo de crimine conuictus fuerit. Sed si nulla bona extarent, aut si qua extarent: ere alieno deducto, nihil esset reliquum: quinque & viginti libris vsque ad centum tunc à Magnificis Procuratoribus donetur. Typos verò ad imprimendū, quos hodie formas vocāt, vel quos ad eos formandos vulgariter Spontonos dicunt, siue in dominio Genuensi, siue extra facientibus bona publicentur, & summo supplicio adficientur, vel ad id vsque plectantur arbitrato Magistratus. Eodēq; genere pœnę quicumque adficiatur: in cuius habitatione vel forcipes ad tondendum, vel crosoli, aut furnuli ad conflandum, aut quid aliud instrumentorū ad hæc aptorum inuentū fuerit. Nam vniuersis hæc oīa interdicta esse volumus, fabris exceptis, hmoi instrumentis in suis artificijs vtentibus, quos hisdem pœnis (si deliquerint) etiam mulctandos sancimus.

Adulterinę autē monetę siquid ad quempiam perueniet, id confestim vel ipse incidat, vel ab alio incidi faciat. Id ipsumq; præstet collyuista, seu (vt aiunt) campfor, aut argentarius faber, eo etiam inuito, à quo id monetę quomodocunque accepisset. Si secus fecerint, soluat vnusquisque eorū quinque & viginti libras vsque ad centum, quoties deliquerit. Qui verò quinque libras adulterinę monetę expendisse fuerit cōpertus, vel apud eum valor inuentus, det

det quinque & viginti vsque ad trecentas arbitrato Magistratus.

Quisquis, siue Genuensis, siue districtualis, siue exterus: sciens quicquàm monetę cuiuscunque generis ab officialibus ediçto prohibetæ: ad urbem Genuam, vel districtum adportauerit: monetæ amissione mulctetur: fiscoque moneta inferatur: & amplius det in pœnam quingentas libras vsque ad mille quingentas pro qualitate personæ. Si quis aut quid exteræ monetę cuiuscunque generis: quę nouiter sit excussa supra decē libras adportauerit in vrbe Genua, vel districtu: adeat officiales monetæ anteq̃ expendat: vt precium statuunt: eoq; statuto: postea expendat. Si secus fecerit: fisco moneta publicetur: ipse autem damnum farciat: quibus eam soluerit: & amplius numaria pœna mulctetur arbitrato officialium pro qualitate personæ: & quantitate monetę.

Qui verò monetam adulterinam ad urbem Genuā, vel districtum sciens apportauerit, si erit supra decem libras: capite plectatur. Si intra & sit exterus, qui attulit, ad triremes relegetur in quinquennium vsque ad decennium. Si districtualis, vel Genuensis, perpetuo mulctetur exilio: vel in quinquennium remo addictus ad vincula nautica mancipetur. Verum si eam ipse excudere fecerit, aut opem, vel fauorem ad id faciendum præstiterit: summo adficiatur supplicio. Præsitque his cognoscendis omnibus Magistratus officialium monetę, & hac sançtione seruata, iudicet, ac statuatur ex forma sibi tributę facultatis.

De conficiente falsum instrumentum, vel acta. Cap. XXXII.



Aior annis viginti: si falsum instrumentum, vel actorum publicorum quidpiam sciens cōfecerit, conficive curauerit: manus ei præcidatur, ac perpetuo exulet extra urbem Genuam & districtum, dimidiumque bonorum inferatur fisco, & amplius lēso soluat sumptus, ac quicquid damni propterea ei obuenierit. Eadēmq; pœna adficiatur quisquis in instrumentis, actis, sententijs, libris Reipublicę: alijsque comperarum sancti Geor-

F gij, aut

gij, aut alterius comperę, vel cuiuspiam publici Magistratus: quę à Notario publico scribuntur, quid falsi scripserit, vel signauerit, aut animo falsum cōmittendi scribendū omiserit, vel scriptū raserit, aut deleuerit, & post rasuram, vel deletionem aliud superinduxerit: nisi eius, qui cōfecit, vel rogauit: notarij manu de deletionem, vel rasura, & verbis superinductis in actorum calce, vel rationum libris testatum fuerit. Tunc autem nulli sit pœnæ obnoxius.

De producente falsum instrumentum, vel acta. Cap. XXXIII.



SI quis coram Magistratu ordinario, vel delegato, aut arbitro, vel arbitratore: dum causam agit, accusando, denunciando, excipiendo, vel defendendo, instrumentum, sententiam, vel quid actorum publicorum, quod falsum sit, aut quicquam in eo per falsitatem additum, diminutū, deletum, vel abrasum sciens per se, vel per alium protulerit, vel restium quempiam: quem ad falsitatem dicendam instruxisset, vel induxisset, vel instrui, aut induci ab aliquo curasset: produxerit: horumque aliquo vsus fuerit: ipso iure cadat à causa: luisque iuribus omnibus: & actionibus, ac defensionibus, & in duplum eius: de quo agebatur dānetur. Item ad soluendū sumptus læso, & dāna, quę propterea passus fuerit. Eademq; pœna mulctetur procurator: si horū quidpiam: in scio principali: sciens ipse cōmiserit: & amplius sit infamis, ac in perpetuum procurationis officio abdicatus. Si verò post sententiam latam à iudice ordinario, vel delegato, aut ab arbitro, vel arbitratore: de horum aliquo constiterit: ipso iure sit sententia nulla: nec illi obsit: aduersus quem lata fuit. Nihilo tamen minus puniatur modo dicto: qui deliquit, & si minor fuerit annis viginti: arbitrato Magistratus mulctetur.

De

De conficiente & producente falsam scripturam
priuatam. Cap. XXXIIII.



Vi dolo in priuatis scripturis alienum chirographū fuerit imitatus: quive in eis quid falsi commiserit, aut committendum curauerit, vel in rationum libris: etiā proprijs: per se, aut per alium scripserit, vel chartas, aut quinternos mutauerit, interleuerit, deleuerit, abraferit, superinduxerit, vel, ut veritas non appareat, quid cælauerit, aut subiecerit, horūve quidpiam in causa ciuili, vel criminali sciens protulerit, aut eorum aliquo vsus fuerit: ipso iure cadat à causa: & tantundem det fisco in pœnam. Omnesq; in solidum parti aduersæ reficiant impensas, & damna, & amplius pro qualitate admisi criminaliter arbitrato Magistratus mulcentur: sintq; perpetuò infames: & eorum scripturis: pro eo: quod eorum cederet vtilitati: nulla fides adhibeatur. Qui verò in syngrapha, vel apocha alienum chirographū imitatus: falsum commiserit: præter memoratas pœnas appositas: possit etiam vel corpore citra mortem plecti, vel ære mulctari pro qualitate admisi: arbitrato Magistratus.

De perhibente falsum testimonium. Cap. XXXV.



Vi in iudicio, vel coram Magistratu ordinario, vel delegato, aut arbitro, vel arbitratore de veritate dicenda interrogatus: & iureiurando adactus falsum testimonium perhibuerit: si causa ciuilis erit: fustigetur per urbem: & nares ei præcidantur: Si criminalis, & idcirco dixerit, ut quis damnetur: ea pœna ipse mulctetur: qua is debuisset: contra quem testatus est: si deliquisset: dum minor non sit nasi truncatione. Sed si ideo dixerit: ut, qui deliquit, absolueretur: ea pœna tunc plectatur: qua, qui deliquit: plectendus erat: modò minor non sit narium præcisione. Amplius tam

is, qui testimonium falsum perhibuit: quàm qui cum sciens produxit: eoq; vltus fuit: ambo actione reali, & personali teneantur insolidum ad reficiendum læso impensas & damna: quæ passus fuit. Nec vlli: qui testem producet: liceat quicquam pecuniæ ei dicendi testimonij gratia elargiri, aut de ea largienda obligationem, vel pactionem cum eo inire: Nec testis etiam quid possit accipere præter id, quod ex operarum intermissione, aut impensarum itineris refectione iure ei obueniat. *Qui contrafecerit: mulctetur arbitratu Magistratus pro qualitate rei: & personarū cōditione.*

De illo: qui mutato nomine falsum instrumentum condere fecerit. Cap. XXXVI.



Visquis falsi nominis, vel cognominis, aut loci asseruatione: siue mas, siue fœmina fuerit: instrumentum, vel quicquid aliud scripturarum publicarum falsum reddiderit, aut faciendum curauerit: lingua præcidatur ei: omnibusq; publicis abdicetur officijs, ac duplo eius mulctetur: quod in instrumento, vel scriptura publica fuerit appositum. Cedatque dimidium fisco: reliquum ei: in cuius præiudicium instrumentum, vel scriptura publica fuerit condita.

De falsificante sigillum vel literas Principis. Cap. XXXVII.



Qui nomine Illustriss. Ducis, & Magnificorum Gubernatorum, vel Procuratorum literas, vel quasunque scripturas falsas reddiderit: falsò mutauerit, vel qd falsi in eis cōmiserit, aut sigillum falsificauerit: furca suspensus igni comburatur. Eadémque pœna adficiatur: qui literas, vel scripturas, aut sigillum Magnificorum Protectorum comperarum sancti Georgij falsificauerit, vel quid falsi in eis commiserit.

De

De nuncio falsam relationem faciente. Cap. XXXVIII.



Apparitor, quem vulgò hodie nuncium publicum vocant: vel qui gerit personam apparitoris, aut qui pro apparitore habetur: si quempiam se citasse falso rulerit: aut quid actorum: vel causarum curiæ alicui dixerit intimasse: quod non intimauerit: det quinque & viginti libras usque ad centum: quoties deliquerit. Et si intra decem dies non soluerit: suffligetur per urbem & extra eam relegetur usque ad biennium: nec amplius ad dictum officium admitti possit. Soluat etiam læso sumptus & damna: & irritum sit: quodcunque à Magistratu ob eam relationem factum fuerit, vel decretum.

De Notario periuro.

Cap. XXXIX.



Notarius: qui periurij repulsam tulerit: vel alio quouis modo ratione sui officij periurus inuentus fuerit: in perpetuum notariatus abdicetur officio: nec vlllo tempore restituatur. Si Magistratus secus fecerit: det in poenam quinquaginta libras. Siq; restitutio irrita, nec profit restituto.

De iurantibus scripturas factas, seu scriptas, à se factas, vel subscriptas non fuisse. Cap. XL.



Si coram ordinario, aut delegato Magistratu, aut arbitro, vel arbitratoribus, seu alijs bonis viris, vel propinquis electis, aut à quouis Magistratu constitutis quis iuramento adactus scripturam prolatam manu sua scriptam esse, vel subscriptam negauerit, & dicto testium, vel alijs qui bus suis scripturis arbitrato iudicis de causa cognoscentis periurij fuerit conuictus: sit: & esse censeatur periurus: & succubuisse in

causa: feraturque sententia secundum eum: qui scripturam protulit. Urbis autem Genuæ Prætor: malefactorumque iudex ubi ad eos: vel ad eorum alterum delatum fuerit: hunc modo dicto esse periurum: mulctent eum centum libris vsque ad trecentas fisco inferendas pro qualitate causæ, & conditione personæ.

De consulente produci falsum instrumentum, vel publicas scripturas. Cap. XLI.



SI cui quis sciens consuluerit falsum instrumentum, vel quid publicarum scripturarum: quod sit falsum edere, vel coram iudice, aut arbitro, vel arbitratore proferre, aut iudicem corrumperere, ut secundum eas ferat sententiam: perpetuo exulet extra Genuense dominium. Et si Procurator erit, ipso iure sit abdicatus procurationis officio. Si iureconsultus: aduocationis. Si iudex, iudicandi, & amplius vnusquisque læso reficiat sumptus, & damna.

De Incendiarijs.

Cap. XLII.



Quisquis intra urbem Genuam, vel in districtu intra oppidum per se, vel per alium dolo domum incenderit, capite plectatur: & damnum sarciat, ac bona fisco inferantur. Si apprehensus non fuerit: huius criminis damnatus extra urbem & districtum edicto exul publicetur. Si extra urbem Genuam, vel in districtu extra oppidum ignis in villam, vel casam immissus fuerit, nec conflagrauerit, præstet damnum, qui immisit, & fisco det quingentas libras vsque ad mille. Ni soluerit intra decem dies post condemnationem: perpetuo exulet extra urbem, & districtum, vel remo addictus ætatem agat in vinculis nauticis. Si tota domus, vel pars combusta fuerit, summo adficiatur supplicio, & damnum sarciat. Eisdemque pœnis plectatur: qui

extra

extra domum, vel casam per se, vel per alium ignem dolo malo aliquem in locum immiserit: è quo in domum, vel casam alterius incendium irrepserit, & totam, vel partem combuserit. Vbi verò culpa, vel fortuitò, citra dolum sequatur incendium, damnetur reus, & mulctetur ex forma iuris.

Alienam terram cultam, in qua sint fructus, si quis incēderit det in poenam quinquaginta libras, & læso duplum damni Si eius culpa citra dolum in eam ignis infilierit, sarciat damnum, & fisco det decem libras. Si verò per se, vel per alium dolo malo ignem in terras incultas immiserit, è quibus incultam irrepserit, idem præstet, ac si incendisset.

Syluestrem terrā, vel pratēsem, aut alterius qualitatis incultam qui incenderit, præstet duplum damni, & fisco det decem libras vsque ad centū, vel virgis cædatur per urbem, si intra dies triginta post condēnationem non soluerit, aut in annū vsque ad triennium ad triremes relegetur. Si verò eius culpa citra dolum ignis in eam irrepserit, damnum reficiat, & fisco det decem libras.

Amplius, his omnibus in casibus, vbi quis ex incendio interierit, vel læsus in aliqua parte corporis fuerit, aut tota domus, vel pars conflagrauerit, eius bona fisco inferantur, cuius culpa, vel ope, aut suasionem, vel consilio incendiū factum fuerit. Et qm̄ incendiorū probatio admodum difficilis redditur, ac satisfactio, cū eorum vitio, qui noctu & occultè per se, vel per aliū incendunt, tum puerorū, qui ætate excusantur, vel domesticorum, aut familiarū, à quibus, cū nihil in bonis possideant, durum est, quod non habent extorquere, his omnibus occurrere volentes, quo facilius veritas prodeat, & cautum sit damno adfectis: potestatem facimus vrbis Genuæ Prætori, & alijs Magistratibus, ad quos pertinet de his cognoscere, quandocunque eis videbitur, etiam per præsumptiones, & indicia arbitratu boni grauisque viri malefactorem cogere, ac patrem pro filio, & dominum pro famulo, totaque eius familia, & eorum vnumquenque, qui incenderit, ad damni refectionem coercere.

De

De accusantibus, vel denunciantibus dolo, vel per calumniam. Cap. XLIII.



Vicunque dolo malo, vel per calumniā quempiam apud Magistratum reum criminis fecerit: vel denunciauerit: conuictus det in pœnam decem libras vsque ad quingentas arbitrato Magistratus fisco inferendas.

De conuenticulis, & coniurationibus non ineundis. Cap. XLIIII.



Vicunque in vrbe Genua, vel dominio Genuensi conuenticula, vel coniurationes, aut scœdera (quæ vulgariter ligæ dicuntur) inierint, aut ad ea ineunda consilium opémve præbuerint: quive Notarius publicum scriptum: vel quiuis alius priuatum de horum aliquo confecerit: aut in eo conficiendo se interposuerit, vel immiscuerit: soluat eorū quisque in pœnā quinquaginta scuta auri vsque ad quingēta p qualitate admissi, & cōditione personę.

Si quis aut horum pugno, vel alapa in facie quempiam cœderit: præter dictā pœnam: & alias capite de percutientibus constitutas: extra Genuā: & districtū possit in trienniū relegari. Si percusserit: effuso sanguine: possit præter dictas pœnas etiā pecunia mulctari, vel corpore plecti, aut summo supplicio adfici, vel ad id vsque pro qualitate admissi & personæ: dum ratione mortis inferendæ: vbi ea ex forma nostrarum sanctionum: vel iuris irroganda non foret: Prætor & Iudex Illustrissimum Senatum consulat: eiusque de ea consensum obtineant. Quod si percussus ex vulnere interierit: omnes scœderati præter memoratas pœnas bonorū amissione mulctati censeantur: nisi aliquis eorum hunc, qui occidit: intra annū Magistratui tradiderit, aut alio modo is intra id temporis in eius venerit potestatem. Interim tamen non differatur bonorum apprehensio: propterea quod anni terminus: his ad se exi-

se eximendum datus: nōdum sit elapsus: sed procedatur ad eā: & exequutioni mandetur confestim: deponanturque bona apud Magnificos Procuratores, & disponantur modis: & formis contentis cap. sub rubrica si quis ex pluribus obligatis pacē ruperit. Nec quisq̃ audeat istis in casibus pro horum aliquo intercedere, vel ei patrocinari absque Illustris. Ducis, & Magnificorum Gubernatorum consensu, aut in districtu, eius iudicis, qui de causa cognoscit. Qui secus fecerit, scutis quinque & viginti auri mulctetur.

Qui verò cū pluribus exilibus ad mortem damnatis, aut aliquocunque modo corpore plectendis coniurauerit, vel cōspiraue- rit, aut tentauerit, vel tractauerit, vt armati vnā cum alijs: qui nō sint exules: territoriū Genuense ingredientiē damnum inferant vicis rusticis, vel pagis, aut oppidis, vel municipijs, aut modo aliquo Reipublicæ noceant, vel detrimentū adferant: puniatur sicut rebellis, siue fuerit, siue non fuerit illatum damnum. Si verò, vt cuiquam priuato det damnum: fecerit: plectatur capite: quanuis non dederit: & si dederit: plectatur vt dictum est: & sarciat pallsis.

De Notario celante scripturas.

Cap. XLV.



SI Notarius quid publicarum scripturarum: quod vel ipse rogauerit, vel alius condiderit: cuius edendi potestatem habeat: quodque edi iure debeat: eum: cuius interest: cælauerit, aut oblato præmio cōsuetō edere, vel exhibere recusauerit: det in pœnam centum libras, ac læso sarciat impensas & damna: sitque ipso iure in annum Notariatus officio interdictus. Si rursus deliquerit, eo in quinquēnium iterum interdiciatur, vel priuetur pro modo culpæ arbitrato Magistratus: læso autem (vt dictum fuit) soluat impensas & damna.

De

De Notarijs non indicantibus legata, institutiones, & substitutiones factas pijs locis. Cap. XLVI.



Rodant Notarij ijs, ad quos pertinet: quicquid bonorum: quod hæredis instituti, vel substituti, aut legati nomine in testamentis, vel codicillis in Genuensi dominio conditis testatores eis piè reliquerint, vel legauerint, vel erogauerint, aut ab eis erogandū statuerint, & speciatim officio suffragij pauperum: Misericordiæ, Hospitali sanctæ Mariæ Pāmatoni, vel incurabiliū; aut quibusvis alijs sacris locis, vel pijs. Idque scripto intra duos menses post obitum testatoris, & debita mercede recepta, quando cunque fuerint requisiti: tradant eis horum exemplar authenticum. Ni fecerint: det contrafaciens fisco in pœnam quintam partem eius: quod in quocunque non indicato erit adpositum, & ad nullum vtilitatis, vel honoris officium promoueri amplius queat. Eadēque pœna teneantur hæredes, qui notitiam habuerint.

De instrumētis, & scripturis nō vēdendis, nec emēdis. C. XLVII.



Vi præter consensum notariorum Genuensis collegij instrumenta, vel acta publica, aut protocollos, vel scripturas, aut libros publicos manu Notarij scriptos per se, vel per alium vendiderit, emeritve: soluat fisco in pœnam quinque & viginti libras vsque ad centum: quoties deliquerit pro qualitate scripturarum, & conditione personæ: cedatque dimidium accusatori: & sit sub secreti sigillo.

De bonis delinquentiū apud sequestrū collocādis. Cap. XLVIII.



Vandocunque de maleficio ageretur aduersus quempiā: propter quod sit supra centum libras mulctandus: iubeat Magistratus de causa cognoscens eius bona apud sequestrum collocari: deque eis inuentarium fieri: donec idoneè cauerit: &

cauerit: & si cauerit, liberentur. Sed si delictum esset eiusmodi, vt omnia confiscari deberent: cōfestim inchoato processu, ne distrahantur: ad fisci requisitionem ea apud sequestrum mandet collocari: donec sit definitè pronunciatum.

De poenis quæ imponi, & exigi possunt sine processu.
Cap. XLIX.



E pro minimis delictis rei supra poenam grauentur expensis: quæ in solemnitatibus iuris, vel statutorum seruandis contingunt: potestatem facimus vrbi Genuæ Prætori: & maleficiorum Iudici in quocunque delicto: propter quod non sit irroganda poena supra nouem libras: procedendi absque processu ad condemnationem, & exactionem: dummodo fisco inferatur pecunia: & de solutione constet in actis. Hoc ipsum etiam cæteris Magistratibus: & officialibus in vrbe, & districtu criminalis iurisdictionis munere fungentibus tribuentes, vbi de delicto constiterit: & poena irroganda quinquaginta solidos non excedat, ac pecunia fisco inferatur.

De prohibente fieri executiones ab executoribus publicis.
Cap. L.



I quis captū à statore, vel satellite vi exemerit, & exemptus criminis insimularetur: propter quod esset plectendus corpore: qui exemit id poenæ luat: qua exemptus erat plectendus. Si exemptus erat innoxius: qui exemit: triennium exulet. Si poena numaria erat mulctandus: dupli condemnatur, & annum exulet. Si causa ciuilis erat & pecuniaria, præstet damna læso: & tantundem fisco nomine poenæ. Et amplius possit exilio biennij arbitrato Magistratus mulctari pro qualitate admissi. Si capite damnatum: cum ad supplicium duceretur, eripue-

eripuerit, & damnatus euaserit, summo adficiatur supplicio. Si damnatus citra mortem erat mulctandus: triremibus mancipetur in tempus arbitrato Iudicis statuendum. Eisdemque pœnis omnibus adficiantur: qui opem ad hæc, vel consiliū præbuerint. Qui verò reum criminis eripere telo tentauerit, quanuis non eripuerit, ea pœna plectatur, qua reus erat plectendus. Iridem stator, vel satelles, aut iustitiæ executor si reū mandato Magistratus ad supplicium ducens fugere permiserit, vel sponte dimiserit.

De fractoribus carcerum. Cap. LI.



Vicunque cuiusvis conditionis publicos carceres à foris fregerit, vltimi supplicij pœna puniatur. Qui ad actū facti proximum fractioni venerit, arbitrato Magistratus corpore plectatur. Ii autem, qui seruantur in carcere: si eum conspiratione facta fregerint, & euaserint: eo de crimine, ob quod vnusquisque eorum detentus erat (quod pro confesso tunc haberi volumus) conuicti censeantur, & plectantur, si haberi poterunt, sin minus, eo de crimine exules facti edicto publicentur. Isq; conspirasse censeatur, qui euaserit fracto carcere. Si verò ob æs alienum detenti forent, in duplum eius ob quod detinebantur, fisco inferendum mulctentur, Idq; etiam præstet creditori, quod debent. Et si intra dies triginta ab eo, quo in Magistratus venerint potestatem mox sequentes non soluerint, ad triremes relegentur vsque ad triennium arbitrato Magistratus. Quòd si ad actum proximū fractioni deuenierint, vel carceres duntaxat fregerint, nec euaserint, ter fidiculis singuli torqueantur, aut ad triremes mancipentur in annum: Qui verò consilium, opemve huiusmodi facinori per se, vel per aliū præstiterint, libris quingentis mulctentur, & cunctis creditoribus eorum, qui euaserint in solidum teneantur. Si quis autem citra carceris fractionem aliquem, qui propter æs alienum detineatur, euadere fecerit, is creditori siue publico, siue priuato in solidum cum debitore qui euasit, teneatur, & amplius

& amplius libris ducentis mulctetur fisco nomine pœnæ inferendis. Sed si qui euasit ob maleficium detentus esset: id pœnarum tunc ipse luat: quod qui euasit siue pecunia, siue corpore (si de maleficio constitisset) luere debuisset.

Qui verò in carceribus detinentur: & alio modo quàm carceribus effractis præter custodis euadunt voluntatē: si propter æs alienū detinentur: mulctentur duplo eius, ob quod in custodia seruantur sin ob maleficium: propter quod vel pœna numaria mulctandi: vel corpore: aut alia sint plectendi: eo de crimine: cuius arguuntur: confelsi tunc censeantur & conuicti: deq; eo sint exules facti: nisi intra quatuor & viginti horas sponte reuersi se in carcerē immiserint. Sed si intra eas fuerint intercepti: nequaquam sponte reuersi censeantur.

De detentis in carcere, qui custodem carceris læserint. Cap. LII.



Visquis in carceribus detentus, siue vnus sit, siue plures: in custodem carceris: vel ministrum violentas manus iniecerit: eumq; vel percusserit, vel aliquo in loco cluserit: aut idcirco eum læserit, vel quid fraudis commiserit, vt carceris clauēs arripiat: & è carceribus euadat: ea pœna plectatur: qua fractores carcerum capite præcedenti plectendos statuimus. Sed si è carceribus non euaserit: ea mulctetur: qua dicto capite diximus eum teneri: qui ad actum facti venerit proximum fractioni.

De rumpente pacem, vel inducias. Cap. LIII.



Si quis post pacem, vel inducias cum eo cōtractas: à quo, vel lēsus fuerat, vel cum quo rixatus simultates, aut inimicitias exercuerat: & fidē vltro: citroq; de non offendendo datam ipsum per se: vel per alium interfecerit, vel vulnerauerit: vrbis Genuæ Prætor: & in districtu quicunque

G Magistra

Magistratus ad quem cognoscere de hoc pertinebit: postquam de his omnibus legitimis scripturis & authenticis constiterit, vel testibus non minus duobus omni exceptione maioribus: hunc: cuiusvis qualitatis sit, vel conditionis, rebellionis dānatum, ac si in Rempublicam conspirasset, pronunciet: exulēq; perpetuò factū extra urbem Genuā & districtum iubeat promulgari. Eisdēq; pœnis, dānis, periculis, & ignominijs: alijsq; omnibus eum statuatur subiacere: quæ aduersus Reipublicæ rebelles sunt constitutæ: præter alias pœnas contra interficientes, vel vulnerantes, aut interficere, vel vulnerare mandantes nostris sanctionibus iniunctas. Si verò non vulnerando, sed percutiendo armatus, vel inermis eū adoriendo: pacem ruperit, aut enorme damnum eius rebus intulerit: præter pœnas delicto huiusmodi statutas: trecentas libras pēdat vsque ad mille & quingentas arbitrato Magistratus pro qualitate admisi, & personarum conditione, & amplius damnum farciat.

Si vnus ex pluribus obligatis pacem ruperit.

Cap.

LIIII.



MAgnopere Reipublicæ interest ad tollendos tumultus: qui ex contentionibus solent in ciuitatibus suboriri: eorum audaciam coercere: qui pacem rumpunt. Proinde si plures hinc & inde inimicitias inuicem exercentes, vel modo aliquo dissidentes post cōpositas discordias in pacis fœdera vtrunque coierint: & deinde vnus aliquis eorū, vel cōplures huius, vel istius partis (nihil enim, cuius sint, refert) pacem ruperint, sancimus, vt, qui reliqui eius partis erunt, cuius sunt pacis ruptores, capere ruptores istos debeant, & in Magistratus tradere potestati, ab eo, qua meriti fuerint: pœna adficiendos. Et si intra annū à die ruptæ pacis eos non ceperint, nec Magistratui tradiderint, vel alio modo in Magistratus non venerint potestati, soluant, qui pacē seruare tenebantur, omnes in solidum eā pœnæ numariæ quantitatem, quam, qui pacem

cem rupit: pro ea rupta soluere debuisset. Et vnica solutione à quo uis eorum accepta: cæteri liberi censeantur à fisco. Cōpetat tamen inter eos regressus, vt pro sua rata singuli teneantur. Si verò pax per occisionem rupta fuerit: præter dictā poenā soluat etiam eorum quisque centum libras, vsque ad trecentas arbitratu Magistratus. Sed vbi ipsi eos, qui deliquerint: Magistratui (vt dictū est) tradiderint, vel alio modo isti in eius venerint potestatem, aut intra dictum tempus contra eos executio facta fuerit: restent omnes liberi & absoluti: nec quicquā molestiæ huius rei gratia eis à fisco possit inferri. Vt aut solutio non retardet, nec executio differratur: simulac pax fuerit violata, vrbis Genuæ Prætor, & quicumque alius Magistratus in districtu: ad quem de rupta pace cognoscere pertinebit: quūprimum fieri poterit, dictas omnes pecuniæ quantitates exigat: & exactas apud Magnificos Procuratores deponat: ab eis nomine depositi in annum à die ruptæ pacis seruandas. Intra quem ij qui deliquere: si ab aliquo traditi (vt supra) fuerint: aut aliquo modo in Magistratus venerint potestatem: restituantur cuique eorum quicquid ab eo exactum fuerit. Sin nec ab eis traditi, nec à Magistratu capti fuerint: elapso anno ea pecunia restet fisco acquisita: & illis: qui eam soluerint regressus aduersum eos: qui deliquerunt: & eorum bona: nisi ea prius fisco fuerint publicata: tunc enim nullum eis ad ea ius competat, sed tantum actio in eorum personas. Omnes autem: qui de seruanda pace, vel de nō offendendo fideiusserint: si is, pro quo sponderint pacem ruperit, vel læserit: cogantur ad omnem partis læsæ, seu cuius intererit, petitionem, & confestim compellantur ad soluendum omnem quantitatem promissam, nulla facta diminutione, nec bonorum contra principalem excusione: quocunque statuto: & exceptione non obstante. Sitq; plena probatio: quantum ad hoc: sententia condemnationis, vel exilij contra principalem etiam contumacem, & de contumacia lata, vt contra fideiullos sine alia probatione exequi possit. Et in his procedatur sine processu, aut alia quacunque solennitate.

De Duellis.

Cap. LV.



Vellum latina vox est: idem sonat, quod bellum: vsque adeò tamen vsus inualuit: vt pro eo hodie accipiat, quod grecè monomachia dicitur: latine singulare certamen: eoque modo hic nunc accipitur: quod ideo dicimus nequid disceptationis sit in verbo. Quàtum autem malorum duella ciuitatibus adferant: notum est magis: quàm necessarium explicare. Volentes igitur hanc funestam pestem perniciemque ciuitatis è medio tollere: Sancimus nè quis subditus, vel non subditus audeat in vrbe Genua, vel dominio Genuensi literis, vel nuncijs, aut alio quouis modo quèpiam ad duellum: seu certamen prouocare, vel in locis publicis, aut priuatis per se, vel per alium literas prouocationis affigere absque Illustrissimi Ducis, & Magnificorum Gubernatorum consensu. Qui secus fecerit: capite plectatur, & bona confiscentur. Eisdemque poenis quicumque subditus adficiatur: qui alium Principem: quàm Illustrissimum Senatum gratia loci ad certamen impetrandi adierit, siue id impetrauerit, siue non: modò certamen sit cum subdito vel non subdito commorante in dominio Genuensi. Item qui prouocatus fuerit: & prouocationi siue verbo, siue per literas responderit, vel certamen absque consensu Illustrissimi Ducis: & Magnificorum Gubernatorum acceptauerit: quive prouocationis literas subscripserit: vel præsentaauerit, aut adfixerit, vel alieno nomine quèpiam ad duellum seu certamen accersierit, aut ad horum omnium quidpiam consilium: opemve præbuerit, quive in dedecus, & ignominiam prouocati: si Genuensis erit, vel subditus, aut degens in vrbe Genua, vel dominio Genuensi per se, vel per alium quid picturæ in locis dominij Genuensis, vel extra adfixerit. Vbi verò horum quis apprehensus non fuerit: poena capitibus damnatus: edicto exul publicetur.

De

De clām, dolóve intrante alienam domum, vel apothecam. Cap. LVI.



Siquis clām alienā domū, dolóve malo intrauerit, & in ea se abscondiderit animo quempiā offendendi, vel aliud quodcunque delictum cōmittendi, aut ex alia quauis minus licita causa: & in Magistratus venerit potestātē: agat Magistratus in eū tam ex officio, quā ad denunciationē & petitionē habitatoris domus, causamque inquirat, & inuestiget propter quā intrauerit, & in ea se occuluerit, etiam per tormenta: quanuis alia indicia non praecederent, & deinde considerata causā ingressus, alijsque coniecturis & praesumptionibus eum puniat perinde ac cōpererit, vel summo supplicio, vel ad id vsque pro qualitate admissi. Habitator autem domus, vel eius familia, si hunc in ea percusserit, vel interfecerit, extra noxā sit & pœnā: modo sit boni nominis & famę, de qua tribus idoneis testibus constet, nisi probaretur ipso consentiente eum domū ingressum fuisse. In caupona verò, quæ taberna meritoria dicitur, vel in ganeis, aut diuersorijs nemini liceat quēpiam in eis inuentū percutere, vel occidere, sed tantū capere, captumque intra quatuor & viginti horas in curiæ tradere potestātē. Qui secus fecerit, plectatur ex forma statutorum, vel iuris vbi in eis quicquam defuerit.

Alterius apothecā, domum, aut mansionē qui scalis cuiusvis generis admotis, aut alio quouis modo introierit, ad triremes relegatur in biennium, & amplius, si quid furatus fuerit, plectatur furti, ex forma capitis de furibus. Et si furtum centum libras excesserit, vltimo adficiatur supplicio. Si verò ad actum facto proximum duntaxat processerit, vel de nocte per urbem Genuam, aut in districtu per oppida cum scalis inuentus fuerit: det quinque & viginti libras vsque ad centum, vel fustigetur, si intra decem dies post condemnationem non soluerit.

De intrante domum alienam per vim fracto ostio, muro,
vel fenestra. Cap. LVII.



Vi per vim ostio fracto, vel muro, aut fenestra alterius domum intraverit animo cōmittendi stuprum, vel adulterium cum muliere: quæ sit ciuis Genuensis, nupta, vel desponsata, aut virgo, vel vidua, siue delictum fuerit, siue non fuerit perpetratum; capite plectatur si mulier boni nominis erit & famæ. Eadēq; pœna adficiatur: qui modo supradicto intraverit cū armis animo offendendi: si ad aliquē actū facto proximū ventū fuerit. scilicet corpus eius tangendo, quē volebat offendere. Et si ventum non fuerit: extra urbem, & districtum relegatur in quinquennium vsque ad decennium, vel triremibus in biennium vsque ad quinquennium: pro qualitate rei & personarū. Si animo furandi fuerit ingressus: plectatur ex forma capitis de furibus. Sed si villam, vel prædium quis animo furandi fructus, olea, gallinas, anseres, aut alias aues intraverit: quanuis (vt suprà) ruperit: soluat tantum decem libras vsque ad centum: sarciatq; damna dicto læsi iuramento adacti si erit boni nominis, quod præsumatur, nisi probetur contrarium. Ni soluerit intra decem dies post condemnationem: virgis cædatur per urbem: & in annum vsque ad quinquennium relegatur extra urbem, & districtum, vel in annum ad triremes.

De proijcientibus lapides in domum alterius. Cap. LVIII.



Vi de nocte lapides in domum alterius, vel ad tetum, vel ad fenestras proiecerit: proijcive mandauerit in eius damnum, vel dedecus: quod præsumatur: nisi probetur contrarium; sarciat damnum: & in pœnam det fisco viginti libras vsque ad quingentas pro qualitate admisi & personæ.

De facientibus carceres priuatos. Cap. LIX.



Carceres priuatos domi propriæ, vel conductæ: aliò ve quouis in loco quicūque fecerit: & in eis quem piam detinuerit: ipse: & qui opem tulerit: summo plectantur supplicio. Sed si debitorem suum ex contractu: vel ob maleficium fugitiuum in eo detinuerit: detentūmq; intra horas quatuor & viginti post capturam in curiæ tradiderit potestatem: nulli sit pænæ obnoxius.

Quòd non restituatur qui deliquit nisi iudicatum præstiterit. Cap. LX.



In castelli incolæ vulgo vniuersitas appellati, vel vicini ob delictum: quod quis commiserit: damnati fuerint: propterea quòd vel eum: qui deliquit: non cæperint, vel captum curiæ non tradiderint: & iudicatum præstiterint: non absoluantur qui deliquit: nec remittatur: quin prius ijs: qui soluerint, satisfecerit, vel de soluendo idoneè cauerit.

De sollicitantibus milites stipendijs Illustrissimæ Dominationis militantes. Cap. LXI.



Visquis siue subditus, siue exterus eorū militum quem piam: qui stipendijs Illustrissimi Ducis, & Magnificorum Gubernatorum Genuæ vel alibi militet: literis, aut viua voce per se, vel per alium tentauerit, vel sollicitauerit, vt eis se abdicet, aut à fidelitate deficiat: remo additus ad vincula nautica relegetur in annum vsque ad triennium. Eandemq; pœnam subeat: qui de his tentatus, vel sollicitatus confestim ad dictum Illustrissimū, & Magnificos non detulerit si Genuæ erit, sin extra, ad iudicentem vbi ipse erit. Ius autem dicens, hunc qui tentauit, vel sollicitauit, vt primū poterit comprehendi iu

di iubeat, nec, nisi mandato dicti Illustrissimi, & Magnificorum comprehensum missum faciat. Si secus fecerit: soluat quinque & viginti libras vsque ad trecentas. Omnes autem hæc pœnæ sint arbitratu dictæ Illustrissimæ: nihilq; propter horum quidpiam derogatum censeatur: aut quid præiudicij illatum sanctionibus aduersus reos criminis maiestatis constitutis: sed pro eo: quod ad eas attinet: perinde sint: ac si hæc acta non forent.

Quod qui mandat maleficium committi: ea pœna plectatur: qua is, qui commisit. Cap. L X I I.



SI quis extra rixam quid homicidij, aut maleficij committendum mandauerit: quanuis deinde ab eo: cui mandauit: nihil horum admissum fuerit, vel attentatum: ea tamen pœna is: qui mandauit, plectatur: qua: qui mādatum suscepit: si delictum consummasset: plectendus foret. Eadēmq; adiciatur: qui citra rixam siue gratis: siue precio: siue alio quouis modo id mandatum gladio, vel veneno, aut alio quocūque modo perpetrandum suscepit: quanuis horum nihil exinde vel perpetraverit, vel attentauerit. Liceat tamen ei: qui mandauit: vbi nec vulnus illatū, nec quid criminis fuerit admissum, vel attentatum post mandatum pœnitere: illūdq; reuocare: dum ante reuocationem de mandato delatio ludici facta non fuerit: & reuocatio ei: qui mandatum suscepit: intra id temporis re adhuc integra non fuerit intimata. Potestatem etiam facimus ei, qui mandatum suscepit: vbi nihil criminis adhuc admisit, nec attentauerit, pœnitendi post susceptum mandatū, & mandati susceptionē reuocandi. His autē omnibus: cū ab eo: qui mandauit: tum ab illo: qui mandatū suscepit non seruatis: nullam eis pœnitentiā: nec dati, susceptive mandati reuocationē volumus opitulari. Decernentes vtri que tunc onus incumbere pœnitentiā probandi: dati que, & suscepti mandati reuocationē. Qui verò mandatū suscepit: si crimen detulerit: & ex delatione qui mandauit conuictus fuerit: id eius in bonis

bonis consequatur: quod huius facinoris patrâdi gratia inter eos erat conuentum, & tantundem etiâ in præmium delationis. Sed si gratis perpetrandum delictum suscepisset: condemnatione in eum: qui mandauit: prolata: fiscus ex bonis damnati isti delatori solui iubeat quicquid ei videbitur vsque ad scuta quinque & viginti auri, vel amplius arbitrato Magnificorum Procuratorum pro qualitate facti & personarum. Vbi autem quis quid homicidij, vel maleficij cuipiam committendum mandauerit: si is: cui mandauit: mandatum suscipere recusauerit: mulctetur pecunia, qui mandauit, vel corpore plectatur, aut summo adficiatur supplicio arbitrato Magistratus.

De amplexantibus, & osculantibus mulieres præter earum voluntatem. Cap. LXIII.



X nimia Rectorum indulgentia cōpertum est facinorosos viros: dum delictorū impunitatē sperant, in vitia, & scelera graui animaduersione digna plerunque labi. Eo enim impudentiæ, atque audaciæ ventū est: vt nonnulli iniquitatis filij, seu libidinis impetu incitati, seu bonorum adipiscendorum cupiditate ducti: abiecto timore iustitiæ: honestatis quoque, & generis sui, ac cōditionis ratione posthabita: nihil sint veriti mulieres virgines, & viduas, vel aliter solutas præter earum voluntatem in vijs publicis, & conspectu adstantium prætextu matrimonij amplexari, vel deosculari, vt mulieres istæ tam insigni nota adfectæ: ab omnibus reiectæ ipsis facinorosis viris: qui iniuriam intulerunt: inuitæ tandem nubere cogantur. Et si id minus successerit: parentum animis ad ultionem potius concitatis, quàm ad matrimonia contrahenda pacatis: parentur inimicitæ, consurgant rixæ, struantur odia, subsequantur cædes: quæ, publicâ priuatamq; ciuitatis quietem conturbant. Ne igitur sine vindicta talis crescat insania: hac nostra constitutione sancimus: vt, quisquis huiusmodi crimen in vijs publicis admiserit: quive ei auxilium, vel consiliū præbue-

buerit: si honestæ erunt conditionis: eorum quisque det fisco in pœnâ ducenta scuta auri vsque ad quingenta: & triennij exilio extra vrbem Genuâ & districtû mulctetur. Humiliores verò dent quinquaginta libras vsque ad trecentas, & biennij exilio puniantur. Nec prius, quam soluerit: quis dimittatur è custodia carcerum, vel ab exilio censeatur exēptus: quanuis tēpus præscriptum expleuerit: nā id, donec soluerit: in suo robore volumus pmanere.

De Nutricibus.

Cap. LXIII.



Nutrix ad infantē lactandum conducta: & quiuis alius: qui nutricis nomine eum alendum suscepit: interrogāti cōductori, siue pater infantis sit: siue mater, siue quiuis alius palām faciat: an abortum fecerit: septimōne: an nono mense fœtū ediderit: quantum tēporis post partū decursum fuerit: an interim quempiā ablaētauerit: isq; super sit: sitne ipsa ex partu bene firma, an languens: aliaq; omnia: de quibus fuerit interrogata alendi pueri gratia nota faciat. Ni fecerit, vel quid horum mentita fuerit, sui salarij, siue exacti, siue nondum exacti amissione dānetur: & amplius in tantundem: cedatq; totū parentibus pueri, vel eius curā agenti: si ipsi non extiterint. Infante suscepto, curā eius agat, & bene nutriat. Si in aliquo sua culpa defecerit, vel erga infantem malè se dolo habuerit: soluat parentibus infantis, vel curā eius agenti quinque & viginti libras, vel carceribus adferuetur in mensem, nec ab eis: etiā ad preces curā pueri agentis, dimittatur, vt eius castigatio cæteris in exēplum cedat. Si lac sufficiens ad alendum puerū habere desierit: parentibus pueri, vel curā eius agentibus quāprimum denunciēt. Itē si prægnans fieret, saltē intra decē dies: ex quo se verisimiliter esse existimauerit. Ni denunciauerit: amissione sui salarij vt supra mulctetur, vel carcere. Si verò cōpertum fuerit ob malā ablaētationem, vel curā infantem accepisse detrimentū, & subitò, vel intra parū temporis arbitrio boni viri interijisse: mulctetur nutrix pecunia, vel luat

corpore, aut summo adficiatur supplicio arbitrato Magistratus pro modo admissi. Centum autem libras det ille, qui vnâ cum ea huius facti reus inuentus fuerit, vel virgis cædatur per urbem, nisi intra decem dies post condemnationem soluerit, & amplius cæsus carceribus adseruetur in mensem, non dimittendus etiam ad preces offensi. Nutrix verò, quæ incuria, aut alio quouis modo infantem suffocauerit, possit mulctari pecunia, vel plecti corpore, aut summo supplicio adfici, suiq; salarij etiam amissione puniri. De huiusmodi verò lactis perditione, vel mala erga puerum cura credatur parentibus, vel curam pueri agenti, si tribus testibus, etiâ fœminis, quæ filios genuerint, testatū fuerit, eorum iudicio puerum male curatum fuisse, lacq; nutrici desijisse, & de his publicam vocem & famā in nutricis vicinia esse, aut, si ex demonstratione, vel experientia mammarum deprehensum fuerit nutrici lac sufficiens desijisse.

Nulla autem nutrix duos infantes vno eodémque tempore ab lactare nutriréve audeat, absque parentū pueri, vel curā eius agentis consensu, nec postquā susceperit, eum restituere, vel dimittere, aut ab eius ablactatione, inuitis parentibus pueri, vel curā eius agente quouis modo desistere. Si secus fecerit, amissione sui salarij, & tantidem mulctetur, quoties horū in aliquo deliquerit. Eadémque pœna teneatur, si, dimisso puero, vel restituto, alterum inde ad annū ablactandum susceperit. Qui verò eidem præter voluntatem parentū pueri, vel curā eius agentis alterū alendum tradiderit, vel tradere tentauerit, si à Magistratu, ne id faciat, admonitus, facere non desierit, det fisco in pœnā quinque & viginti libras. Ni soluerit intra dies quindecim, det duplum, sitq; maritus obligatus pro vxore, focer pro nuru, si vnâ habitauerint, & frater pro sorore cum eo habitante. Idq; Magistratus exequatur in eorum bonis, ac exigat, quandocunque eorum quis contrafecerit.

His autem cognoscendis, & puero restituendo, ac mercede ablactationis, ubi ea à parentibus pueri, vel eius curā agente admonitis non solueretur, præsit Prætor in vrbe Genua, in dominio verò Genuensi cæteri Magistratus, quibus omnibus liberū arbitriū conce

concedimus agendi, & procedendi ex scripto, & non scripto, ac decidendi, & iudicandi quēadmodum eis opus esse videbitur.

De grauidantibus seruas, seu sclauas alienas. Cap. LXV.



Lienā seruam quisquis siue liber, siue seruus carnali copula cognouerit, si serua conceperit, soluat, qui pręgnantem fecit, hero seruę, vel herę quinquaginta libras. Si ex grauiditate, vel partu serua decesserit: det ducentas dictis quinquaginta comprehensis, herusque seruę, vel hera ei partum tradat, quem teneatur accipere. De pręgnatione verò stetur iuramento seruę, quod, accedente alio heri, vel herę (modo sint bonę famę) qui testentur se credere, eam fuisse ab ipso grauidam factam, pro plena probatione habeatur. Seruus autem (nisi id, cuius fuerit damnatus, herus pręstiterit) dedatur noxę hero seruę.

Qui alienā seruam in domo heri, in qua vnā habitat, pręgnantem fecerit (de quo stetur iuramento seruę, ac heri, vel herę, vt dictum fuit) soluat hero seruę, vel herę quinque & septuaginta libras. Et si ex grauiditate, vel partu serua decesserit, ducentas, dictis quinque & septuaginta comprehensis. Ni soluerit intra dies triginta post condemnationem: si seruus erit: dedatur noxę hero seruę. Sin liber: corpore plectatur arbitrato Magistratus: saluo iure hero seruę pro dictis libris ducentis.

Ne famulus in domo sui domini fœminam ad eam carnaliter cognoscendam conducat: néve manentem in ea cognoscat. Cap. LXVI.



Inister, seu (vt aiunt) famulus: qui in cuiuspiā est obsequio: si mulierem vnā secū in domo domini manentē carnali copula cognouerit, vel alibi cōmorantem ad coeundum cum ea in domum domini sui introduxerit: det centum libras, vel fustigetur: si intra triginta dies post conde-

condemnationem non soluerit: aut extra urbem Genuam: & districtum perpetuo mulctetur exilio. Fœmina verò, quæ est in obsequio sui domini: si eius in domum hominem: ut cum eo rem habeat: intromiserit: & sit serua: plectat ex dñi voluntate: sin libera, fustigetur: & det quinquaginta libras. Vir aut centū damnetur: & amplius possit corpore plecti, vel ære mulctari arbitratu Magistratus: consultis tamen prius: & consentientibus Illustrissimo Duce, & Magnificis Gubernatoribus. Et si intra dictum tempus non soluerit, fustigetur. Magistratus verò in his agat ad denunciationem domini, vel domine: & eorum alterius iuramentum (si boni nominis erunt) accedente coniectura, vel aliquo indicio pro plena probatione habeatur. Si secus fecerit: centum libras soluat.

Néquis mulieres in carceribus detentas carnali copula
cognoscat. Cap. LXVII.



Visquis mulierem ob maleficium, vel delictū, aut quodcunque aliud in carcerum custodia detentam carnali copula cognouerit: det fisco centum libras vsque ad quingentas: quoties deliquerit: præter alias pœnas tam à iure cōmuni, quàm municipali idcirco constitutas: quibus nihil ob hoc derogatum esse hac nostra sanctione decernimus, & amplius, si erit Prætor, vel Iudex maleficiorum, aut Vicarius, vel carcerum custos, aut miles, vel quiuvis alius officialis ipso iure abdicatus officio censeatur. Syndicatores autem præsent his iudicandis eaque exequantur: simulac de his facti fuerint certiores. Si secus fecerint: causam dicant coram suis successoribus, & singuli quadraginta scutis auri damnentur.

H Quod

Quòd mulier non cogatur in palatium ire ad dicendum
testimonium. Cap. LXVIII.



Vlla mulier: honestatis gratia: in causa ciuili ad dicendum testimonium cogatur in palatium adire Prætorē, vel eius Vicariū, aut maleficiorum Iudicem, sed ad id recipiendum mittatur Notarius ad domū eius. Possit tamen mulier (si voluerit) in palatium ad subsellia curiæ duntaxat venire. In causa verò criminali: si erit eiusmodi: propter quam sit corpore plectenda: examinetur à Prætorē: vel Iudice præsentibus Notarijs ad maleficia cōstitutis. Si Prætor, Vicarius, vel Iudex secus fecerit: vnusquisque eorū det decē vsque ad quinquaginta libras: ex eorum salario auferendas: quoties deliquerit. Mulier verò non coacta soluat quinque vsque ad quadraginta: & à viro (si eum habuerit) ex dotibus deducantur: sin minus, ex alijs quibuscvis bonis.

Quòd de bonis damnatorum id tantum ad fiscum pertineat,
quod æri superest alieno. Cap. LXIX.



Vlla bona ad fiscū possunt pertinere: nisi quæ creditoribus sunt superflua. Id enim bonorū cuiusque esse intelligitur, quod æri superest alieno. Proinde vbi, vel bona ad fiscū deuolui contigerit, vel decerni immobilia ob admissum facinus dirūpi debere, id saluo iure vxorum, nūrum, ac creditorum statutum esse censeatur.

Decrimine læsæ maiestatis.

Cap. LXX.



Maiestatis crimen est illud, quod aduersus Rempubicā, vel eius securitatem cōmittitur: quo tenetur is: cuius opera dolo malo aduersus Rempubicam consilium initum erit: quo armati homines cum telis, vel lapidibus in vrbe Genua, vel in ditione Genuensi cōueniant aduersus

Rem

Rempubicam, aut loca occupent, vel templa sacra, quóve cœtus conuentúsve fiant: hominésve ad diffensionem conuocentur: cuiúsve opera dolo malo consiliū initū erit: quò Illustrissimus Dux, vel quis ex Magnificis Gubernatoribus, aut Procuratoribus, vel alius magistratus Reipublicę: qui imperiū, vel potestatem habeat, occidatur: quivē ad huiusmodi actū factō proximum peruenerit, cuiúsve opera dolo malo coniuratio aduersus Rempubicam inita fuerit: quive hostibus Reipublicę nuncium: literasve miserit: signúmve dederit: feceritve dolo malo: quò hostes consilio iuuentur aduersus Rempubicam: quive milites stipendijs Reipublicę militantes sollicitauerit: concitaueritve: vt à Republica ad hostes desciscant: vel vt seditio, aut tumultus aduersus Rempubicā fiat: quive hostes concitauerit, vt bellum aduersus Rempubicam capiant: quive dolo malo, aut per insidias: alióve quocunque modo tentauerit: consiliúmve dederit: quo vrbs Genua, vel arces, aut portus, vel castella, aut municipia, vel quid locorum ditionis Genuensis à fide: & obedientia Reipublicę deficiant: quive cum hostibus ad expugnandum urbē Genuā: locave ditionis Genuensis occupandum venientibus se coniunxerit, aut venerit: cuiúsve opera dolo malo factum erit, vt hostes cōmeatu, armis, telis, equis, pecunia: aliave aliqua re aduersus Rempubicam iuuentur: quive ad hostes profugerit: cuiúsve dolo malo arcana Reipub. consiliave hostibus palām facta fuerint: quive literis, nuncijsve: quocunque modo requisitus, vel sollicitatus de coniuratione, vel cōspiratione: vel tractatu, aut cōsilio, vel colloquio, quod quouis modo aduersus Rempubicam esse posset, aut aduersus eius securitatem: vel imperium, aut dominium: quumprimū potuerit: iudicio Illustrissimi Ducis, & Magnificorum Gubernatorum eis, aut saltem Illustrissimo: & duobus Magnificis Gubernatoribus tunc temporis in palatio residentibus: vel, si erit interregnum: seu (vt aiunt) sedes vacans: dictis duobus Magnificis Gubernatoribus tantū non patefecerit, vel ius dicenti vbicunque ipse erit: si ab vrbe Genua: & tribus Prætorijs curijs intra districtū tunc abfuerit: aut si extra dominiū: vt primū potuerit, nuncijs, literisve eos de his omnibus nō

docuerit: etiam si fuisset tentatus, vel sollicitatus à patre, vel à filio, aut ab alio cuiuscunque gradus propinquitate coniuncto, aut verba innuerent id tunc faciendum cum tumultus erit in vrbe Genua, vel Reipub. dissolutio, aut sub alio verborum inuolucro, vel quouis quæsito colore: etiã si adiectum foret, sine Reipub. detrimento: quive castra: arces, locave Reipub. quæ tuenda receperit: deseruerit, aut tutatus non fuerit, vel hostibus prodiderit, aut inconsulto Senatu: eiusq; iniussu tradiderit, vel, cum ei successum esset: nõ decesserit. Quisquis igitur quid eorum: quæ superscripta sunt per se cõmiserit, vel per alios cõmittenda curauerit: opem veltulerit, aut consilium cõmittentibus dolo malo dederit: hi omnes tanquã hostes Reipublicæ perduellionisque rei summo plectantur. supplicio: & bona fisco inferantur cum feudalialia: tum alodialia, quæ à die delicti commissi ad eum ipso iure deuoluta: ei que addicta esse hac nostra constitutione sancimus. Immobilia verò dirumpantur: saluis iuribus vxorum, nurum, & creditorum.

Factionis autem conscius: seu (vt aiunt) conspiracy, coniurationis, tractatus, vel seditionis: quæ omnia hoc factionis nomine continentur: aduersus Rempub. tendentis, vel aduersus eius securitatẽ, & dominium: quanuis in horum nullo interuenerit, nec ad aliquem actum facto proximum progressus fuerit: si quum primum potuerit iudicio Illustriss. Ducis & Magnificorum Gubernatorum, ipsis: quemadmodum suprà memorauimus, eam palam non fecerit, capite plectatur. Eademque pœna adficiatur, qui confessum in iudicio reũ criminis læsæ maiestatis, vel damnatum, ac propter hoc in vincula coniectum emiseric, vel, vt ab eis, vel è manibus executorum, aut ministrorũ iustitiæ euadat, opem præbuerit: Itẽmq; eum, qui huiusmodi criminis confessum, vel damnatũ sciens receperit: & quum primum potuerit arbitrato Illustrissimi Ducis, & Magnificorum Gubernatorum in curiæ potestatem non tradiderit.

Qui verò ex aliquorum sermone: licet nõ manifestè deprehenderit, vel alijs signis, aut indicijs coniectauerit, vel compererit aliquos aduersus Remp. conspirasse, vel coniurasse, aut quid moliri,
vel pa

vel parare, ex quo verissimiliter Respublica capere detrimentum possit, si cum primùm (vt dictum est) id non patefecerit, perpetuo dānetur exilio, vel pecunia mulctetur, aut corpore plectatur, vel summo supplicio adficiatur, aut ad id vsque arbitrato Illustrissimi Ducis, & Magnificorum Gubernatorum.

Si quis autem in exotidio inittä factionis eam prodiderit, præmio quingētorum scutorum vsque ad quinque millia, & amplius arbitrato Illustrissimi Senatus donetur. Si factionis cōsciū erit, & in noxia, seu culpa, & statim patefecerit, veniam consequatur, & scutis ducentis vsque ad bis mille arbitrato dictorum Illustrissimi & Magnificorum donetur: Sin ex interuallo, sed ante: quā factio palām facta fuerit: prodiderit: & arcana consiliorum patefecerit: absolutione tantū: & venia dignus habeatur. An verò ab initio: an ex interuallo prodiderit: aut, cum prodiderit: an factio iam palām foret, vel, an ea quæ prodiderit: aduersus Rempublicam tractata fuerint: Illustrissimi Ducis, & Magnificorū Gubernatorum iudicium esto. De hoc autem crimine: etiā post mortem nocentium: cognosci posse decernimus, vt conuictō mortuo, eius quoque damnetur memoria, & bona (si hoc qualitas criminis exegerit) à successore eripiantur.

Filij masculi damnatorum criminis maiestatis in primo capite huius constitutionis ipso iure ciuitatē, ac nobilitatem amittāt, vrbe Genua, & districtu excedant: extorresq; sint perpetuò, nec, nisi aliquo egregio in Rempublicam nauato facinore iudicio Illustrissimi Senatus, remittantur.

Præsent autem his omnibus cognoscendis, & iudicandis vrbis Genuæ Prætor: maleficiorūq; Iudex, & per se, vel alio, aut tribus alijs exteris Iureconsultis adiunctis: domiciliū Genuæ, nec in districtu habentibus: ab Illustriss. Duce, & Magnificis Gubernatoribus pro eorum arbitrio delegandis: adstantibus etiā duobus ex Magnificis Procuratoribus ab ipsis Illustriss. & Magnificis eligendis: processum condant: & ius dicant summatim: simpliciter, & de plano, sine strepitu, & figura iudicij donec definitè pronunciauerint. Reosque in quocūque capite huius cōstitutionis, siue per nū

cium, vel præconem euocatos, siue scripto, vel per edictum publicè propositū admonitos ad diē arbitrato ludicum statuendum se corā Magistratu sistere negligentes perinde habeant, ac si cōparuissent: omnibūsq; interfuissent: & lis cum eis legitimè contestata fuisset. Eiūsq; criminis: cuius arguuntur: censeantur conuicti, ac si sponte id: eiūsq; qualitates: confessi: déque eo cōuicti fuissent. Ad torquendum verò indicia leuia sufficiant: tortūsq; semel rursus possit: quoties ad eruendam veritatē opus esse videbitur. Reo autem nullum prius indiciorū tradatur exemplum: quā tortus fuerit. Sed ubi sint examinādi testes: tradatur & inquisitionis, & eorum omnium: super quibus sunt testes examinādi. Statuatūq; tempus cōmune fisci Aduocato: & reo ad probandum incumbentia. Iudices verò testes interrogent, & examinent: ad assistentibus duobus Magnificis Procuratoribus super ritualis, & interrogatorijs: quæ fisci aduocatus, & reus protulerint. Eoq; lapso tēpore, & publicatione testiū facta: sumat reus pro libito exēplum oīum cōtentorum in processu: quæ ad eum duntaxat pertinent. Auditisq; deinde defensionibus eius, ac tota causa coram Illustris. Duce, & Magnificis Gubernatoribus bene examinata: ipsiq; eorū voto communicato procedant ad causę decisionem prout iuris fuerit, idq; ratū sit: quod maior pars censuerit. Prætor autē eam exequatur omni appellatione & cōtradictione reiectis: salua semper auctoritate dictorū Illustris & Magnificorū: qui facultatē habeant, non obstantibus quibuscvis in hac constitutione contentis: cognoscendi, agendi, iudicandi, & exequendi pro vt eis videbitur. Et si post publicationē processus: contra reum noua superuenirent indicia: eum denuo torqueri posse censemus: quēadmodum ipsis Illustris. & Magnificis, ac dictis Iudicibus visum fuerit conuenire. Omnibus iniungentes: ne quis audeat: cuiuscvis sit conditionis: nisi ex consensu dictorum Illustris. & Magnificorum: horum reorum cuipiā patrocinari, vel eum tueri, aut cōmendare: etiā si diceret se: non personā, sed iustitiam cōmendare, vel pro eo modo aliquo intercedere. Quisquis autē huius edicti temerarius contemptor extiterit: centum scutis auri fisco inferendis mulctetur.

Iudices

Iudices verò prædicti duobus Magnificis Procuratoribus ad hæc omnia: dum geruntur: adstantibus exhibeant quicquid literarum, vel schedularum eorum quisque à quouis in fauorem rei acceperit. Itémque illos prodant: qui cuiusvis sint conditionis, vel dignitatis per se, vel per alios eiusmodi reis, vel culpatis apud eos opem vel auxilium tulerint, vel causam cōmendauerint. Nisi fecerint: omni officio, & dignitate, quam habent in vrbe Genua: ipso iure abdicati censeantur, & amplius ea numaria pœna mulctentur: quæ arbitratu Illustriss. Ducis, & Magnificorum Gubernatorum fuerit constituta. Eadémque puniatur ius dicentiū quisque: ad quē quomodocunque de his notitia peruenerit: & ea (si absens) per literas, vel nuncios, vel (si præsens) per seipsum confestim iudicio Illustriss. Ducis & Magnificorū Gubernatorum: eis palam non fecerit. Cæteri verò: qui acceperint, vel scierint, & non prodiderint: arbitratu dictorum Illustriss. & Magnificorum mulctentur. Exceptis Aduocatis, & Procuratoribus, ac alijs, quibus ex permissione dictorum Illustriss. & Magnificorum causæ rei patrocinari: eamque tueri concessum fuerit.

De Rebellibus, & exulibus edicto publicatis, non recipiendis. Cap. LXXI.



Vicunque cuiusvis cōditionis in vrbe Genua, vel dominio Genuensi domi propriæ, vel conductæ, aut alio quouis in loco de die, vel de nocte rebellem Illustrissimæ Dominationis, vel rebellionis, prodicionis, aut tractatus aduersus Rempublicam edicto publicatum sciens receperit, vel ope, aut consilio iuuerit, cibo, potuue per se, vel per alium fouerit, aut in vrbe Genua, vel dominio Genuensi sociauerit: capite plectatur, & bona confiscentur: nisi per vim, vel metum, qui caderet in constantem virum, id fecerit, & hæc: quòd primum potuerit: saltem intra triduum Illustriss. Duci: & non minus duobus ex Magnificis Gubernatoribus palam fecerit: si erit Genuæ: sin in distric-
tu: ius

etu ius dicenti ubi ipse erit. Si apprehensus non fuerit: eius criminis: quod ex prædictis admiserit: damnatus exulque extra urbem Genuā: & districtum in perpetuum factus publicetur, & occidatur impunè. Eisdemque pœnis adficiatur: qui intra milliaria centum ab urbe Genua sciens cōmunicauerit cū horum aliquo: colloquiumve habuerit: etiam si erit eorum pater, vel filius, aut eis quocunque gradu consanguinitatis, vel affinitatis cōiunctus. Ad hæc: omnibus ubique locorum interdictum esto: nuncium ab huiusmodi rebeli, vel literas accipere, aut horum quidpiā ad eum mittere absque Illustrissimi Ducis, & Magnificorum Gubernatorum consensu. Qui non paruerit: det fisco quingentas libras: & ultimo adficiatur supplicio: vel ad id usque arbitrato dictorum Illustrissimi, & Magnificorum: nisi eorum in potestatem, vel alterius ex Magistratibus districtus nuncium: vel literas tradiderit. Municipiorum verò fœderatorum habitatores, quæ vulgo communitates conventionatę vocantur: & oppidorum subditorum, vel castellorum cum pagis: quorum incolæ vniuersitates dicuntur: si horum rebellium quempiā: postq̃ rebellis fuerit publicatus, scienter in suum territorium, vel iurisdictionem receperint, aut in ea vagari permiserint, vel ope, aut consilio iuuerint, vel comœatu foverint: dent in pœnā trecēta scuta auri usque ad bismille arbitrato Illustrissimi Ducis: & Magnificorum Gubernatorum, & amplius, cadant omni beneficio, conventionē, & gratia eis quo modolibet concessa: restētque ipso iure subditi: nisi intra decem dies eiusmodi rebellem publicatum in potestatem urbis Genuæ Prætoris, vel alterius cuiuspiā Magistratus in districtu vinctum tradiderint. Si quis autē sacris initiatus, aut loco sacro addictus, Genuensi iurisdictioni non subditus: aliquo in loco sacro, aut quo vis alio: dolo malo horum rebellium quempiā: quo die (vt suprà) receperit: Prætori in urbe Genua, vel in districtu Magistratui ius dicenti non tradiderit, Illustrissimi Senatus auxilio, ac nostrarum sanctionum beneficio ipso iure priuatus censeatur.

Qui verò ob aliud crimen, quam perduellionis, capite damnatū, deque eo publicatū receperit, opemve (vt suprà meminimus) tulerit,

tulerit, aut sociauerit: det quicquid Magistratus decreuerit vsque ad trecentas libras. Si cum eo colloquium, vel commercium habuerit: det decem vsque ad centum. Pater autem & ascendentes, ac frater, soror, & vxor descendentes mitius: idest ad tertiā vsque partem dictarum poenarum tantum mulcentur arbitratu magistratus pro qualitate admissi: & personarum conditione. Alterius poenæ: quā mortis: damnatum exulēque publicatum: præter mulierem: quisquis (vt supra dictum est) receperit, iuuerit, aut fouerit: det viginti libras vsque ad centum. Si quis tamen alicuius criminis horum: quæ memorauius, damnatum, exulēque publicatum: quo cum ipse aliquo ex dictis modis deliquerit: intra decem dies ab eo, quo deliquit: in curiæ tradiderit potestati: extra noxam sit, & poenam: nec ei quid molestiæ ea de re inferatur. Nullus autem magistratus exulum quempiam ob delictum (vt aiunt) forestatū sinat habitare, vel v agari in vrbe Genua, vel dominio Genuensi. quin potius persequatur eum: donec comprehendat: prehensumque in carcerem tradat, nec prius missum faciat: quā id præstiterit: ob quod foris iudicatus fuerit, vel forestatus.

De exulibus ob æs alienum non restituendis.

Cap. LXXII.



Xul ob æs alienum factus, seu forestatus, non eximatur ab exilio, seu forestatione, nec restituatur, nisi prius, quod debet, creditoribus soluerit: & fisco in singulas libras debiti solidum dederit nomine poenæ. Qui secus fecerit, soluat centum libras: & restitutio sit irrita, nec profit restituto.

De

De exilibus impunè lædendis, & occidendis.

Cap. LXXIII.



Amnatus exilij: & publicatus ob maleficium: propterea quòd summo sit supplicio adficiendus: impunè à quocunque occidi possit, & lædi in rebus, quas secū habet offensionis tempore. Qui autem occiderit: si propterea quòd occidit: in iudiciū tractus erit: ubi de decreto, vel edicto aduersus exulem lato Magistratus constiterit: liberet Magistratus occisorem, & dimittat: irritumque sit quodcunque actum fuerit. Interea verò: dum decretum, vel edictum exhibetur: cuique liceat: etiam sine procuratoris mandato: occisorem in iudicio tueri: & omnes, quas voluerit: facere defensiones.

De præmio occidentis rebellem, vel capite damnatum, & exulem capientis.

Cap. LXXIIII.



Vi criminis læsæ maiestatis damnatum in quocunque capite dictæ legis: rebellémque publicatū quouis in loco occiderit: si exul ipse non est factus: donetur libris centum æris publici: nisi maius præmium in edicto fuisset adpositum: Vel, si maluerit, possit petere alterum remitti de consimili, aut pari delicto, vel minori damnatum. Et si petierit: remittatur damnatus: deque libro exulum deleatur. Sin ipse de consimili, aut pari, vel minori delicto exul factus fuisset: eximatur ab exilio. Si quis exulem publicatum alterius criminis, quàm læsæ maiestatis: propter quod capite sit plectendus intra districtum occiderit: vel propè intra milliaria quinquaginta: donetur totidem, vel si ipse factus nō est exul: possit alium exulem de cōsimili, aut pari, vel minori delicto publicatum restituendum petere: dum tamen, is ante exul fuerit publicatus: quam ab ipso occisus. Et petitus restituatur: dum pacem

cem habeat cum offenso intra id temporis ijsque modis, & formis: quemadmodum Illustrissimus Dux: & Magnifici Gubernatores statuerint. Si verò ipse exulat de consimili, aut pari, vel minori delicto: liberetur ab exilio. Hæc eadèque omnia etiam cōsequatur: qui horum criminum: quæ memorauimus: damnatum quempiam, vel quoruncunque aliorum: ob quæ sit exul factus, & capite plectendus: in curiæ tradiderit potestatem. Iis exceptis, qui mulierem exulem factam occiderint. Et alijs, damnatis de nece parentū, vel alterius ex maioribus in recta linea: filij, filiæ, aut fratris: Prætoris vr̄bis Genuæ, aut alterius cuiusvis Iudicis Genuensis Reipublicæ, statoris, vel satellitis, domini, aut dominæ ab eo: qui eius fuisset colonus, vel esset in obsequio aut fuisset. Item de assassinio: de præpostera venere: de adulterina moneta: de falsitate publici instrumenti, ac de falsitate sigilli, vel aliarum quarūvis scripturarum, & literarū Illustrissimi Senatus, aut protectorum comperarum sancti Georgij. Quorum neminem peti, vel nominari, aut nominatum, vel petitum remitti hac nostra constitutione sancimus. Decernentes eum, qui ab exilio eximi petetur: intra mensem nominari debere: si occisio facta fuerit in districtu: Sin extra: intra trimestre, & hoc lapso tempore: neminem nominari amplius posse, nec nominatum remitti. Pecuniæ verò præmium captori in quemcunque horum exceptorum captum: & curiæ traditum dari volumus, nec per mortem exulis in ita paci contra factum cenferi: quamuis in pacis conuentione contrarium fortè esset adpositum, quouis robore verborum vallatum.

Satelles autem, qui exulum quempiam captum in curiæ tradiderit potestatem, si exul est capite damnatus, degensque Genuæ, vel in suburbijs, vbicunque fuerit interceptus, donetur in vnumquenque traditum curiæ centum libris æris publici. Si cuiusvis delicti citra mortem dānatus, & nobilis ex octo ac viginti nobilium familijs vr̄bis Genuæ, quinquaginta. Si ex non nobilibus ex ipsis familijs, quinque & viginti. Si verò à Magistratu dominij Genuensis dānatus, & extra vr̄bem Genuā, vel luburbia interceptus, soluant id pecuniæ locorū habitatores, in quorum iurisdictione fuerit in

rit interceptus, & habeant actionem ad bona intercepti deducto ære alieno.

Tradat curiæ qui exulem ceperit. Cap. LXXV.



Tradat intra dies duos in curiæ potestatem quisquis exilij damnatum promulgatumque ceperit in urbe Genua, vel dominio Genuensi. Ni tradiderit, si captus, est perduellionis damnatus; capite plectatur. Sin ob aliud maleficium, det trecentas libras. Et si ere damnatus, tantidē mulctetur: quanti est damnatus, idque fisco inferatur. Ni soluerit intra dies triginta post condēnationē, det duplū, & amplius in tēpus à Magistratu statuendū relegetur.

De iure non reddendo foro iudicatis, seu forestatis. Cap. LXXVI.



Nlli (vt aiunt) forestato ius reddatur, nec exuli facto ob es alienum, vel delictum, vel ob quodcunque aliud maleficij, in ijs, in quibus volet agere, nec ab eo causam habenti, neque alteri pro eo agenti in causa civilis. Vbi verò Magistratui se coram sifterit, audiatur in omnibus, in quibus volet agere, ac se tueri, quamdiu tamen steterit detentus.

De exulibus, vel forestatis ob delictum citra mortem, nisi modo infra scripto restituendis. Cap. LXXVII.



Exul factus ob delictum, vel offensam in quempiam, si offensa in verbis fuerit, non prius restituatur, quàm id soluerit, in quo fuit dānatus. Si in bonis, donec damnum offenso, vel hæredibus estimatione Magistratus satisfecerit, & eam etiam pecuniæ quantitatem soluerit, quæ in decreto pœnæ nomine adposita fuerit, vel si nihil fuerit adpositum, quanti ea à Magistratu æstimabitur eius arbitratu. Sin corpore plecten

plectendus citra mortem: non priusquàm pacem cum offenso, vel hæredibus habuerit: & fisco id pecuniæ: in quo fuit damnatus: persoluerit. Si verò ob crimen in publico gerendo officio admissum, quin duplū eius dederit: cuius fuit damnatus. Restitutus tñ: perpetuò priuatus remaneat publicis officijs omnibus: & beneficijs, nec ad ea adipiscenda habilis possit fieri. Et si: postquam exul fuerit factus in bonis quempiam læserit: non prius restituatur: quàm damnum sarcierit: vel, si in corpore: quin pacem habuerit cum eo: vel hæredibus: & pœnam penderit ex forma statuti.

Alterius verò cuiusvis criminis damnatorum nullus remittatur: qui vel summo supplicio sit adficiendus, vel perpetuò exul factus: præterquàm in ijs duntaxat: in quibus id fuerit per leges nostras speciatim permissum.

Et quoniam plerique gratia remissionis criminis impetrandæ Illustris. Ducem, & Magnificos Gubernatores nonnunquam adeunt: hac nostra cōstitutione sancimus quādocunque de remissione fuerit supplicatū: si is: cuius nomine supplicatur: maiestatis crimine, vel capitali pœna ob aliud delictum est damnatus: aut ad vincula nautica perpetuò relegatus, vel perpetuò exul factus: lecta supplicatione corā Illustris. Dominatione: legatur etiam processus causæ: & condemnatio: lectisq; proponatur: an supplicatio admitti debeat. Et si ex nouem calculis sex albi cōuenerint, vt admittatur: rursus coram Illustris. Duce, & Magnificis Gubernatoribus: ac Procuratoribus relegatur tam supplicatio, quàm processus, & condemnatio, & proponatur an petita concedi debeant. Et si per duas tertias partes calculorum alborum concedēda esse censerint, restent concessa, præterquàm in crimine læsæ maiestatis, in quo quatuor quintas partes calculorum alborum volumus conuenire. Vbi verò supplicatio, siue coram Illustris. Dominatione, siue deinde coram ea, & Magnificis Procuratoribus admissa non fuerit, censeatur reiecta, deque huiusmodi reiectione condatur decretū, & fiat etiā in libro notularū dictæ Illustris. Dominationis annotatio. Id autem, quod de supplicatione, & processu, ac condemnatione coram Illustris. Duce, & Magnificis Gubernatoribus,

ac Procuratoribus cōiunctim, vel diuisim legēdis cauimus: etiam in alio quocunque casu constitutum censemus, in quo de cuiusvis exulis restitutione agat, ex forma capitis de prēmio occidentis rebellem, vel capite dānatū, etiā si processus reuidendi & referendi mun° ad Iudicem esset delatū, & ab eo facta fuisset relatio. Nā, his non seruatis, restitutionem tanq̃ subreptitiā, & mancam, irritam esse decernimus, nec ei, qui impetrauerit, in aliquo prodesse.

De executione sententiæ, vel edicti contra exules.

Cap. LXXVIII.



Exul factus, & publicatus ob maleficiū, vel delictum, de quo, vel dānatus fuerit contumax, vel eius confessione, vel testium dicto, vel alia legitima probatione constiterit, si propter homicidium factus est exul, aut ob aliud criminis, propter quod sit aut morte plectendus, aut membro mutilandus, aut alia quauis pœna corpori irroganda coercendus, cum venerit in curiæ potestatem: Iudex, cuius decreto exul est factus, & publicatus, vel successor, aut quivis alius cōpetens decretū exequatur intra diem tertiū, ab eo, quo in curiæ venerit potestatem, nulla exceptione vel defensione admissa. Nī fecerit, centum libris mulctetur, quoties defecerit. Vbi verò ob maleficiū sit ære dānatus, seruetur in custodia carcerū, donec iudicatū præstiterit.

De exule edictum non seruante. Cap. LXXIX.



Damnatus exilio, vel relegatus, qui intra præscriptum tempus ad locum statutum profectus non fuerit, vel inde excesserit, aut profugerit, vel quouis alio modo audiens decreto non fuerit, si damnatio est intra decennium: totum tempus de integro duplicetur. Sin ultra, esto perpetuum. Cumulat enim pœnam contumacia.

Quomo

Quomodo procedendum sit contra ciuem, vel districtualm exules publicatos in suis castris, vel pagis recipientem. Cap. LXXX.



Xilij damnatus ob delictū Genuæ, vel in Genuen si dominio, aut extra commissum, qui in castro vel pago ciuis Genuensis, vel districtualis sito in districtu, vel extra ad commorandum concesserit, si inde profectus; rursus in vrbe Genua, vel districtu deliquerit: & ad hoc ipsum castrum, vel pagum, aut ad aliud (nihil enim refert: id an sit in districtu, an extra modò sit ciuis Genuensis, vel districtualis) reuersus fuerit, isque loci dominus de eo non recipiendo, & expellendo ab Illustrissimo Duce, & Magnificis Gubernatoribus admonitus, dicto audiens non fuerit, agatur aduersus eum tanquàm rebellem, & aduersus homines eius, & districtuales, tanquàm hostes Reipublicæ, quemadmodum melius, & oportunius ipsis Illustrissimo, & Magnificis visum fuerit.

Quòd nullus accedat ad loca Rebellium.
Cap. LXXXI.



Nterdictum esto omnibus cuiusvis conditionis ea loca petere, quæ Illustrissimus Dux, & Magnifici Gubernatores rebellium esse edixerint. Et si præter ea cuiquam contigerit aliò proficisci, vbi sint, vel degāt rebelles, absteat his dictis Illustrissimo, & Magnificis inconsultis, eorūque non accedente consensu negociari, vel conuersari cum eis. Qui horum in aliquo sciens deliquerit, det in pœnam ducenta scuta vsque ad mille dictorum Illustrissimi & Magnificorum arbitrātū.

I 2

Quòd

Quòd nullus ob delictum, vel ob æs alienum exul factus, seu forestatus ad officiũ, vel dignitatem promoueatur, nec ad arcis, vel castri custodiã admittatur, aut ad stipendia Reipublicæ recipiatur. Cap. LXXXII.



Xul ob æs alienum, vel delictũ factus: seu (vt aiunt) forestatus ad nullum officium gerendum, vel dignitatẽ in vrbe Genua, vel districtu habendã promoueri queat: nec ad arcis, vel castri custodiã admitti, aut ad stipendia Reipublicæ recipi vsquam possit. Si factum secus fuerit: sit irrita electio: perinde ac si facta non fuisset,

De Milite, vel agente pro Republica qui profugerit accepto stipendio, Cap. LXXXIII.



Illes stipendijs Reipublicæ militans, vel quisquis agens pro Republica: qui durante tempore stipendij: inconsulto Senatu: eiúsque non accedente consensu: profugerit: captus stipendium restituat, & in annũ ad triremes relegetur. Qui eũ ceperit, & in curiæ tradiderit potestati: donetur scutis duobus æris publici.

De Pago, arcẽ, aut castro intra Coruum, & Monacum non emendo. Cap. LXXXIII.



Interdictum est omnibus: tum ciuibz Genuensibus, tum districtualibus, ac Monaco oriundis: cunctisq; illic ad Coruum vsque habitantibus, & à Iugo vsque ad mare pagum, arcẽ, aut castrum intra hos confines situm emere, vel quocunque alienationis titulo voluntariẽ, vel necessariò quomodocunque acquirere, aut in se transferre: ea alienatione excepta: quæ inter viuos, & in vltima voluntate: eorum in personã cedit, qui ab intestato ipsi alienan

nanti sunt propinquiore ex forma iuris, & statutorum nostrorum, ni prius Illustris Ducē, & Magnificos Gubernatores adiēs, supplicatione porrecta: ad ea se admitti petierit. Et si ex nouē calculis sex albi cōuenerint vt supplicatio admittatur: rursus coram dicto Illustris. & Magnificis: adiectis Magnificis Procuratoribus relegatur: & proponatur an petita sint concedenda. Et si per tres quartas partes calculorum alborum concedenda esse censuerint: restent concessa. Vbi verò siue corā Illustris. Dominatione: siue deinde corā ea, & Magnificis Procuratoribus supplicatio admissa non fuerit: reiecta censeat̃ & denegata. Si quis autē emptorum, vel acquirere volētium secus, q̃ memorauimus: fecerit, agat vrbis Genuæ Prætor ad veritatis inquisitionē: & ea cognita: intra dies triginta mox sequentes id: quod venditum fuerit, vel alienatum huius sanctionis vigore Reip. adiudicet, atque adijciat, & in regestum describi iubeat: eum verò tantidē mulctet: quanti res de qua agetur: fuerit æstimata: cedatq; tertia pars accusatori: reliqua fisco inferatur. Illustrissimus autem Dux, & Magnifici Gubernatores, ac Procuratores hæc omnia (vt dictum est) etiam seruent.

De Aduocatis, & causidicis paciscentibus de quota
litis. Cap. LXXXV.



T sumptus prærogare litiganti æquum est, ita pacisci vt quantitas eo nomine expensa nō tradatur: quæ cum mercede debetur, sed pars eius: quod ex ea lite datum erit: tribuatur: per iniquum est. Proinde, Aduocati, vel causidici, aut quicumque alij, qui alias lites redemerint: & in euentū litis dari sibi certā quāritatē cauerint: siue (vt aiunt) pactum de quota litis inierint: si de rebus pactum erit: res & precium inferatur fisco. Sin de pecunia, tātūdem quisque præstet, & amplius scuta quinquaginta vsque ad centum pro qualitate rei. Si rursus deliquerit: præter dictas pœnas eo quo fungunt̃: officio aduocationis, vel pcurationis, aut alterius cuiuscunq; ipso iure censeant̃ priuati, nec ad id admitti amplius queāt.

Quòd pœna duntaxat ex forma statutorum constituta
irrogetur delinquenti. Cap. LXXXVI.



Mnibus in causis, in quibus agitur de irroganda pœna: id in quacunque earum seruetur præcipuè, quod per sanctiones nostras speciatim est constitutum, nec inferatur maior: quanuis fortè deberetur ex forma iuris communis.

De occupantibus, vel prohibentibus viam publicam
Cap. LXXXVII.



Vsquis intra urbem Genuam, vel in districtu intra pagos, vel oppida occupauerit viam publicam, vel prohibuerit: det in pœnam: quoties deliquerit: quindecim libras vsque ad quinquaginta: Sin extra: decem vsque ad quinque & viginti: & si vias vicinales, vel semitas, ijs, quibus per eas eundi ius competit, occupauerit, vel prohibuerit: quinque vsque ad duodecim mulctetur.

De proijcientibus immundicias ante ostium domus cuiuspiam: & de acclamantibus verbis iniurijs.
Cap. LXXXVIII.



Vsquis ante ostium domus, vel habitationis cuiuspiam, aut in porticu, vel scalis sordes proiecerit, vel cornua, aut quid ignominiosum postibus alicuius loco intra, vel extra domum fixerit, vel pinxerit, aut quid aduersus aliquem scripserit, vel ab alijs, ut fiat, curauerit, aut opem tulerit, vel consilium dederit: quod in re dubia fecisse præsumatur: det in pœnam trecentas libras: quoties deliquerit: aut ter fideiulis torqueatur, vel quinquenniū exulet extra urbem, & districtum. Eademque pœna plectatur, qui noctu

ſtu prope, vel ante domū, aut ſub fenestris ciuiſ Genuenſis, vel diſtrictualis, aut alterius ſiue in vrbe Genua, ſiue in diſtrictu habitantis maſculum, vel ſceminā ludicris carminibus, vel obſcænis, aut deriſorijs vocibus adclamando contempſerit, vel carpendo, aut alio quouis modo ludibrio habuerit ſeu (vt vulgo dicunt) ha-ueranno incantato. Item: qui fuerint in eorum ſocietate, vel qui opem, aut conſilium præſtiterint: vel victus adclamantibus, aut deriſionibus adfuerint. Urbis autem Genuę Prætor: cæteriſque Magiſtratus iuriſdictionē habentes agant contra huiusmodi deriſores ex mero officio: nulla præeunte inquisitione, vel proceſſu: dum prius, ſaltem per indicia, vel veriſimiles præſumptiones de delicto conſtiterit, reosque conuiſtos puniant. Ni fecerint, de eorum quiſque in pœnam centum libras, quoties deſecerit.

De Hereticis perſequendis: Cap. LXXXIX.



Hereticorum prauum genus inconſutile tunicā Dei noſtri ſcindere ſatagentiū, qui ſectionē in catholicę Eccleſię, eiūſque indiuiſibilis fidei vnitatē nituntur inducere: quod oues à Petri cuſtodia ſegregatę, cui à Paſtore bono paſcendę ſunt creditę, lupis rapacibus deuorandę diſpergantur, graui animaduerſione dignū cenſemus, vt imbecilles, eorum caſtigatōe perſpecta, firmiores facti ab huiusmodi impietate abſtineant. Proinde vrbis Genuę Prætori, cæteriſque Magiſtratibus omnibus, & officialibus, alijsque ciuibz Genuenſibus, ac diſtrictualibus dominio Genuenſi ſubditis hac noſtra conſtitutione indicimus, & iubemus, vt Reuerendo Archiepiſcopo Genuenſi, eiūſque vices gerenti, & Inquiſitori hereticę prauitatis, eorūmq; officialibus, ac miniſtris in hijs omnibus, quę ad hæreticos comprehendendos, perſequendos, ac puniendos pertinent, opē, & auxilium, ac fauorē præſtent. Nec quiſquam cuiusvis conditionis audeat, quod minus id muneris exequatur, opponere, vel modo aliquo contraire. Ijs tantū exceptis deſenſionibus, & allegationibus faciendis: quę pro inquisitis, accusatis,

De condemnationum exactione.

Cap. XCI.



Aeris dānato triginta dies post condemnationem: & intimationem ei corā factam: vel ad domum, aut per edictum mox sequentes ad soluendum statui-
mus. Si seruatur in carcere: non prius emittatur,
quā soluerit: vel de soluendo intra id tempus ar-
bitratu Magnificorum Procuratorum idonee ca-
uerit. Si intra id soluerit: quarta parte donetur. Sin minus: & ca-
uerit: aduersus eum: & fideiussorem Magistratus exequatur: nul-
lo præeunte processu: subhastenturque bona: & plus offerenti ad-
dicentur. Magistratus verò: si fideiussor de se indemni conser-
uando cauere sibi à principali petierit: principalem ad cauendum
compellat: & si soluerit: etiam ad restituendum cogat. Vbi tamen
nulla bona vtriusque extarent, vel si extarent: non essent satis: &
vterque abesset: vterque de eo: quod deerit: exul ab vrbe Genua, &
districtu publicetur: nec prius: quā soluerit: restituatur.

Nec commendentur causæ: nec commendantes au-
diantur.

Cap. XCII.



Interdictum esto omnibus cuiusvis conditionis,
etiam Illustrissimo Duci: & Magnificis Guber-
natoribus, ac Procuratoribus: & vnicuique eo-
rum quascunque causas ciuiles, vel criminales:
quæ coram Magistratibus vertuntur: per se: vel
per alium quouis verborum genere commenda-
re: etiam: si dicerent se: non personam: sed iustitiam commen-
dare. Item: tam dictis Illustrissimo: & Magnificis: & vnicuique
eorum: quā etiam vrbis Genuæ Prætori: eiúsque Vicario, ac
maleficiorum Iudici: & officialibus Rotæ quempiam audire: ma-
sculum, vel fœminam: etiam exterum: qui alienam causam ciui-
lem, vel criminalem coram se controuerfam per se: verbo, vel scri-
pto,

pto, aut per alium commendet, vel pro aliquo intercedat, etiam si diceret, iustitiam duntaxat se commendare. Exceptis à prædictis omnibus patre pro filio, marito pro vxore, socero pro genero, & è diuerso, ac fratre. Item ijs, qui causam agunt propriam, vel qui Procurator est, aut Aduocatus, Tutor, vel Curator: aut (vt aiunt) fideicommissarius illiuscuius causa agitur. Qui secus fecerit: si duntaxat commendauerit: det centum scuta auri vsque ad ducenta. Sin scripto, vel verbo: aliòve quouis modo commendantem audierit: soluat quinquaginta vsque ad centum: idque totum arbitratu Illustrissimi Ducis: & Magnificorum Gubernatorum.

De contrahentibus matrimonium cum seruis infcio, vel inuito domino vel domina. Cap. XCIII.



Visquis cum serua aliena matrimonium contraxerit, hero, vel hera infcijs, vel inuitis: si serua erit de genere Orientalium: soluat eis pro precio ipsius trecentas quinquaginta libras. Sin de genere Maurorum, ducentas quinquaginta. Serua autem: ea esse censeatur: quæ in vicinia habitationis domini, vel dominæ pro serua habetur. Cogaturque ad solutionem summatim absque processu: vel libello, & executio fiat arbitrio heri, vel heræ in re, vel in persona, nec prius, quam satisfecerit: è carceribus dimittatur.

De supponentibus partum. Cap. XCIII.



Vpponentes partum, vel supponi mandantes: eiúsque facinoris participes capite plectantur. De hoc tamen soli accusent parentes, aut ij, ad quos ea res pertinet. Iudici verò ex officio agere non licet.

De

De præuaricatoribus.

Cap. XCV.



Duocatus qui publico, vel priuato iudicio præuaricatus fuerit: & quisquis alius: de cuius præuaricatione constiterit: læo damnum sarciant: & pœna extraordinaria puniantur, ac sunt infames,

De Ciuibus Genuensibus, & subditis Genuensi dominio extra Genuam, & dominium Genuense delinquentibus. Cap. XCVI.



I ciuis Genuensis: vel districtualis: aut is: qui in vrbe Genua, vel in locis subditis dominio Genuensi: saltem quinquennio; habitauerit: quid criminis extra urbem, vel Genuense dominium eum in exterum cômiserit: qui nec in vrbe degat, nec in dominio Genuensi vsquam habitat: absteineat

Prætor vrbis: maleficiorumque iudex, & quiuis alius Magistratus iurisdictionis Genuensis aduersus horum quempiam per accusationem, vel inquisitionem agere: præterquàm ad illius petitionem: qui suam, vel suorum iniuriam prosequitur. Idque tum, cū illic vbi crimen admissum fuerit: is: qui admiserit: nec dānatus fuerit, nec absolutus. Et si à Præторе vrbis, vel alio quouis ius dicente in dominio Genuensi exul iam factus fuisset, ac deinde à Magistratibus eius loci: vbi deliquit: exilio etiam mulctatus: vel modo aliquo eo de crimine molestatus: tunc ab exilio iniuncto à Præторе vrbis, vel ius dicente in dominio Genuensi ipso iure exemptus censetur. Si verò in Genuensem ciuem, vel districtualem, aut quemuis alium Genuæ, vel in Genuensi dominio (vt memorauimus) habitantem deliquerit: agatur in eum tam Genuæ, quàm vbique locorum Genuensis dominij ad illius dūtaxat petitionem, qui suam, vel suorum iniuriam prosequitur: etiam si: vbi deliquit, eo de crimine exilio fuisset mulctatus: nisi illic se iudici coram staturit,

tuerit, & iudex nulla subsecuta collusione condemnando, vel ab-
soluendo definitè pronunciauerit. Et si nundum pronunciaffet,
sed procederet: expectetur euentus iudicij: nec interea: dum pro-
nunciet: quicquam à Magistratibus vrbis, vel dominij innouetur.

De iudicentibus: qui perperam iudicauerit.

Cap.

XCVII.



Si ius dicens in vrbe Genua: vel Genuensi dominio
ciuis, vel exterus per se, vel per suos ministros, aut
familiares, vel per quoscunque alios tempore sui
officij ab quouis mortalium: vel (vt aiunt) ab vni-
uersitate: corpore, vel collegio: etiā ab eo: qui spon-
te dare volet: præter mercedem sui salarij: & id: quod nostris san-
ctionibus est constitutum, vel ab Illustrissimo Duce: & Magnifi-
cis Gubernatoribus, aut ab Senatu permissum: quocunque modo:
vel nomine quid amplius acceperit: vel de dando promissio ei fa-
cta fuerit: & sit exterus: quadruplum eius: quod vel acceperit: vel
sibi promissum fuerit inferat fisco. Sin ciuis Genuensis, vel subdi-
tus: triplum soluat: & id, quod quisque acceperit: illi: à quo accepe-
rit: restituat. Eisdemque pœnis teneatur quisquis quicquam ho-
rum tractauerit, aut fecerit, vel, vt fiat, curauerit. Qui verò pre-
cio, vel gratia deprauatus dolosè perperam iudicauerit: si causa
ciuilis erit: læso damna & impensas sarciat: fisco autem triplum
eius quod acceperit, vel promissum fuerit: soluat: & dignitate pri-
uatus perpetua infamiæ nota laboret. Sin criminalis: præter me-
moratas pœnas luat ære, vel corpore, vel summo plectatur suppli-
cio, aut ad id vsque pro qualitate admissi arbitrato Magistratus.
Accusator autem, vel delator dimidium pœnæ numariæ conse-
quatur: cuius ille fuerit mulctatus: qui aduersum hæc: quæ memo-
rauimus: quidpiam fecerit. Liceatque etiam illi: qui dederit, vel
dare promiserit: impunè deferre: & idem præmium habere, at-
que ab iudice: quicquid eo nomine dederit: recuperare.

Omniibus autem his cognoscendis, & iudicandis: donec iuris
dicen

dicendi iudex fungetur officio: præsit Illustrissimus Senatus, vel ij, quibus ab eo fuerit id munus demādatum. Eo verò exacto, cognoscant syndicatores: idq; præsumptionis, & indicij pro plena habeatur probatione, quod, qui cognoscent, statuerint sustinere. Reus autem ad veritatem dicendam cogatur vel multa pecuniaria, vel corporis castigatione iudicum arbitrato.

De viro, vxore superstite aliam superinducente, & de muliere, viuo marito alteri nubente. Cap. XC VIII.



Vi, vxore sua superstite, aliam sciens superinduxerit: item mulier, quæ virum habens: de cuius morte nullus luctus palam sit factus, alteri se matrimonio iunxerit: det fisco in pœnam tam vir, quàm mulier, centum libras vsque ad quingentas arbitrato Magistratus pro conditione personæ. Sed si carnalis copula intercesserit, ambo plectantur capite: mulierq; ipso iure dote, & antefacto censeatur priuata: cedantq; prout capite de muliere fugitiua à domo mariti est constitutum. Eadémq; pœna adficiatur, quæ alteri viro vxorem habenti sciens nupserit, si carnalis copula fuerit subsecuta.

Ea pœna plectatur qui mandat, qua, qui committit, nec mandati transgressio ei opituletur.

Cap. XC IX.



Si quis mandauerit quempiam percuti, vel vulnerari, quanuis non animo occidendi fecerit, sed iniuriæ tantum inferendæ gratia: tamen, si ex percussione mors sequetur, vel membri debilitatio, aut ex vulnere euidentis cicatrix in facie perpetuò remansura: qua pœna plectendus erit, qui mandatum suscepit, ea & hunc, qui mādauit, plectendum sancimus. Nec mandati transgressionem (quanuis de ea cōstaret legitimè) quòminus plectatur, ei in aliquo volumus opitulari.

K

MDLV: Die II. Octobris.



LLVSTRISSIMVS D. Dux, Illustres D. Gubernatores, & M. D. Procuratores Excellæ Reipublicæ Genuen. sub indicio calculorum. Huius decreti vigore, decreuerunt, & ordinauerunt, ac decernunt, & ordinant, quod omnes illi, qui de cætero erunt culpabiles condemnati, & banniti, pro crimine præsteræ veneris, seu vitio sodomitico, non possint gaudere beneficio decreti formati contra bannitos, quo disponitur, quomodo remitti possint banniti: ita quod ipsi condemnati, & banniti pro crimine prædicto, non possint remitti, nec rebanniri virtute dicti decreti, tam per se ipsos, quàm vocari & rebanniri per alium, seu alios, quibus competeret ius, & beneficium dicti decreti: & hoc non obstante decreto ipso, aut aliqua alia legum, & capitulorum, seu statutorum, dispositione: quibus omnibus de plenitudine potestatis, ex certa scientia, & motu proprio, derogarunt, & derogant, nihil obstante.

MDLVI. Die XXI. Iunij.



Llustrissimus, & Excellentissimus Dominus Dux, Illustres Domini Gubernatores, & M. D. Procuratores Excellentissimæ Reipublicæ Genuensis. Cum nil salubrius sit in Republica, quam quod leges, quibus homines debent regi, & gubernari, ita & taliter sancite & disposite remaneant, vt omni cum facilitate, quisque de eis se certiore facere valeat, cum, prout, quilibet, sua interest, earum beneficio frui possit, tum vt cauere sciat, ne quid contra earum dispositionem, operetur, & cum à pluribus annis & citra, propria experientia cognitum sit, statuta ipsa multis & varijs temporibus decreta, non modo inter se plerunque confun-

K 2 di, ve-

di, verum etiam multoties videri vnum alteri aduersari: vnde fit quod vltra summam difficultatem habendæ copię eorum, ita vt ex eorum dispositione lites deberent dirimi, & terminari, sæpe ortæ sunt, & multiplicatæ: & cū suæ Illustriss. Dominationes, præ habitis super his omnibus, debitis considerationibus, & cognita denique vrgenti necessitate reuisionis, reformationis, & compilationis, statutorum, & ordinamentorum Ciuitatis, quod à multis, & multis annis citra minime prouisum fuit: & propterea summam negotij tanti momenti, demandauerint tribus præstantissimis Ciuibus, à quibus, diuturnis & multis laboribus, debitisque diligentijs adhibitis, fuerunt reuisa, reformata, & in vnum volumen compilata, iura, & statuta criminalia Ciuitatis, quorum virtute boni illesi, & incolumes tueantur: mali verò appositione poenæ territi parare formident: & cum postrema statuta ipsa à suis Illustrissimis Dominationibus fuerint respectiue reuisa, perpen-
 sa, & abunde examinata, & sic dum datur opera reuisioni, reformationi, & compilationi iurium ciuiliū, suis Illustrissimis D. visum fuerit in sententiam criminalium reformationum sancire, obseruantiam illorum decernere, eaque omnibus nota, facere, ita vt deinceps, rerum criminalium iustitia, iuxta dispositionem horum nouorum iurium, & statutorum administretur & regatur, nec contra eorum tenorem, & dispositionem, aliqua alia dispositio quorūcunque aliorum decretorum, & statutorum vsque in hodiernum deliberatorum admittatur, quinimo ad vnguem tam in præsentī Ciuitate, quā in omnibus alijs Ciuitatibus, pagis, & locis, huius Illustrissimi Dominij, quibus non sunt permilla alia iura & statuta, inuiolabiliter obseruentur, executionique mandentur: ideo ex omni balia, autoritate, & potestate ipsis attributa, sub calculorū iudicio: omnimodo &c. Statuta, & decreta criminalia prædicta in vnum volumen redacta, & compilata prout supra, approbauerunt, ratificauerunt, & confirmauerunt, approbantq; ratificant, & cōfirmant, & eisdē plenissimam auctoritatem, & roboris firmitatem, contulerunt, & conferunt, ita quod modis prænarratis in tota ditione, & dominio huius

Rei-

Reipublicæ penitus obseruentur, & demum iustitia criminalis iuxta eorum tenorē, regatur & administretur: Mandantes quod omnes & singuli Magilstratus constituti, & constituendi in Ciuitate, & districtu, à Coruo vsque ad Monacum, & à Iugo vsque ad mare, ac in alijs locis huic Dominio subditis, ea obseruent, ab omnibusq; obseruari faciant, ius & iustitiā secundum earum dispositionem, continentiam, & tenorem, ministrando, in causis videlicet inchoandis die prima Ianuarij, anni venturi, 1567. & abinde inantea, in Insula vero Chij, & alijs locis transmarinis eorum obseruantia incipiat inde ad annum. Cassantes omnia alia statuta, & decreta, criminalia, existentia in volumine statutorum, & alia quęcūque decreta, & statuta criminalia, quibus in aliquo contrarieretur præsentibus statutis & decretis criminalibus nouissime compillatis, & illa respicientia materias, de quibus in præsentī volumine. Declarantes etiam, quod si quid inueniretur, aut per errorem, vel per obliuionem plus vel minus, vel aliter scriptum, quam ipsorum statuentium mens fuisset, quod voluerunt, & volunt, quod scriptor ipsorum, habito colloquio, & participatione, ac iudicio dictorum statuentium, aut maioris partis ipsorum, illud emendet, & corrigat, durante anno præsentī, & sic decreuerunt, & decernunt, nihil obstante, iubentes de præmissis fieri publicum proclama tenoris, de quo infra.

D I E E A.

Per ambo præfata Illustrissima Collegia, suspensa fuit proclamatio, & publicatio obseruantię præmissorum statutorum vsque ad nouum ordinem.

K 3 Præfa-

MDLVIII. Die XX. Aprilis.

PRæfati Illustrissimus, & Excellentissimus D. Dux, Illustres D. Gubernatores, & M. D. Procuratores &c. Volentes quod obseruatio statutorum criminalium, de quibus in superiori decreto executioni mandetur, modis quibus decreta existunt, Mandant procedi ad publicationem eorum, & fieri proclama tenoris, de quo infra,



On essendo alcuna cosa più congrua nella Repubblica, come che quelle leggi, sotto la dispositione delle quali gli huomini hanno da essere retti, & gouernati: restino ordinate in guisa, che à ciascuno sia facile l'hauerne notitia: & per poter seruirsene à i bisogni, & per sapere come reggersi, per non contrauenire alla dispositione di quelle: & essendosi da molti anni in quà, per molte isperienze visto quanto sijno confusi li statuti, & decreti della Città, in molti & varij tempi deliberati, & molte volte trouatosi l'vn decreto all'altro parere contrario: onde, oltre la difficoltà dell'hauerne copia, si come dalla dispositione di essi, ne deuono cessare le liti, ne sono taluolta nate, & moltiplicate.

Sopra le quali cose, hauendo l'Illustriss. S. Duce, & Magnifici Sig. Gouernatori & Procuratori dell'Eccelsa Repub. di Genoua hauute più & più considerationi, doppo d'hauer conosciuta la molta necessità della reuisione, riformatione, & compilatione dell'i statuti, & ordini della Città, cosa non prouista da molti anni in quà: hanno commessa la somma di questo negotio à tre prestanti Cittadini, dalli quali, con molte, & lunghe fatiche, & precesse le douute diligenze, & considerationi, sono stati reuisti, reformati, & compilati in vn volume di statuti, & ordini criminali, li quali essendo inappresso stati molto ben reuisti, considerati, & esaminati da loro Signorie Illustrissime, si sono ultimamente per lo bene vniuersale, per tutta l'authorità à loro attribuita,

risolu

rifoluti, & hanno deliberato in sentenza di essi: Volendo loro Illustrissime, & Magnifice Signorie, poi che non sono anco spediti i statuti Ciuili, a' quali si dà opra con tutte diligenze, che si venghino all'essecutione, & offeruanza de' Criminali: & che la Giustitia Criminale habbia in l'auenire da essere amministrata secondo la dispositione di questi nuoui statuti, & capitoli: & che contra di essi non sia ammessa alcuna dispositione di altri statuti, o decreti sin'al præsente determinati, & deliberati: & finalmente che sijno offeruati, cosi nella presente Città, come in tutti li luoghi del Dominio, a' quali non sono permesse altre leggi, o statuti. Per parte adunque di loro Illustrissime, & Magnifice Signorie si notifica ad ogni, & singola persona, la determinatione, & deliberatione di sopra, & come l'offeruanza di essi statuti Criminali, sarà messa in vso al primo di Giugno dell'anno presente del 1558. dal quale tempo innanzi, sarà secondo la dispositione di essi, circa l'auuenire amministrata la giustitia criminale, & si sono fatti stampare, à fine, che resti commodò à ciascuno d'hauerne copia. In Palazzo, il XX. d'Aprile MDLVIII.

MDLVIII. Die XXII. Aprilis.

Publica
tuetiam
in domi
nio.

FRANCISCUS Cotius Cintracus, & preco publicus, retulit proclasse, sono tubarum alta, & intelligibili voce, superscriptum proclama, vt in ipso continetur, in locis publicis, & consuetis præsentis Ciuitatis Genuæ.

Illustrissima

MDLXI. Die VII. Augusti.



Llustriſſima Dominatio, & Magnifici Domini Procuratores Excellæ Reipublicæ Genuen. ægrotante Illuſtriſſimo D. Duce. Habentes notiſſimam decreti antiqui, quo prohibebatur omnibus Genuenſibus, vel qui privilegio Genuenſi gauderent, Ciuibus Genuæ, vel in Ciues receptis, vel qui pro Genuenſibus diſtinguerentur, emere, vendere, ſeu quacumque acquirere, vel in alterum transferre aliquod Caſtrum, vel fortificium alicuius Caſtri, vel loci, vel aliquam partem eius, vel iuriſdictionem, homagium, aut Signoriam alicuius terræ, loci, vel Caſtri, qui vel quæ ſint infra confinia terrarum, & locorum communis Genuæ, nec prope ad decem milliaria, niſi de licentia domini Gubernatoris, ac Concilij, ſub pœna amiſſionis rei emptæ, vel venditæ, quæ eſſet ipſo facto effecta communis Genuæ, & valoris, vel æſtimationis eiſdem, & prout in eo continetur, cui condigna relatio habeatur: Sciſtes præterea inter ſtatuta criminalia nouiter condita, reperiri quodam ſtatutū ſub Rubrica de pago, arcévé, aut caſtro intra Coruū & Monacum non emendo, poſſeque forte in dubium oriri, an dictum ſtatutum nouum, & interdiktum, de quo in eo, procedat etiam in venditionibus, emptionibus, & alienationibus locorū, iuriſdictionum, & caſtrorum, quæ ſunt propè confinia terrarum & locorum communis Genuæ ad milliaria decem, prout in antiquo decreto continetur: Cognoscentes etiam & certo ſciſtes, ac memoriam tenentes, mentem ſuarum Illuſtriſſimarum Dominatio num non fuiſſe, nec eſſe, dictum antiquum decretum tam publicam vtilitatem concernens, in aliquo reſtringere, nec derogare Cupientes præterea talem dubitationem tollere, ac publicæ vtilitati conſulere, præcedente ſuper his frequenti tractatu, ac matu-

ro examine, & disculsioue, habitoque colloquio, & participato negocio, cum aliquibus præstantibus Ciuibus, ac iuris peritis Cõlegij Ciuitatis Genuæ: ideo declarando, & quatenus expediat de nouo statuendo, pro pace, quiete, bono, ac vtilitate publica, præfenti generali decreto perpetuis temporibus valituro, ex eorum certa scientia, ac omni iure, via, modo, & forma, quibus melius potuerunt, & possunt. Declarauerunt, decreuerunt, & statuerunt, ac declarant, decernunt, & statuunt, quod dictum interdictum, & statutum, locum etiam habeat quoad vendentes, ementes, & alienantes, contra formam dicti statuti, aliquod Castrum, locum, iurisdictionem, signoriam alicuius loci, vel terræ, pagum, aut arcem, vel aliquam partem, quod vel quæ, sit infra confinia terrarum, & locorum communis Genuæ, & etiam prope ad milliaria decem, prout in dicto antiquo decreto continetur; & habeat locum præfens decretum, & declaratio, quoad venditiones emptiones, & alienationes, quæ fierent à die præfentis decreti, & infuturum, & non autem ad præteritas, quæ fuissent factæ contra formam dicti decreti antiqui, à die publicationis dictorum statutorum Criminalium, à quo die citra, vsque in diem præfentis decreti, habeat solum locum dispositio dicti decreti noui, sub Rubrica de pago, arceve, & castro, intra Coruum, & Monacum, non emendo, de quo in libro statutorum criminalium.



Auendo l' Illustrissimo Signor Duce, Magnifici Signori Gouernatori, & Procuratori della Republica di Genoua; notitia di vno decreto antiquo, per il quale era prohibito à ciascuno Genouese, ò chi godesse del priuilegio de' Genouesi, a' Cittadini di Genoua, ò siano riceuuti in Cittadini di Genoua, ò vero tutti coloro, che fussero distretti, & comandati per Genouesi, comprare, vendere, ò sia in qual si voglia modo acquistare, & in altra persona trasportare alcuno Castello, ò sia forza di alcun Castello, ò luogo, ò vero alcuna parte di quello, giuridittione di
huomini,

huomini,ò signoria di alcuna terra,luogo,ò Castello, il quale sia dentro le confini delle terre,& luoghi del còmune di Genoua, ne appresso à diece miglia, eccetto che di licenza del Signor Gouvernatore,& Conciglio,sotto pena di perdere la cosa còprata,& venduta, la quale fùlle esso fatto, fatta, dal detto commune di Genoua,& del valore,ò estimatione di essa medesima cosa, & come in esso decreto si contiene, al quale si habbia degna relatione: Sapendo oltre di ciò li prefati Illustriissimi,& Magnifici Signori fra li statuti criminali nuouamente fatti,& promulgati, trouarsi vn statuto sotto la rubrica de pago,arcève, & castro, intra Coruum, & Monacum non emendo, & poter forsi nascere dubitatione se il detto statuto nuouo, interdetto, & prohibitione, della quale si fa mentione in esso,proceda ancora nelle vendite,compre, & alienationi de' luoghi,giuridittioni,& castelli, li quali sono appresso li confini delle terre, & luoghi del commune di Genoua dieci miglia,come si contiene nel detto antico decreto: Conoscendo ancora,& sapendo certo, & hauendo memoria, la mente di loro Illustissime Signorie non essere stata, ne essere, restringere in cosa alcuna il detto antico decreto, tanto concernente l'vtile publico,nè di derogargli: Desiderosi oltre à ciò di torre via tal dubitatione,& prouedere all'vtilità publica: hauendo più volte sopra ciò fatto trattato, & matura essaminatione,& discussione,& hauuto ragionamento, & participato tal negotio con alcuni prestanti Cittadini,& Giurecòsulti del Collegio della Città nostra, Perciò dichiarando, & in quanto sia ispediente di nuouo statuendo per la pace, quiete, bene, & vtilità publica, con il presente generale decreto, che debba valere in perpetuo, & di loro certa scienza, & per ogni ragione, via, modo, & forma che meglio hanno potuto, & possono, hanno dichiarato,decretato, & statuito,& dichiarano,decretano, & statuiscono, che il detto interdetto,& statuto habbi ancor luogo, quanto alli vendenti, compranti, & alienanti contra la forma del detto statuto, alcun castello, luogo,giuridittione,signoria di alcun luogo,ò terra,borgo,ò rocca,ò alcuna parte,il quale,ò la quale sia dentro li confini delle terre,ò

re, ò luoghi del commune di Genoua, & anco appresso à miglia dieci, come nel detto antico decreto si contiene.

Dichiarando, che il presente decreto, & dichiarazione, habbia luogo, quanto alle vendite, compre, & alienationi, le quali fussero fatte, dal di del presente decreto, & per l'auenire, & nò quanto alle passate, le quali fussero state fatte contra la forma del detto decreto antico, dal di della publicatione delli detti statuti criminali, dal qual giorno in quà infino al giorno del presente decreto, habbia solo luogo la dispositione del detto decreto, ò sia statuto nouo, sotto la Rubrica de pago, arcéve, & castro intra Coruum & Monacum non emendo, & il quale è nel libro delli statuti criminali. Di Palazzo alli v. d'Agosto 1561.

Die VIII. Augusti.

Publicatum fait suprascriptum proclama per me Ioannem Baptistam Solarium Cintracum, sono tubarum voce preconis, vt moris est.

MDLXII. Die VIII. Augusti.



Llustriſſimus Dominus Dux, Magnifici Domini Gubernatores, & Procuratores Excelſæ Reipublicæ Genuen. Cum statutum criminale de curatoribus conſtituendis minoribus delinquentibus, videatur ſubſcurum, & non nihil dubitationis habere, variæque interpretætur, & intelligatur: Volentes id melius declarare, ne poſthac vertatur in dubium ſenſus eiufdem, & quomodo intelligi debeat omni modo, &c. Se ſe ad calculos abſoluendo, decreuerunt, & declarauerunt, decernunt, & declarant, ſtatutum ipſum, in hunc modum debere intelli-

intelligi, videlicet, curatorem esse dandum ipsis minoribus delinquentibus, quatenus se constituent tantum: non autem absentibus, & contumacibus: Respectu vero minorum absentium, & qui non se constituent, quod procedatur contra eos, tanquam contra maiores, nullo eisdem curatore constituto.

FINIS.

INDEX TITVLORVM

CRIMINALI VM

LIBRI PRIMI.


DE MODO PROCEDENDI.



IurisdiCTIONe, & arbitrio Prætoris, ac Iudicum in Criminalibus. fol.	1
De denuntiationibus à Rectoribus villarum, & locorum faciendis.	2
De notificationibus à Chirurgis faciendis.	3
De visitationibus faciendis.	3
Intra quæ tempora accusationes, denunciationes, & inquisitiones possunt institui.	5
De malefactoribus persequendis.	6
De officio scribæ ad maleficia.	6
De inquisitionibus formandis.	7
Quòd denunciatus, vel accusatus caueat.	8
De modo procedendi contra accusatos, vel inquisitos contumaces.	9
De modo procedendi contra non contumaces.	11
De Procuratoribus non constituendis.	14
De minoribus, & quomodo contra eos procedendum sit, de quæ eorum pœnis.	15
Quomodo procedendum sit, vbi allegaretur absentia accusati, vel inquisiti.	15
De quæstionibus.	16
De testibus cogendis.	18
De actorum publicatione.	19
De processibus formandis, & sententijs ferendis.	19
Intra quæ tempora causæ criminales debeant terminari.	20
De mulctis ferendis ijs, qui Magistratibus non paruerint.	23
Quòd non possit renunciari iuri abolitionis.	23
De arbitrio Prætoris contra externos, & discolos.	24
L	Quòd

Quòd Prætor maleficiorumque Iudex in postremis diebus quindecim sui officij neminem possint absoluerè, nec condemnare.	24
Cuius quantitatis cautio peti possit.	25
Quòd propter condemnationem locorum non grauentur ciues, nec habitantes in vrbe.	25
Quòd Prætor, & Iudex, aut Officialis neminem in carceribus detentum liberet, nisi causa cognita.	25
De custodia carcerum.	26
Quòd custodes carcerum ex causa custodiæ nihil amplius accipiant, quàm per statuta constituatur.	27
Quòd custos carcerum nihil eorum palàm faciat, què in eis à Prætorè, & Iudice fiunt.	27
Quòd propter omittas solennitates, causæ criminales irritæ non reddantur.	28
De appellationibus causarum criminalium non admittendis, nisi modò infra scripto.	28

LIBER SECVNDVS.

 E blasphemis.	29
De præter naturam lasciuientibus.	31
De adulteris, & Stupratoribus.	31
De raptoribus.	33
Quòd mulier malæ famæ, nec leno habitent vbi degunt homines honestæ conditionis.	34
Quòd nemo meretricium, vel lenocinium exerceat in vrbe Genua.	35
De contrahentibus clandestina matrimonia.	35
De homicidio.	37
De Genuensibus, vel districtualibus extra urbem Genuam, & districtum homicidium committentibus.	39
De veneficis.	39
De	

De affasinis.	40
De percutientibus.	42
Quòd percutientes & vulnerantes in carceribus detineantur.	45
De electionem Physicorum, & Chirurgicorum.	46
De percutiente aduersarium suum.	46
De percutiente nuncium in citatione reali, aut verbali, vel iniuria adficiende.	47
De impensis vulnerato à vulnerante reficiendis.	47
De conuicium faciente.	47
De extero, qui ciui Genuensi, vel districtuali extra urbem Genuam, & districtum vim intulerit.	49
De furibus.	50
De committentibus furtum in seruo, vel serua.	52
De inducentibus ad fugam alienum seruum, vel seruam.	53
De seruorum excessibus compescendis.	53
De rapinis.	55
De sacrilegis.	55
Quòd incolæ locorum Genuensis ditionis teneantur ad damna illata in suis territorijs.	56
Quòd nemo piraticam exerceat, nec furetur in littore maris.	57
De recipientibus Piratas, vel Prædonès.	57
De præstantibus fidem publicam Prædonibus.	58
De ijs, qui de ære, vel re aliena aliter disponunt, quàm dominus statuit, vulgariter barattariam committentibus appellatis.	59
De monetis.	59
De conficiente falsum instrumentum, vel acta.	61
De producente falsum instrumentum, vel acta.	62
De conficiente & producente falsam scripturam priuatam.	63
De peribente falsum testimonium.	63
De illo, qui mutato nomine falsum instrumentum condere fecerit.	64
De falsificante sigillum, vel literas Principis.	64
De nuncio falsam relationem faciente.	65
De Notario periuro.	65

De iurantibus scripturas factas, seu scriptas, à se factas, vel sub-	65
scriptas non fuisse.	65
De consulente produci falsum instrumentum, vel publicas scri-	66
pturas.	66
De incendiarijs.	66
De accusantibus, vel denunciantibus dolo, vel per calum-	68
niam.	68
De conuenticulis, & coniurationibus non ineundis.	68
De Notario celante scripturas.	69
De Notarijs, non indicantibus legata, institutiones, & substitu-	70
tiones factas pijs locis.	70
De instrumentis, & scripturis non vendendis, nec emen-	70
dis.	70
De bonis delinquentium apud sequestrum collocandis.	70
De pœnis, quæ imponi, & exigi possunt sine processu.	71
De prohibente fieri executiones ab executoribus publicis.	71
De fractoribus carcerum.	72
De detentis in carcere, qui custodem carceris læserint.	73
De rumpente pacem, vel inducias.	73
Si vnus ex pluribus obligatis pacem ruperit.	74
De duellis.	76
De clàm, dolóve intrante alienam domum, vel apothecam.	77
De intrante domum alienam per vim fracto ostio, muro, vel fene-	78
stra.	78
De proijcientibus lapides in domum alterius.	78
De facientibus carceres priuatos.	79
Quòd non restituatur qui deliquit, nisi iudicatum præstite-	79
rit.	79
De sollicitantibus milites stipendijs Illustrissimæ dominationis	79
militantes.	79
Quòd qui mandat maleficium committi, ea pœna plectatur, qua	80
is, qui commisit.	80
De amplexantibus, & osculantibus mulieres, præter earum vo-	81
luntatem.	81
De	

De nutricibus.	82
De grauidantibus seruas, seu sclauas alienas.	84
Ne famulus in domo sui domini fœminam ad eam carnaliter cognoscendam conducatur: néve manentem in ea cognoscat.	84
Néquis mulieres in carceribus detentas carnali copula cognoscat.	85
Quòd mulier non cogatur in palatium ire ad dicendum testimonium,	86
Quòd de bonis damnatorum id râtum ad fiscum pertineat, quod æri superest alieno.	86
De crimine læsæ maiestatis.	86
De rebellibus, & exulibus edicto publicatis, non recipiendis.	91
De exulibus ob æs alienum non restituendis.	93
De exulibus impunè lædendis, & occidendis.	94
De præmio occidentis rebellem, vel capite damnatum, & exulem capientis.	94
Tradat curiæ qui exulem ceperit.	96
De iurè non reddendo foro iudicatis, seu forestatis.	96
De exulibus, vel forestatis ob delictum citra mortem, nisi modo infra scripto restituendis.	96
De executione sententiæ, vel edicti contra exules.	98
De exule edictum non seruante.	98
Quomodo procedendum sit contra ciuem, vel districtualem exules publicatos in suis castris, vel pagis recipientem.	99
Quòd nullus accedat ad loca rebellium.	99
Quòd nullus ob delictum, vel ob æs alienum exul factus, seu forestatus ad officium, vel dignitatem promoueatur, nec ad arcis, vel castri custodiam admittatur, aut ad stipendia Reipublicæ recipiatur.	100
De milite, vel agente pro Republica, qui profugerit accepto stipendio.	100
De pago, arcève, aut castro intra Coruum, & Monacum non emendo.	100
De Aduocatis, & Causidicis paciscentibus de quota litis.	101

Quòd pœna duntaxat ex forma statutorum constituta irrogetur delinquenti.	102
De occupantibus, vel prohibentibus viam publicam.	102
De proijcientibus immundicias ante ostium domus cuiuspiã, & de acclamantibus verbis iniuriosis.	102
De Hereticis persequendis.	103
De transcendentibus mœnia, vel ad ea propè accedentibus.	104
De condemnationum exactiõne.	105
Nec commendentur causæ, nec commendantes audiantur.	105
De contrahentibus matrimonium cum seruis infcio, vel inuito domino vel domina.	106
De supponentibus partum.	106
De præuaricatoribus.	107
De Ciuibus Genuensibus, & subditis Genuensi dominio extra Genuam, & dominium Genuense delinquentibus.	107
De iudicentibus, qui perperam iudicauerit.	108
De viro, vxore superstite aliam superinducente, & de muliere, viuo marito alteri nubente.	109
Ea pœna plectatur qui mandat, qua, qui committit, nec qui mandati transgressio ei opituletur.	109

F I N I S.



REGISTRVM.

.. ꝑ A B C D E F G H I K L.

Omnes sunt Terniones, præter ꝑ qui est Duernio.

G E N V A E,

EX OFFICINA BELLONIANA.

M D L X X I I I.

1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900







